


ԶԱՄԻԱԾԻՆ





Ի Ը
Տ Ա Ր Ի




ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

Արևիկյան հրատարակչություն


1972



Հ Ր Ա Մ Ա Ն Ա Ի

Տ. Տ. ՎԱԶԳԵՆԻ ԱՌԱՋՆՈՑ

ՎԵՀԱՓԱՌ ԵՒ ՍՐԲԱՋՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



**ՎԵՀԱՓԱՌ ՀԱՅՐԱՊԵՏԻ ԿՈՆԴԱԿԸ ՍԱՐԴԱՐԱՊԱՏԻ
ՀԵՐՈՍԱՄԱՐՏՈՒՄ ԶՈՀՎԱԾՆԵՐԻ ՀԻՇԱՏԱԿԸ
ԱՄԵՆ ՏԱՐԻ ՄԱՅԻՍԻ 22-ԻՆ ՆՇԵԼՈՒ ՄԱՍԻՆ**

ՎԱԶԳԷՆ ԾԱՌԱՅ ՅԻՍՈՒՍԻ ՔՐԻՍՏՈՍԻ, ՈՂՈՐՄՈՒԹԵԱՄԲՆ
ԱՍՏՈՒԾՈՅ ԵՒ ԿԱՄՕՔՆ ԱԶԳԻՍ, ԵՊԻՍԿՈՊՈՍԱՊԵՏ ԵՒ
ԿԱԹՈՂԻԿՈՍ ԱՄԵՆԱՅՆ ՀԱՅՈՑ, ԾԱՅՐԱԳՈՅՆ ՊԱՏՐԻԱՐՔ
ՀԱՄԱԶԳԱԿԱՆ ՆԱԽԱՄԵԾԱՐ ԱԹՈՒՌՈՅ ԱՅՐԱՐԱՏԵԱՆ
ԱՌԱՔԵԼԱԿԱՆ ՄԱՅՐ ԵԿԵՂԵՑԻՈՅ ՍՐԲՈՅ ԿԱԹՈՒՂԻԿԷ
ԷԶՄԻԱԾՆԻ

ՔՐԻՍՏՈՍԱԽԱՆԴ ՄԻՐՈՅ ՈՂԶՈ՞ՅՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ
ԿԱԹՈՂԻԿՈՍԻՆ ՄԵԾԻ ՏԱՆՆ ԿԻԼԻԿԻՈՅ Տ. Տ. ԽՈՐԵՆԱՅ ԱՌԱԶՆՈՅ,
ՊԱՏՐԻԱՐՔԻՆ ՀԱՅՈՑ ՍՐԲՈՅ ԵՐՈՒՍԱՂԵՄԻ Տ. ԵՂԻՇԷԻ
ԱՐՔԵՊԻՍԿՈՊՈՍԻՆ, ՊԱՏՐԻԱՐՔԻՆ ՀԱՅՈՑ ԿՈՍՏԱՆԴՆՈՒՊՈԼՍՈՅ
Տ. ՇՆՈՐՀՔԱՅ ԱՐՔԵՊԻՍԿՈՊՈՍԻՆ, ՀԱՄՕՐԷՆ ԱՐՔԵՊԻՍԿՈՊՈՍԱՅ,
ԵՊԻՍԿՈՊՈՍԱՅ, ՎԱՐԴԱՊԵՏԱՅ, ՔԱՀԱՆԱՅԻՑ ԵՒ ՍԱՐԿԱԽԳԱՅ,
ԹԵՄԱԿԱՆ ԵՐԵՄՓՈՒՄԱՆԱԿԱՆ ԺՈՂՈՎՈՅ, ԹԵՄԱԿԱՆ ԵՒ ԹԱՂԱԿԱՆ
ԽՈՐՀՐԴՈՅ ԵՒ ՊԱՇՏՕՆԷԻՑ ԵՒ ՍԻՐԵՑԵԱԼ ՀԱՄԱՅՆ ԺՈՂՈՎՐԴԵԱՆ
ՀԱՅՈՑ

...Թէպէտ եւ եմք ածու փոքր, եւ թուով յոյժ ընդ փոքու սահմանեալ,
եւ գորութեամբ տկար եւ ընդ այլով յոյժ անգամ նուաճեալ թագաւորու
թեամբ, սակայն բազում գործք արութեան գտանին գործեալ եւ ի մերում
աշխարհիս, եւ արժանի գրոյ յիշատակի...:

(ՄՈՎՍԷՍ ԽՈՐԵՆԱՑԻ)

Այն օրուանից երբ նահապետը մեր Հայկ, փշրեց բռնութեան կապանքը
Բելի ու դրեց սահմանաքարը հայրենի հողի, դրոշմուեց կոչումը հայ հոգու՝
ապրելու ազատ, եւ արեան իսկ գնով պաշտպանելու ժառանգութիւնը նախ-
նեաց:

Դարերի հոլովոյցով, բայց մանաւանդ Քրիստոսի լոյսի նառագայթումով
այդ կոչումը նոր նկարագիր զգեցաւ, եւ ինքնատիպ ձեւերի մէջ, վեհ ու վճիտ
ընթացք ստացան պատմութիւնն ու ազգային մշակոյթը հայոց:

Քաղաքակիրթ մարդկության ընտանիքի մէջ, հայ ժողովուրդը եւս դարձաւ՝ հոգեւոր, բարոյական ու մշակութային մի առաքելութիւն, իրեն յատուկ ազգային ձեւերի մէջ բիրեղացնելով համամարդկայինը: Նրա համար տնտեսականն ու քաղաքականը դարձան միջոցներ, իրականացնելու համար այդ առաքելութիւնը: Նա ապրեց ա՛յդ գիտակցութեամբ եւ յանուն ա՛յդ գիտակցութեան մաքառեց դարեր շարունակ, ընդդէմ խաւարի, ընդդէմ բռնութեան, ընդդէմ բարբարոսութեան:

Հայ ազգի հերոսական մարտնչումների դրօշի վրայ գրուած եղաւ միշտ Ասորայրի ճշմանքանը՝ «վասն հաւատոց, վասն հայրենեաց»: Այսպէս է որ յաճախ մարմնապէս նուաճուելով հանդերձ, ներքուստ նա մնաց միշտ ազատ, միշտ անպարտելի իր հոգեւոր-մշակութային առաքելութեան ճանապարհի վրայ: Եւ ի հեճուկա եկող ու անցնող մրրիկների, շարունակեց մնալ՝ ոգեկան անկորնչելի արժէքներ ստեղծող ուժ: Հայ ժողովուրդը իր ողջ պատմութեամբ, մնաց հաւատարիմ ազատատենէ Հայկին եւ քրիստոսաւեր Վարդանին:

Այդ ոգիով, այդ գիտակցութեամբ է որ մեր ամբողջ ժողովուրդը մի մարդու նման ոտքի կանգնեց ու արդար կոռուի դաշտ իջաւ նաեւ ի Սարդարապատ, եւ յաղթեց: Այդ պատահեց 1918 թ. մայիսի 22-ից 26 օրերին, երբ Օսմանեան կայսրութիւնը բնաջինջ անելուց յետոյ, Արեւմտահայաստանի մօտ երկու միլիոն հայ ազգաբնակչութիւնը, ապառնում էր նոյն ճակատագրին եւնթարկել նաեւ արեւելահայ ժողովուրդին:

Այդ ողբերգական պահին էր որ բոլոր հայերը անխտիր, աշխարհագոր գունդեր կազմած, քաջարի զօրականների առաջնորդութեամբ, ձեռք բերին յաղթանակը փրկարար:

Սարդարապատի յաղթութեամբ, բացուեց նոր էջը մեր դարաշրջանի հայոց պատմութեան, եւ մանաւանդ 1920 թուի նոյեմբերից յետոյ, անվտանգութեան ու խաղաղութեան պայմանների մէջ ամրապնդուեցին հիմքերը վերածնունդ հայ պետականութեան, լայն ու ազատ ճանապարհ հարթելով հիթական վերաշինութեան եւ ազգային մշակոյթի զարգացման:

Սոյն բախտորոշ հերոսամարտին փոքր չեղաւ նաեւ մասնակցութիւնը հայ հոգեւորականութեան, սուրբ Էջմիածնի եւ Գեղորգ Ե Ամենայն Հայոց Հայրապետի գլխաւորութեամբ: Անուններ, ինչպիսիք են՝ Գարեգին եպիսկոպոս Յովսէփեանց, Զաւէն եպիսկոպոս Պապայեան, Թաղէոս վարդապետ Մշոյ Առաքելոց վանքից, Դանիէլ եւ Եզնիկ վարդապետներ Աղթամարայ ուխտից, Յովհաննէս քահանայ Տէր-Մկրտչեան Գրամբա գիւղից, Զաքար քահանայ Կոտայքի Դազա գիւղից եւ ուրիշներ, որոնք աշխարհագոր գունդերի գլուխ անցած զէն ի ձեռին կոռուեցին, անուններ որոնք միշտ փառքով պիտի յիշուեն գալիք սերունդների կողմից:

Այսօր հայ ժողովուրդը ամուր կանգնած Սարդարապատի յաղթանակի վէմին վրայ, հպարտ է անցնող յիսուն եւ հինգ տարիների իրագործումներով, եւ ազգային ապահովութեան խոր զգացումով գոտեպիճը, կերտում է իր ապագան, առաւել ինքնավստահ, առաւել խանդավառ, շարունակելով իր պատմական առաքելութիւնը իբրեւ մշակոյթ ստեղծող ազգութիւն, յառաջդիմութեան, ընկերային արդարութեան եւ ստեղծարար, խաղաղ աշխատանքի ճանապարհով, սովետական եղբայրական ժողովուրդների կողքին:

Նոր պայմանների մէջ, նոր ներշնչումներով, նոր խոյանքներով նոյն հայ ժողովուրդն է որ շարունակում է իր առաքելութիւնը՝ յաւէտ հաւատարիմ իր նախնեաց կոչումին, որ Հայկն ու Վարդանը դարբնեցին:

Յանքերը ծագնելու համար յիշատակը Սարդարապատի հերոսամարտում զոհուածների, այսու Մեր կոնդակա հրահանգում ենք որ սկսեալ 1973 թուականից, ամէն մայիսի 22-ին հոգեհանգստեան հանդիսատր պաշտօններ կատարուն Հայաստանեայց բոլոր եկեղեցիներում, կենդանի խօսքով էլ պահ-ծացնելով նրանց զոհաբերումը՝ վասն հաւատոց եւ վասն հայրենեաց:

Փա՛ռք Սարդարապատը կերտող քաջերին: Փա՛ռք վերածնուած Մայր Հայաստանին:

«Յիշեցէք զգործս հարցն ձերոց, որ ինչ քաջութիւնս արարին ի դարս իրաքանչիւր. ստացարոյք փառս աւագութեան, եւ ժառանգեցէք զանուն յաիտենից» (Ա Մակ. Բ 51): Ամէն:

Վահագն Բ

ԾԱՅՐԱԳՈՅՆ ՊԱՏՐԻԱՐԳ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Տուա կոնդակս ի 8-ը սեպտեմբերի
1972 փրկչական ամի,
և ի տումարիս հայոց ՌՆԻԱ,
ի մայրավանս սրբոյ Էջմիածնի
ՀՄՐ. 788





**ՎԵՀԱՓՍՈՒ ՀԱՅՐԱՊԵՏԻ ԿՈՆԴԱԿԸ ՄԱԴՐԱՍԻ ՀԱՅՈՑ
Ս. ԱՍՏՎԱԾԱԾԻՆ ԵԿԵՂԵՑՈՒ ԿԱՌՈՒՅՄԱՆ 200-ԱՄՅԱԿԻ
ԱՌԻԹՈՎ**

ՎԱԶԳԷՆ ԾԱՌԱՅ ՅԻՍՈՒՍԻ ՔՐԻՍՏՈՍԻ,
ՈՂՈՐՄՈՒԹԵԱՄԲՆ ԱՍՏՈՒԾՈՅ ԵՒ ԿԱՄՕՔՆ ԱԶԳԻՍ,
ԵՊԻՍԿՈՊՈՍԱՊԵՏ ԵՒ ԿԱԹՈՂԻԿՈՍ ԱՄԵՆԱՅՆ ՀԱՅՈՑ,
ԾԱՅՐԱԳՈՅՆ ՊԱՏՐԻԱՐՔ ՀԱՄԱԶԳԱԿԱՆ ՆԱԽԱՄԵԾԱՐ
ԱԹՈՐՈՑ ԱՅՐԱՐԱՏԵԱՆ ԱՌԱՔԵԼԱԿԱՆ ՄԱՅՐ
ԵԿԵՂԵՑՈՅ ՍՐԲՈՅ ԿԱԹՈՒՂԻԿԷ ԷԶՄԻԱԾՆԻ

ՔՐԻՍՏՈՍԱԿՆԵՂԻ ՍԻՐՈՅ ՈՂԶՈ՞ՅՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ
ՊԱՏՈՒԱՐԺԱՆ ՀԱՅԿԱԿԱՆ ԸՆԿԵՐՈՒԹԵԱՆ ՀՆԴԿԱՍՏԱՆԻ ԵՒ
ՅԱՐԳԱՐԺԱՆ ԱԻԱՆԴԱՊԱՀՆԵՐԻՆ ՄԱԴՐԱՍԻ ՀԱՅՈՑ ԵԿԵՂԵՑՈՅ

Փառք ենք տալիս ամենակալ մեր Աստուծուն որ իր սուրբ հովանու ներքև պայծառ է պահում-պահպանում մեր եկեղեցիները, ի մխիթարությամբ մեր հաաաուացեալ ժողովրդի որ ի Հայաստան և որ ի սփիռու աշխարհի:

Այդ է վկայում նաև ձեր 1 սեպտեմբեր 1972 թուակիր գեղեցկահիս գիրքը, որով յայտնում էք Մեզ թէ այս տարի նոյեմբերին տօնախմբելու էք Մաղրասի հայոց եկեղեցու հիմնադրման երկուհարիւրամեակը:

Ուրախութեամբ ողջունում ենք ձեր այս աստուածահաճոյ ձեռնարկը և հայոց լոյս հաաաառքի կենտրոն Մալր Աթոռ սուրբ Էջմիածնից յլում ենք Մեր

հայրապետական օրհնությունը՝ Մադրասի հայոց եկեղեցուն, նրա աանդապահ զաւակներին և ի մասնաւորի ձեր ընկերութեան, ինչպէս և գերաշնորհ տ. Վահան եպիսկոպոս Տէրեանի նախազանգիւրեամբ կազմուած կարգադրիչ լանձնախումբին, որ մեր օրերին բարձր էք պահում Հնդկաց մեծ աշխարհում՝ սուրբ անունը և համբար Հայաստանեայց առաքելական եկեղեցու:

Թող Տէրը իր հովանին տարածեալ պահի Մադրասի ու Հնդկաստանի բոլոր հայկական եկեղեցիների և բոլոր Մեր հաւատաւոր զաւակների վրայ, ձեզ բոլորիդ պարգևելով արեւշատութիւն ու անսպառ եռանդ, պատուով շարունակելու համար ձեր նուիրական առաքելութիւնը:

Այս յոյժ երջանիկ առիթով յղում ենք նաև Մեր օրհնությունը հնդիկ մարդաւեր բարի ժողովրդին, աղօթելով որ Հնդկաստանում միշտ լոյս լինի, միշտ ծաղկում լինի, միշտ խաղաղութիւն լինի:

Ողջ լերուք զօրացեալ սուրբ Հոգով, և յաւէտ օրհնեալ ի Տեառնէ և ի Մէնջ. ամէն:

Գալստիէ Թ

ԾԱՅՐԱԳՈՅՆ ՊԱՏՐԻԱՐԷ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Տուա կոնդակս ի 14-ը սկստների
1972 փրկչական ամի,
և ի տումարիս հայոց ՌՆԻԱ,
ի մայրավանս սրբոյ Էջմիածնի
ՀՄՐ. 784





**ՎԵՀԱՓԱՌ ՀԱՅՐԱՊԵՏԻ ԿՈՆԴԱԿԸ Տ. ԳԵՎՈՐԳ
ՎՐԴ. ՍԵՐԱՅԴԱՐՅԱՆԻՆ՝ ՎՐԱՀԱՅՈՑ ԹԵՄԻ
ԱՌԱՋՆՈՐԴԱԿԱՆ ՏԵՂԱՊԱՀ ՆՇԱՆԱԿԵԼՈՒ ԱՌԻԹՈՎ**

ՎԱՋԳԷՆ ԾԱՌԱՅ ՅԻՍՈՒՍԻ ՔՐԻՍՏՈՍԻ,
ՈՂՈՐՄՈՒԹԵԱՄԲՆ ԱՍՏՈՒԾՈՅ ԵՒ ԿԱՄՕՔՆ ԱՋԳԻՍ,
ԵՊԻՍԿՈՊՈՍԱՊԵՏ ԵՒ ԿԱԹՈՂԻԿՈՍ ԱՄԵՆԱՅՆ ՀԱՅՈՑ,
ԾԱՅՐԱԳՈՅՆ ՊԱՏՐԻԱՐՔ ՀԱՄԱՋԳԱԿԱՆ ՆԱԽԱՄԵԾԱՐ
ԱԹՈՌՈՑ ԱՅՐԱՐԱՏԵԱՆ ԱՌԱՔԵԼԱԿԱՆ ՄԱՅՐ
ԵԿԵՂԵՑԻՈՅ ՍՐԲՈՅ ԿԱԹՈՒՂԻԿԷ ԷՋՄԻԱԾՆԻ

ՏԻՐԱԽՆԱՄ ՎՐԱՀԱՅՈՑ ԹԵՄԻ ԵԿԵՂԵՑԵԱՑ ՀՈԳԵԻՈՐ ԴԱՍՈՒՆ,
ԹԵՄԱԿԱՆ ԵՒ ԵԿԵՂԵՑԱԿԱՆ ԽՈՐՀՐԴՈՑ, ՊԱՇՏՕՆԷԻՑ ԵՒ ՀԱՄԱՅՆ
ՍԻՐԵՑԵԱԼ ՀԱԽԱՏԱՑԵԱԼ ԺՈՂՈՎՐԴԵԱՆ ՄԵՐՈՒՄ, ՈՂՋՈՅՆ
ՀԱՅՐԱԿԱՆ ԵՒ ՕՐՀՆՈՒԹԻԻՆ ՀԱՅՐԱՊԵՏԱԿԱՆ Ի ԳԱՀԷՆ ՍՐԲՈՅ
ՀՕՐԵ ՄԵՐՈՅ ԳՐԻԳՈՐԻ ԼՈՒՍԱԽՈՐՉԻՆ ԵՒ Ի ԳԱՀԱԿԱԼԷ ՆՈՐԻՆ

Ողորմութեամբն Աստուծոյ ամենակալին շէն ու պայծառ գործում են հա-
յոց եկեղեցիները թէ՛ մեր մայր երկրում՝ Հայաստանում, թէ՛ մեր հարևան եղ-
բայրական երկրներում, այդ թվում նաև՝ հինաւորաց բարեկամ Վրաստանում:

Վրահայոց պատմական թեմը, իբրև կենտրոն ունենալով Վրաստանի
քաղաքամայր Թբիլիսին, դարեր շարունակ միշտ եղել է հոգևոր մխիթարու-
թեան աղբիւր մեր հաւատացեալ ժողովրդի համար, ու նաև մի կենդանի գոր-
ծօն՝ վրաց և հայ եկեղեցիների ու ժողովուրդների անասաան բարեկամութեան
ու հարազատ եղբայրութեան:

Մենք, իբրև Հայոց Հայրապետ, նուիրական պարտք ենք համարում աղօ-
թել ու գործել նոյն այս ոգով և ջանք չխնայել որպէսզի Վրաստանի մեր թե-
մը իր բոլոր եկեղեցիներով և հոգևոր սպասաւորներով ուղիղ ընթանայ իր
պատմական առաքելութեան ճանապարհով:

Այս ոգով ու իղձերով տոգորուած, և ջերմապէս գնահատելով ձեզ իբրև հաւատաւոր, առաքինի ու նուիրեալ հոգևոր սպասաւոր սուրբ եկեղեցւոյ, այսու Մեր կոնդակաւ ձեզ հրահիրում ենք ստանձնելու վրահայոց թեմի առաջնորդական տեղապահութեան պաշտօնը սկսեալ 1 հոկտեմբեր 1972 թուից:

Վստահ ենք թէ ձեզ յատուկ շնորհներով, դուք յաջողութեամբ պիտի վարէք այս պատասխանատու պաշտօնը՝ ներդաշնակօրէն գործակցելով վրահայոց եկեղեցիների գործադիր վարչական մարմինների և հոգևոր սպասաւորների հետ, Վրաստանի բարեխնամ պետական իշխանութեանց հանդէպ յարգալիք ու օրինապահ վերաբերմունքով:

Պատուէր ենք տալիս նաև ձեզ որ սիրով և ջերմութեամբ մօտենաք վրահայ հաւատացեալ ժողովրդին, բոլորին հաւասարապէս բաշխելով հոգւոյ մխիթարութիւն, խաղաղութիւն և օրհնութիւն:

Մաղթում ենք ձեզ աշխատանքի անսպառ եռանդ ու երկնառաք ներշնչումներ արդիւնաշատ շինարար գործունէութեամբ:

Թող Աստուած իր լուսոյ փառքի մէջ պահի պահպանի վրահայոց թեմն ու եկեղեցիները:


Թող Աստուած միշտ խաղաղ ու միշտ երջանիկ պահի ծաղկեալ աշխարհը Վրաստանի, համայն իր ազնիւ ժողովրդով:

«Աստուած լուսոյ լի արասցէ: զձեզ ամենայն խնդրութեամբ և խաղաղութեամբ, առաւելով ձեզ լուսով՝ զօրութեամբ Հոգւոյն սրբոյ» (Հոով. ԺԵ 13):
Ամէն:

Վաչագան

ԾԱՅՐԱԳՈՅՆ ՊԱՏՐԻԱՐԷ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Տուա կոնդակա ի 20-ը սեպտեմբերի
1972 փրկչական ամի,
և ի տումարիս հայոց ՌՆԻԱ,
ի մայրավանս սրբոյ Էջմիածնի
ՀՄՐ. 785





ՀԱՅՈՑ ՀԱՅՐԱՊԵՏԻ ԾՆՈՐՀԱՎՈՐԱԿԱՆ ԳԻՐԸ
ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ ՆՈՐԸՆՏԻՐ
ԸՆԴՀԱՆՈՒՐ ՔԱՐՏՈՒՂԱՐ ԴՈԿՏ. ՖԻԼԻՊ ՓՈԹԸՐԻՆ

ԺՆԱ

Գերհարգելի դուկո. Ֆիլիպ Փոթըր,

Ութբեխտի ժողովից վերադարձին Մեր ներկայացուցիչները՝ տ. Ներսես ծ. վրդ. Պոզապայանը և պրն. Պարզև Ծահբազյանը ուրախությամբ հայտնեցին Մեզ Ձեր ընտրության մասին, որպես ընդհանուր քարտուղար եկեղեցիների համաշխարհային խորհրդի, ընտրություն, որ կատարվել է խանդավառ մթնոլորտում, սրտառուչ միաձայնությամբ:

Այս երջանիկ առիթով հաճելի է Մեզ շնորհավորել Ձեզ հանուն Հայաստանյայց առաքելական եկեղեցու և աղոթել, որ Աստված Ձեզ գորացնի հոգևոր նոր եռանդով և լուսավորի նոր ներշնչումներով, որպեսզի փայլուն հաջողություններ արձանագրեք Ձեր առաքելության ճանապարհին՝ քրիստոնեական եկեղեցիների էկումենիկ շարժման գլուխը կանգնած:

Հայաստանյայց առաքելական եկեղեցու Մայր Աթոռ ս. Էջմիածնից հղում ենք Ձեզ Մեր եղբայրական սիրո ողջույնը ի Քրիստոս:

Վ Ա Ջ Գ Ե Ն Ա

ԾԱՅՐԱԳՈՒՅՆ ՊԱՏՐԻԱՐՔ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

16-ը սեպտեմբերի 1972 թ.,

Ս. Էջմիածին





ՀԵՌԱԳՐԵՐԻ ՓՈԽԱՆԱԿՈՒՄ ԲԵՆՏՐԲԵՐԻԻ ՆԱԽԿԻՆ
ԱՐՔԵՊԻՍԿՈՊՈՍ ԶԵՆՖՅՐԻ ՖԻՇԵՐԻ ՄԱՀՎԱՆ ԱՌԻԹՈՎ

ՆՈՐԻՆ ԳԵՐԱՊԱՏՎՈՒԹՅՈՒՆ ԲԵՆՏՐԲԵՐԻԻ ԱՐՔԵՊԻՍԿՈՊՈՍ
ԴՈԿՏ. ՄԱՅՔԼ ՌԵՄՋԻՆ.

Լամբեթ-պալատ

Սուրբ Էջմիածնի Մայր տաճարի խորանի առաջ աղոթում ենք հանգուցյալ դոկտ. Զեռֆֆրի Ֆիշեր արքեպիսկոպոսի հոգու հանգստյան համար: Թող Աստված նրա հիշատակը կենդանի պահի երկրի վրա և լուսավորի նրա հոգին իր հավիտենական արքայության մեջ:

Հղում ենք Ձեզ Մեր ցավակցությունները:
Եղբայրական սիրով՝

Վ Ա Ջ Գ Ե Ն Ա

ԾԱՅՐԱԳՈՒՅՆ ՊԱՏՐԻԱՐԲ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

19-ը սեպտեմբերի 1972 թ.,

Ա. Էջմիածին

* * *

ՆՈՐԻՆ ՍՐԲՈՒԹՅՈՒՆ Տ. Տ. ՎԱՋԳԵՆ Ա.
ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ.

Էջմիածին

Խորին երախտագիտություն Ձերոջ Սրբությանը, Ձեր աղոթքների և ցավակցության համար, դոկտ. Զեռֆֆրի Ֆիշեր արքեպիսկոպոսի մահվան սոսի-թով:


Հանգուցյալը հանձնում ենք ամենակարող Աստուծո ողորմությանը և սիրում:

Մ Ա Յ Ք Լ Ռ Ե Մ Ջ Ի

ԲԵՆՏՐԲԵՐԻԻ ԱՐՔԵՊԻՍԿՈՊՈՍ

20-ը սեպտեմբերի 1972 թ.,

Լամբեթ-պալատ





ՍՈՒՐԲ ԳՐԱԿԱՆ ԸՆԹԵՐՑՈՒՄՆԵՐ

ՀԻՍՈՒՍԻ ԽԱՉԵԼՈՒԹՅՈՒՆԸ

ՈՐԴԻ ԵՎ ՄԱՅՐ

Եվ նրանք առան նրան և տարան: Եվ խաչափայտը նա ինքն էր վերցրել և բարձրանում էր այն տեղը, որի անունն էր Գագաթի, իսկ երրայեցերեն կոչվում էր Գողգոթա, որտեղ և խաչը հանեցին նրան ու նրա հետ երկու ուրիշների՝ այս և այն կողմից, իսկ մեջտեղում՝ Հիսուսին: Պիղատոսը մի տախտակ էլ գրեց և դրեց խաչի վրա. և գրված էր. «Հիսուս Նագուրեցի՝ հրեից թագավոր»: Այդ տախտակը հրեաներից շատերը կարդացին, որովհետև այն տեղը, ուր Հիսուսը խաչվեց, քաղաքին մոտ էր (և գրված էր երրայեցերեն, դաղմատերեն (լատիներեն) և հունարեն): Հրեաների քահանայապետները Պիղատոսին ասացին. «Մի՛ գրիր՝ հրեից թագավոր, այլ՝ թե՛ նա ասաց թագավոր եմ հրեից»: Պիղատոսը պատասխանեց. «Ինչ՞ որ գրեցի, գրեցի»:

Իսկ զինվորները, երբ Հիսուսին խաչը հանեցին, վերցրին նրա զգեստները և չորս մաս արեցին. յուրաքանչյուր զինվորի՝ մեկ մաս: Իսկ քանի որ պատմունանը առանց կարի էր, վերևից ներքև ամբողջովին հյուսած շորջանակի, ուստի միմյանց ասացին. «Այդ չպատուենք, այլ դրա վրա փհակ գցենք, ում որ ելնի», որպեսզի կատարվի գրվածը, որ ասում է. «Իմ զգեստները բաժանեցին իրար մեջ և իմ պատմունանի վրա փհակ գցեցին»: Զինվորներն այս բանն արեցին:

Իսկ Հիսուսի խաչի մոտ կանգնած էին նրա մայրը և նրա մորաքույրը՝ Կղեովպասի կին Մարիամը և Մարիամ Մագդաղենացին: Երբ Հիսուսը տեսավ մորը և այն աշակերտին, որ մոտ էր կանգնած, որին նա սիրում էր, մորն ասաց. «Ո՛վ կին, ահա՛ քո որդին»: Ապա աշակերտին ասաց. «Ահա՛ քո մայրը»: Եվ այդ պահից աշակերտը նրան իր մոտ առավ:

Այնուհետև Հիսուսը, գիտենալով, թե ահա ամեն ինչ կատարված է, որպեսզի կատարվի գրվածը, ասաց՝ ծարավ եմ: Եվ այնտեղ քացախով լի մի աման կար, ու նրանք լեղախառն քացախով մի սպունգ թրջեցին և այն դրին եղեգի ծայրին ու մոտեցրին նրա բերանին: Երբ Հիսուսը լեղախառն քացախ բերանն առավ, ասաց. «Ամեն ինչ կատարված է»: Եվ գլուխը խոնարհեցնելով՝ հոգին ավանդեց:

(Հովհաննու Ավետարան, ԺԹ 17—30)

ԻՄԱՍՏՈՒԹՅՈՒՆ ԱՍՏՈՒԾՈՒ ԵՎ
ԻՄԱՍՏՈՒԹՅՈՒՆ ԱԾԽԱՐՀԻ

Քանզի Քրիստոսը ինձ չուղարկեց մկրտելու, այլ՝ ավետարանելու, ո՛չ խոսքերի ճարտարությամբ, որ Քրիստոսի խաչը ընդունայն չլինի, որովհետև կորսույան մատուցվածների համար խաչի ճառը հիմարու-

թուն է, իսկ մեզ՝ փրկվածներին համար՝ Աստուծո զորություն. քանի որ գրված է. «Պիտի կործանեմ իմաստունների իմաստությունը և խելացիների մտածումները պիտի արհամարհեմ»: Ո՞ր է իմաստունը, ո՞ր՝ դպիրը, ո՞ր՝ այս աշխարհի քննողը: Չէ՞ որ Աստված հիմարացրեց այս աշխարհի իմաստությունը. քանզի Աստուծո այդ իմաստությամբ աշխարհը Աստծուն այդ իմաստությամբ չճանաչեց: Աստված հաճեց փրկել հավատացյալներին այդ քարոզության հիմարությամբ:

Իսկ որովհետև հրեաները ճշան են հայցում, և հեթանոսները իմաստություն են փնտրում, մենք քարոզում ենք այն խաչված Քրիստոսին՝ գայթակղություն հրեաներին և հիմարություն հեթանոսներին. բայց նրանց համար իսկ՝ հրեաների և հեթանոսների միջից կանչվածներին, Քրիստոսին քարոզում ենք որպես Աստուծո զորություն և Աստուծո իմաստություն. որովհետև Աստուծո հիմարն ավելի իմաստուն է, քան մարդիկ, և Աստուծո տկարն ավելի զորեղ է, քան մարդիկ: Իրավ որ, եղբայրներ, ձեր իսկ կոչումին նայեցե՛ք. ըստ մարմնի ոչ բազում իմաստուններ և ոչ բազում հզորներ և ոչ բազում ազնվականներ կան. բայց Աստված ընտրեց այս աշխարհի հիմարներին, որպեսզի ամաչեցնի իմաստուններին. և Աստված ընտրեց այս աշխարհի տկարներին, որպեսզի ամաչեցնի հզորներին. և Աստված աշխարհի անտոհմիկներին և արհամարհվածներին և ոչինչներին ընտրեց, որպեսզի եղածներին առ ոչինչ դարձնի. որպեսզի ոչ մի մարդկա-


յին էակ չպարծենա Աստուծո առաջ. որովհետև նրանց՝ դուք կաք Հիսուս Քրիստոսի մեջ, որ եղավ մեզ իմաստություն Աստուծոց, արդարություն և սրբություն և փրկություն, որպեսզի, ինչպես գրված էլ է. «Նա, ով պարծենում է, թող պարծենա Տիրոջով»: (Ա. Կորնթ. Ա. 17—31)


ԽԱՉԻ ՊԱՐԾԱՆՔԸ

Տեսեք, թե ինչպիսի գրեթով գրեցի ձեզ իմ ձեռքով. որովհետև նրանք, որ ցանկանում են միանգամայն հաճելի լինել մարմնով, նրանք են ստիպում ձեզ, որ թլփատվեք: Միայն թե Քրիստոսի խաչի ետևից չգնան. քանզի նրանք, որ թլփատված իսկ են, օրենքը չեն պահում, բայց ուզում են, որ դուք թլփատվեք, որպեսզի ձեր մարմնով պարծենան:

Սակայն քա՛վ լիցի, որ ես պարծենամ, այլ միայն մեր Տեր Հիսուս Քրիստոսի խաչով, որով աշխարհը խաչված է ինձ համար, և ես՝ աշխարհի, որովհետև ո՛չ թլփատությունն է մի բան և ո՛չ էլ՝ անթլփատությունը, այլ՝ նոր արարած լինելը: Եվ նրանք, որ մի անգամ այս կանոնին համաձայն են, թող նրանց վրա խաղաղություն և ողորմություն լինի, այլև՝ Աստուծո Իսրայելին վրա: Այսուհետև թող ոչ ոք ինձ նեղություն չտա, որովհետև ես իմ մարմնի մեջ եմ կրում Քրիստոսի չարչարանքները: Եղբայրներ, մեր Տեր Հիսուս Քրիստոսի շնորհը թող ձեր հոգու հետ լինի: Ամեն:

(Գաղտ. 2 14—31)





ԲԱԲԳԵՆ ԿԱԹՈՂԻԿՈՍ

ԴԱՐՁՅԱԼ ԽԱՁ

Սիրելի հայորդի, Հայաստանի եկեղեցին այս կիրակի (1919 սեպտ. 28) կտոնախմբե իր տարեկան մեծագույն հինգ տոներուն կամ Տաղավարներուն վերջինը—**Խաչվերացը:**

Քրիստոնեական եկեղեցին խաչի տոնին այս փառավորումը կ'ապրտի Հերակլ կայսեր (610—641) քաջագործության և քրիստոնեական նախանձախնդրության:

Փրկչին խաչափայտը գերի ինկավ պարսից ձեռք, երբ Խոսրով Բ Փարվեզ (590—628) հարձակեցավ Բյուզանդիոնի կայսրության վրա և հառաջացավ մինչև Երուսաղեմ և գրեթե կործանեց զայն,— որովհետև 50.000 հոգի սրակոտոր եղան, 30.000 հոգի աքսորվեցան, ամբողջ քաղաքը գերեցավ գերփվեցավ, 614-ին հունիս ամսու մեջ:

Հերակլ, շնորհիվ իր զորավոր բանակին, որու մեջ հունական Հայաստանի հայ գունդերը նշանավոր եղան, զորավարությամբ Մծեծ Գևորգիի, նվաճեց պարսից գոռոզությունը և ստիպեց կնքել խաղաղության դաշինք մը, որուն գլխավոր պայմաններեն մեկըն էր խաչափայտին վերադարձը:

Հերակլ ազատագրյալ խաչափայտը տարավ Կ. Պոլիս և հետո՝ Երուսաղեմ, իր բուն սրբավայրը, և այս առթիվ կատարվեցան ամենեւն շքեղ հանդեսներ Երուսաղեմի եկեղեցվոյն մեջ, սեպտեմբեր 14-ին: Այս մեծ դեպքին հիշատակը տարածվեցավ Երուսաղեմէն դուրս, բոլոր եկեղեցիներու մեջ:

Հայաստանի եկեղեցին ավելի ևս փառավորելու համար խաչի վերացման կամ բարձրացման այս հիշատակը, զայն կտոնախմբե կիրակի մը, որ կհանդիպի սեպտեմբեր 11—17 օրերու մեջ:

Խաչվերացը մեր եկեղեցվոյն մեջ կտոնախմբվի, իր նավակատիքին հետ, ութօրյա հանդիսավորությամբ, ընդելուզված եկեղեցվո տոներով, և այսպէս՝ մեր նախնիք ավելի մեծ խորհուրդ մը դրած են Խաչվերացի տոնին նշանակության մեջ*:

Այս հանդիսավորության հեղինակն է Հայաստանյայց եկեղեցվոյն ամենեւն վաստակավոր Հայրապետներեն մին, Ձորափորեցի Սահակ կաթողիկոս (677—703) որ արաբական տիրապետության շրջաններեն մեկուն մեջ՝ Հայոց աշխարհը ազատեց տանկական նոր-նոր կրակներէ և ավերներէ: Սահակ Դ այն հավատացյալ հայրենասերներեն է, որոնք զրկանքի և աքսորի մեջ ևս կգեղեցկանան՝ իրենց աղամանդէ նկարագրով: Այս մեծ մարդն է, որ իր անշունչ մարմնով կակղցուց Ոկրա զորավարին սիրտը և Հայաստան գերծ մնաց նոր հարձակումներէ: Պատմաբան Հովհան կողի. խոսքերով—«այսպէս զմեռելութիւն նորա պատուական արար Աստուած քան զմեր կենդանութիւնս»: Այս Սահակ կաթողիկոսն է որ գրած է Խաչվերացի շարականները—չենք գիտեր սակայն թե բոլորն ալ թե մեկ մար—հավանաբար ամենամեծ հավատքով և գիտակցությամբ իր ազգին և եկեղեցվոյն պահպանությունը և իր հայրենիքին ապահովությունը վստահելով խաչի զորության,

* Խաչվերացի շարաթը՝ նավակատիք է եկեղեցվո տոնախմբության համար, իսկ հաջորդ յոթնյակին մեջ՝ ԳԾ., ԴԾ. և ԵԾ. օրերը տոն են եկեղեցվո. մնացած օրեր այսինքն՝ Կիր., ԲԾ., ՈՒԲ. և ԾԲ. տոն են խաչի:

որպեսզի «սա՛ պահեցէ՛ զմեզ յամենայն փորձութենէ» (Թրկն.) :

Սիրելի որդիակ, այսչափիկ պատմական ծանոթություն մը խաչի այս տոնահամբության մասին, շատ մը լույսեր և հույզեր կրնա տալ քեզ: Ո՛չ միայն բոլոր քրիստոնյա աշխարհի ըմբռնումը, այլ նաև հայ աշխարհի հետաքրքրությունն ու հավատքը կարտափայլի խաչի այս պատմության մեջ:

Ասիկա թող հիմնաքար մը ըլլա մեր այսօրվան դասի խորհուրդածությանց:

Իմ տեսությամբ՝ խաչին խորհուրդը շատ խորունկ և միանգամայն շատ պարզ եղած է հայու համար:

Հայ քրիստոնյա մարդը ինչո՞ր համար կսիրէ Փրկչին խաչը.— Վասնզի մեր ազգին պատմական կյանքին մեջ շատ լավ հասկըցված է Փրկչին արյան արժեքը. արյուն, գորթափեց նա խաչին վրա՝ աշխարհի փրկության համար:

Ավետարանի առաջին քարոզչին հավատքով և գիտությամբ ալ Փրկչին խաչն է խաղաղության գործիքը (Եփես. Բ).— Վասնզի Փրկչին իր խաչելությամբ է որ վերջացուց խաղաղության հակառակ բոլոր պատճառները (խնամքով կարդա Կողոսացվոց Ա. և Բ գլուխները):

Խաղաղությունը, բառին ունէ առումով, հստակաբար կարտահայտե իր իմաստը:

Հակառակություններու, թշնամություններու, և պատերազմներու մատնված երկիր մը կամ երկիրներ, դատապարտված են անհաշվելի վնասներու և անդարմանելի կորուստներու: Չարգացում, բարգաւաճում կդադրի այդպիսի երկիրներու մեջ: Այս վերջին աշխարհամարտը շատ մը նոր դասեր տվալ մարդկության, թե ի՞նչ կարծե խաղաղություն:

Անհատական կյանքի մեջ ալ մտքի հոգեր և սրտի հուզումներ՝ կշլատեն մարդու կենսական ույծերը: Մարդիկ այսպիսի վիճակներու մեջ դժբախտ են,— վասնզի վնասված են անոնց կարողությունները, անոնց բարձր, ազնվական կարողությունները, և անոնք կշոշափեն կյանքին միայն կոշտ և բիրտ կողմը, և չեն կրնար տեսնել վիշտերու հորիզոններն անդին բաւ մը:

Բայց անձնական շրջանակի մեջ ալ կյանքին իրական գեղեցկությունները անոնք միայն տեսած ու վաշելած են, որոնք կարող եղած են ըմբռնել խաղաղ մտքի և սրտի պայմանները:

Այսչափ դառն փորձառություններու հետևանքով պարտինք խստովանիլ թե աշխարհի մեջ, սկիզբեն ի վեր շատ քիչեր, ընտրյալներ միայն կարող եղած են խաղաղ ըլլալ, կամ ապրիլ խաղաղությամբ: Ուրիշ խոսքով՝ կրնանք ըսել թե մարդկային կյանքը

քր դեռ չէ մշակված այնպես, ինչպես որ կպահանջէ կյանքին լման սահմանն ու կատարյալ նշանակությունը:

Պողոս առաքյալ, հիմնվելով իր անձնական փորձառության վրա, կհավաստե.— «Ջխաղաղութեան գիետ երթայք ընդ ամենեսին և զսրբութեան, առանց որոյ ոչ որ տեսանիցէ զՏէր» (Եբր. ԺԲ 14):

Գիտենք որ Պողոս ցո՛րչափ կորսնցուցած էր իր սրտին և մտքին անդորրությունը, և ջղագրգիռ վիճակի մը մեջ կհետապնդեր անտուրք գործ մը— ավետարանյալներուն հալածչությունը և մատնությունը — չկրցալ ըմբռնել թե ի՞նչ է կյանքը, ի՞նչ է աշխարհը: Բայց երբ լուսավորվեցալ և տիրացալ խաղաղ էության մը (Պործք Թ) ո՛չ միայն տեսալ զՏէր (Բ Կրնք. ԺԲ), այլ և ըսալ.— աշխարհի մեջ իմ միակ պարծանքն է խաչը, որով փոխադարձաբար իրարու խաչված ենք (Պաղ. Զ 14):

Մեր յուրաքանչյուրին համար անհրաժեշտ է այդպիսի լուսավորություն մը, որպեսզի սովորական աչքին կեղևանքները իյնան, և մենք ատակ և ընդունակ ըլլանք ստույգ տեսիլներու՝ իբրև հետևանք մեր խաղաղ և սուրբ վիճակին:

Ասիկա առասպել չէ, երազ ալ չէ, և ոչ ալ բանդագուշանք, այլ փորձված և ապացուցված իրողություն մը:

Մարդիկ այսինչ ուսման կամ արվեստին տիրանալու համար տարիներ կնվիրեն, միտք և սիրտ կհոգնեցնեն, ծախքեր կրնեն,— կրնեն ինչ որ պետք է: Այնպես չէ՛:

Արդ՝ ո՞վ այնքան խնամքով և սերտորեն մշակած է խաղաղությունը և սրբությունը, և չէ կրցած տեսնել Տէրը՝ մման Պողոսի:

Խաչին նպատակն է կրթել մարդիկը խաղաղության և սրբության մեջ: Խաչին խորհուրդն է մարդոց աստվածացումը կամ Աստուծո մարդացումը:

Այս ուսումը կամ արվեստը դեռ չէ՛ ժողովրդականացած: Ծատ քիչ մարդիկ հետևած և հաջողած են այս աշխատության մեջ:

Եվ սակայն այս աշխատության մեջ ձեռքբերված հաջողութենեն կախված է բոլոր աշխարհի խաղաղությունն ու սրբությունը:

Փրկչին խաչը վերցուցած է արգելքները, քակած քանդած է միջնորմը աշխատության այդ ճամփու վրայն, որպեսզի Ավետարանի աշակերտները վստահությամբ ընթանան.— «արար խաղաղութիւն արեամբ խաչին իրոյ» և «ջնջեաց զձեռագիր մերոյ հակառակութեանն հրամանօքն իրովք, որ կայր մեզ հակառակ, եբարձ զայն ի միջոյ և բևեռեաց ընդ խաչափայտին» (Կող. Բ 20, Բ 14):

Սիրելի հայորդի, Խաչվերացի տոնախմբությանմբ մեր ազգը կտոնախմբե մարդկա-

յին ընկերության խաղաղության և սրբության մեծ տոնը:


Եվ այս տոնը կհանդիպի այնպիսի եղանակի մը, որ եղանակն է միանգամայն հայ ազգին առտնին կյանքին երջանիկ լիության:

Հայ ժողովուրդը դատած աշխատած է ամբողջ տարվան ընթացքին: Իր երկրին հողերը բեղմնավորված են խիստ և քրտնաջան աշխատանքով: Արդեն իր ամբարները լի՛ են օրհնությամբ, աշնան բերքերն ու արդյունքներն այ հիմա կավելանան առոնց վրա: Կամաց կամաց ժողովուրդը պիտի հանգչի: Չմեռը պիտի նվիրվի առտնին կյանքի անման և գեղեցկացման: Հողեր պիտի պատրաստվին նոր պտղաբերության:

Եվ խաչը, իբրև խորհրդանշան խաղաղության և սրբության, հանդիսավորապես կբարձրանա.— Հայ աշխարհին չորս կողմերը կօրհնվին խաչին խորհրդով, և հավատացյալ Հայաստան՝ հուսով, սիրով և վրստահությամբ կպատրաստվի նոր տարվան ծրագիրներուն և աշխատության:

Սիրելի բարեկամս, այս պատկերը ավերված է հիմա մեր բնաշխարհի մեջ. բայց հուսով ենք որ Նոր-Հայաստան պիտի չմոռնա իր պանծալի պատմությունը և պիտի սիրե խաղաղությունն ու սրբությունը, որուն պետք ունի լավ վերաշինելու համար զայն:

(Դասեր Ավետարանեն, Անթիլիաս, 1936, էջ 149—154):





ՄԱՅՐ ԱԹՈՌՈՒՄ

Սեպտեմբերի 8-ին, կիրակի.—Մայր տաճարում ս. պատարագ է մատուցում տ. Մաւիս արդ. Գալստյանը:

Ս. պատարագին ներկա է լինում Վեհափառ Հայրապետը:

*
* *

Սեպտեմբերի 8-ին, ուրբաթ.—Այսօր առավոտյան Մայր Աթոռ է ժամանում տ. Արսեն վրդ. Բերբերյանը, որը վերջերս Լոնդոնում, Կինգս կոլեջում, պաշտպանել էր իր ավարտաճառը՝ գիտական կոչում ստանալու համար:

Նույն օրը, երեկոյան, Մայր Աթոռ են ժամանում տ. Արիս Ծ. վրդ. Ծիրվանյանը՝ Կալիֆոռնիայից, և տ. Արամայիս ավագ քին. Միրզայանը՝ Միդնեյից:

Վեհափառ Հայրապետի բարեհաճ կարգադրությամբ տ. Արիս Ծ. վրդ. Ծիրվանյանը 1972—1978 ուսումնական տարում հոգևոր ձեռնարանում կդասավանդի մի շարք կրոնական առարկաներ և կվարի փոխ-տեսչի պաշտոնը:

*
* *

Սեպտեմբերի 9-ին, շաբաթ.—Մայր տաճարում, Վեհափառ Հայրապետի հանդիսարությանը, կատարվում է հոգեհանգստյան մասնավոր պաշտոն՝ Մուսալեռան հերոսամարտի 57-րդ տարեդարձի առիթով մեր նահատակների հիշատակին:

Այս առիթով հոգեշունչ քարոզ է խոսում Վեհափառ Հայրապետը՝ վեր հանելով հերոսամարտի պատմական նշանակությունը

մեր ազգային-ազատագրական պայքարի պատմության անմոռաց էջերում:

Հոգեհանգստյան պաշտոնին և հայրապետական քարոզին ներկա են լինում բազում մուսալեռցի ուխտավորներ սիյունոքից, հայրենիքի մուսալեռցիներ և հավատացյալների հոծ բազմություն:

*
* *

Սեպտեմբերի 10-ին, կիրակի.—Մայր տաճարում ս. պատարագ է մատուցում և քարոզում Միդնեյի հայոց հոգևոր հովիվ տ. Արամայիս ավագ քին. Միրզայանը:

Ս. պատարագից առաջ Վեհափառ Հայրապետը Վահարանում բարեհաճում է ընդունել Լիբանանից ժամանած ուխտավորների, ինչպես նաև հայրենաբնակ այնթապցիների մի մեծ խումբ:

Հանուն բոլոր այնթապցիների խոսք է ասում Բեյրութի Վահան Թեքեյան երկրորդական վարժարանի տնօրեն և «Նոր Այնթապ» պարբերաբերթի խմբագիր Երվանդ Պապայանը, որը արտագին ջնորհակալություն և երախտագիտություն է հայտնում Վեհափառ Հայրապետին, որ միշտ հայրական ջերմությամբ և հոգատարությամբ է վերաբերվել այնթապցիների հայրենասիրական յուրաքանչյուր ձեռնարկին:

Այնուհետև պրն. Պապայանը ողջ այնթապցիության որդիական սիրո և հավատարմության զգացմունքներն է ներկայացնում Հայոց Հայրապետին և բարեմաղթություններ է անում Մայր Աթոռ ս. Էջմիածնի անասանության և Հայոց Հայրապետի կենաց արևշատության համար:



Նորին Սրբությունը խորապես հուզված հայրապետական Իր բարձր գնահատությանն ու օրհնությանն է արժանացնում Այնթապի կենտրոնական վարչության և սիւրբի բոլոր կենտրոններում Այնթապի հայրենակցական միությունների աշխատանքը սրտաբուխ մաղթանքով, որ հաջողությամբ պատկեն համայն այնթապցիների հայրենակներ ձեռնարկությունները, որպեսզի մոտ ապագայում իրականանա նրանց երազանքները:

Հայոց Հայրապետը թելադրում է, որ ողջ այնթապցիությունը իր սրտագին մասնակցությունը բերի մայր հայրենիքի շինության սրբազան աշխատանքներին, որպես հարազատ զավակները Մայր Աթոռ ու Էջմիածնի:

Վերջում Հայոց Հայրապետը սրտագին բարեմաղթում է, որ վերածնված Մայր Հայաստանի կենսատու արևի տակ աճի և ծաղկի Նոր Այնթապը:

Բոլոր ներկաները երկյուղած բարեպաշտությամբ և աջահամբույրով ստանում են Հայոց Հայրապետի օրհնությունը:

Մի փոքր անց Վեհափառ Հայրապետը ընդունում է այցելությունը ամերիկահայ ուխտավորական մեծ խմբերի, որոնք եկել էին աղոթելու ու Էջմիածնի խորանների առաջ և համբուրելու հայրենի հողը:

Ազգիս Վեհափառ Հայրապետը հայրական գուրգուրանքով և սիրով զրույց է ունենում Իր ուխտավոր զավակների հետ, հետաքրքրվում նրանց կյանքով և ապա օրհնում բոլոր ուխտավորներին, որոնք ուրախության և հպարտության արտավայթոր աչքերով ստանում են աջահամբույրով Նորին Ս. Օծույթյան օրհնությունը և ուշադրությամբ լսում Նրա հայրապետական պատգամը:

Ժամը 12-ին Վեհափառ Հայրապետը, շրջապատված ուխտավորական հոծ բազմությամբ, զանգերի զվարթ դողանջի ներքո առաջնորդվում է Մայր տաճար՝ ներկա լինելու ու պատարագին:

Հավարտ ու պատարագի, Վեհափառ Հայրապետի հանդիսադրությամբ, կատարվում է հոգեհանգստյան մասնավոր արարողություն՝ ի հիշատակ Այնթապի հերոսամարտի նահատակների և «համօրէն նահատակաց ազգիս հայոց»:

Վեհափառ Հայրապետն Իր հայրենաշունչ քարոզի մեջ ոգեկոչում է հիշատակը մեր բոլոր նահատակների և ի մասնավորի՝ Այնթապի հերոսամարտի նահատակների, որոնք ընկան «վասն Յիսուսի և վասն հայրենեաց» ազգային-ազատագրական պայքարում:

Սեպտեմբերի 12-ին, երեքշաբթի.—Այսօր, երեկոյան ժամը 19-ին, Վեհափառնում, Հայոց Հայրապետի նախագահությամբ, տեղի է ունենում Գերագույն հոգևոր խորհրդի ներթական նիստը:

Սեպտեմբերի 18-ին, չորեքշաբթի.—Այսօր Վեհափառ Հայրապետից հրաժեշտ առնելով Փարիզ մեկնեց Փարիզի կաթոլիկական ինստիտուտի արևելյան հին լեզուների ֆակուլտետի պատվավոր նախագահ հայազետ հայր Ծարլ Մերսիեն, որը Հայոց Հայրապետի հրավերով շուրջ երկու շաբաթ գտնվում էր Մայր Աթոռում և Հայաստանում:

Սեպտեմբերի 17-ին, կիրակի.—Խաչվե-րաց.

Մայր տաճարում ու պատարագ է մատուցում տ. Արիս ծ. վրդ. Ծիրվանյանը և քարոզում «Այլ ինձ քահից լիցի պարծել, քայց միայն ի խաչն Տեառն մերոյ Յիսուսի Կրիստոսի» (Գաղտ. Զ 14) բնարանով:

Ս. պատարագին ներկա էր Վեհափառ Հայրապետը:

Երեկոյան ժամը 17-ին, Վեհափառ Հայրապետի հանդիսադրությամբ, կատարվում է «թափօր խաչվեցաքի»:

Սեպտեմբերի 18-ին, երկուշաբթի.—Յիշատակ մեռելոց.


Մայր տաճարում ու պատարագ է մատուցում տ. Խորեն վրդ. Էլչունյանը:

Հավարտ ու պատարագի կատարվում է հոգեհանգստի «վասն համօրէն ննջեցելոց»:

Սեպտեմբերի 24-ին, կիրակի.—Մայր տաճարում ու պատարագ է մատուցում տ. Հակոբ քհն. Հակոբյանը:

Հավարտ ու պատարագի, Վեհափառ Հայրապետի հանդիսադրությամբ, կատարվում է հոգեհանգստյան մասնավոր պաշտոն՝ ի հիշատակ Ուրֆայի հերոսամարտի հայ նահատակների:

Այս առթիվ հոգեշունչ քարոզ է խոսում Վեհափառ Հայրապետը՝ ոգեկոչելով անմոռաց հիշատակը Ուրֆայի հերոսամարտի նահատակների:



ՀՈԳԵՎՈՐ ԾԵՄԱՐԱՆԻ ՎԵՐՈՂԱՅՈՒՄԸ

Սեպտեմբերի 9-ին, շաբաթ օրը, առավոտյան ժամը 10.30-ին, Վեհափառ Հայրապետի նախագահությամբ տեղի է ունենում հոգևոր ճեմարանի 1972—1973 ուսումնական տարվա հանդիսավոր բացումը, որին ներկա են լինում տ. Կոմիտաս, տ. Հուսիկ, տ. Մաշտոց սրբազանները, Գերագույն հոգևոր խորհրդի անդամները, տ. Մուշեղ, տ. Մամբրե, տ. Արսեն, տ. Գևորգ վարդապետները, ուխտավորաբար Մայր Աթոռում գտնվող տ. Արիս Ծ. վրդ. Ծիրվանյանը՝ Կալիֆոռնիայից, Արամայիս քին. Միրզայանը՝ Միդենից, տ. Արսեն քին. Բամսաճյանը՝ ԱՄՆ-ից, ճեմարանի դասախոսական կազմը, Մայր Աթոռի պաշտոններությունը:

Հանդիսությանը ներկա էին Վեհափառ Հայրապետի հրավերով ուխտավորաբար Մայր Աթոռում գտնվող Փարիզի կաթոլիկական ինստիտուտի արևելյան հին լեզուների ֆակուլտետի պատվավոր նախագահ հայր Ծարլ Մերսիեն:

Հանդեսն սկսվում է «Հայր մեր»-ով: Ծեմարանի երգչախումբը կատարում է «Աշակերտք Բրիտանի» և «Որք զարդարեցին» շարականները: Բ լսարանի ուսանող Գրիգոր Զմրուխայանը ընթերցում է Նարեկից (բան ԼԴ) սուրբ Հոգուն ողողված աղոթքաղերսը, իսկ ճեմարանի դասախոս տ. Գեվորգ վրդ. Սեբասթարյանը՝ ս. Ավետարանից «Սերմնացանի առակը» (Ավետարան ըստ Մարկոսի, գլ. Դ):

Այնուհետև բացման խոսքով հանդես է գալիս հոգևոր ճեմարանի տեսուչ տ. Հովհաննես քին. Մարությանը և վստահեցնում Վեհափառ Հայրապետին, որ հոգևոր ճեմարանի տեսչությունը, դասախոսական կազմը

ձեռք-ձեռքի տված կաշխատեն անել կարելին՝ մատաղ հոգիներին լույս և գիտություն ջամբելու համար:

Այնուհետև տեսուչը խոսքը տալիս է հայր Ծարլ Մերսիենին, որն իր խոսքում ասում է. «Միրելի սաներ,

Ինձ համար մեծ ուրախություն է և պատիվ գտնվել ս. Էջմիածնում, որովհետև դա երկար տարիների ընթացքում եղել է իմ փափագը և ցանկությունը: Եթե անգլիացի մեծ բանաստեղծը ոգեկոչել է կորուսյալ դրախտը, ապա ես կոգեշնչեմ վերագտնված դրախտը: Մի՞թե մենք երկրային դրախտավայրում չենք գտնվում:

Ես գտնվում եմ մի ժողովրդի հոգևոր կենտրոնում, մի խիզախ, իմաստուն ժողովրդի, որը եկել է դարերի խորքից՝ քրիստոնեության հուրը իր հոգում անթեղած:

Ես երեք թելադրանքներ եմ անում ձեզ, սիրելի ուսանողներ.

ա) Սիրեցեք և հավատարիմ մնացեք ձեր հնաբույր հարուստ լեզվին.

բ) Ծատ գիտելիքներ ձեռք բերեք, որպեսզի քաղաքակրթության այս դարում լինեք պատրաստված հոգևորականներ, և

գ) Ունկնդիր եղեք Աստուծո խոսքին, խորացեք Ավետարանի մեջ, աշխատեցեք քրիստոնյա եկեղեցիների միության համար, որին ձգտում ենք բոլորս:

Օրհնություն խոսքով հանդես է գալիս Վեհափառ Հայրապետը, ուսանողներին տալիս իր հայրական հորդորներն ու ասում.

«Զեզանից յուրաքանչյուրի հոգին մի-մի փոքրիկ անդաստան է, ուր սերմեր են ցանվելու ձեր դասախոսների կողմից. ուրեմն բացեք ձեր հոգու անդաստանները, թող այդ

սերմերը պարարտ հող գտնեն և աճեն, բազմանան, մեկի տեղ հարյուր, որպեսզի ձեզանից կարողանանք պատրաստել ապագա պիտանի հոգևորականներ մեր ս. եկեղեցու համար:

Մեր ս. եկեղեցին և հոգևոր ճեմարանը անմահ սրբություններ են, հետևաբար մենք ևս, ինչպես մեր անվանի նախորդները, մեր արժանի գործերով այդ սրբությունները պահենք ու զորացնենք»:

Խանդավառ միջնորդում ողջ ներկաները հոտնկայա երգում են «Էջ Միածինն ի Հօրէ» շարականը:

Հանդեսն ավարտվում է Վեհափառ Հայրապետի «Պահպանիչ»-ով և խմբովին երգված «Հայր մեր»-ով:

Այս տարի հոգևոր ճեմարանում սովորում են 41 ուսանողներ.

- Ա. դասարան՝ 6 ուսանող
- Բ. դասարան՝ 7 ուսանող
- Գ. դասարան՝ 8 ուսանող
- Ա. լսարան՝ 7 ուսանող
- Բ. լսարան՝ 9 ուսանող
- Գ. լսարան՝ 4 ուսանող

Սեպտեմբերի 7-ին, առավոտյան ժամը 11-ին, գումարվեց հոգևոր ճեմարանի մանկավարժական ժողով՝ տեսչի նախագահությամբ, ուր քննության առնվեցին ուսումնադաստիարակչական և կազմակերպչական-կարգապահական մի շարք հարցեր:

Վեհափառ Հայրապետի կարգադրությամբ այս տարի հոգևոր ճեմարանում դասախոսելու է հրավիրված Կալիֆոռնիայից տ. Արիս Ծ. վրդ. Շիրվանյանը, որը կդասավանդի դա-

վանաբանական և հովվական աստվածաբանություն և ս. Գրոց մեկնություն: Տ. Արիս Ծ. վրդ. Շիրվանյանը նշանակված է հոգևոր ճեմարանի փոխ-տեսուչ:

Սեպտեմբերի 11-ին, երկուշաբթի օրը, առավոտյան ժամը 9.30-ին հնչեց ուսումնական նոր տարվա զանգը, և սկսվեցին դասախոսությունները:

Մույն օրը, երեկոյան ժամը 20.30-ին, Վեհափառ Հայրապետը Վեհարանում բարեհաճում է ընդունել ճեմարանի տեսչական կազմին և ուսանողությանը: Ինչպես միշտ, այս տարի ևս ազգիս Վեհափառ Հայրապետը տալիս է ուսանողությանը իր թելադրություններն ու պատգամը:

Այնուհետև Վեհափառ Հայրապետը ջերմ սիրով ուսանողությանն է ներկայացնում տ. Արիս Ծ. վրդ. Շիրվանյանին, որպես փոխ-տեսչի և դասախոսի:

Տ. Արիս Ծ. վարդապետն իր խորին շնորհակալությունն է հայտնում Վեհափառ Հայրապետին այն մեծ վստահության համար, որ ինքը հրավիրվել է հոգևոր ճեմարան՝ դասախոսելու և պաշտոնավարելու որպես փոխ-տեսուչ:

Հայր սուրբն իր խոսքի վերջում շեշտում է, որ ինքը ճիգ ու ջանք չի խնայի և տեսուչ տ. Հովհաննես քահանայի հետ ձեռք-ձեռքի տված կարդարացնի Վեհափառ Հայրապետի բարձր վստահությունն ու հույսերը:

Հոգևոր ճեմարանի տեսչական կազմն ու ուսանողությունը աջահամբույրով ստանում են Հայոց Հայրապետի օրհնությունը 1972—1973 ուսումնական տարվա առիթով:





Տ. ԱՐՍԵՆ ՎԱՐՐԱՊԵՏ ԲԵՐԲԵՐՅԱՆԻ՝ ԼՈՆԴՈՆԻ ԿԻՆԳՍ
ԿՈԼԵՃՈՒՄ ՊԱՇՏՊԱՆԱԾ ԱՎԱՐՏԱԾԱՌԻ ՄԱՍԻՆ
ՀԱՂՈՐԴՈՒՄ

Մայր Աթոռի միաբան տ. Արսեն վրդ. Բերբերյանը վերջերս Լոնդոնի Կինգս կոլեջում պաշտպանել էր դիսերտացիա՝ գիտական աստիճան ստանալու համար՝ «Հայրաբերություններ անգլիկան եկեղեցու և հայերի միջև» (1841—1905 թթ.) թեմայով, որի վրա նա աշխատում էր 1967 թվականից ի վեր:

Սույն թվականի սեպտեմբերի 21-ին, հինգշաբթի օրը, երեկոյան ժամը 18.30-ին, հոգևոր ճեմարանի դահլիճում, Վեհափառ Հայրապետի բարեհաճ կարգադրությամբ և նախագահությամբ, տեղի է ունենում մի հավաքույթ, որի ընթացքում տ. Արսեն վարդապետը ներկաներին ծանոթացնում է իր ավարտաճառի հետ:

Սույն հավաքույթին ներկա են լինում Գերագույն հոգևոր խորհրդի անդամները, Մայր Աթոռի միաբանությունն ու պաշտոնետիրները, հոգևոր ճեմարանի դասախոսական կազմն ու լսարանական բաժնի ուսանողությունը:

Հավաքույթին ներկա են լինում նաև Մ. Մաշտոցի անվան Մատենադարանի, Հայաստանի ԳԱ պատմության, գրականության ինստիտուտներից մի շարք մտավորականներ և այլ անձինք, որոնց հետաքրքրում էր դիսերտացիան և ժամանակաշրջանի հայ կյանքը:

Վեհափառ Հայրապետի կարգադրությամբ կազմվել էր մի հանձնաժողով, հետևյալ կազմով.

ա) Նախագահ՝ տ. Կոմիտաս արքեպ. Տեր-Ստեփանյան. բ) Պրոֆ. Առաքել Առաքելյան. գ) Տ. Արիս Ծ. վրդ. Ծիրվանյան. դ) Արթուր Հատիտյան. ե) Պարզև Ծահրազյան:

Ներածական խոսքով հանդես է գալիս հոգևոր ճեմարանի տեսուչ տ. Հովհաննես քհն. Մարությանը և ներկաների կողմից շնորհավորում է հայր սուրբին սույն հաջողության համար: Այնուհետև նա համառոտ կերպով ներկաներին ծանոթացնում է տ. Արսեն վրդ. Բերբերյանի կյանքի և գործունեության հետ և ուրախությամբ նշում, որ ավարտաճառի հեղինակը հոգևոր ճեմարանն ավարտած մեր սաներից է: Ապա հրավիրում է տ. Արսեն վարդապետին ներկաներին հանգամանորեն ծանոթացնելու իր կատարած աշխատանքի հետ:

Այնուհետև տ. Արսեն վրդ. Բերբերյանը պատասխանում է հանձնաժողովի անդամների մի շարք հարցերին:


Աշխատանքը բաղկանում է ինն գլուխներից, որոնցում պատմական փաստերի հիման վրա ներկայացվում է 1841—1905 թվականներին Թուրքիայի մի շարք բաղաբնեցում հայ-անգլիկան եկեղեցու կազմության, նրա գործունեության և ապա անկման պատճառների պատմությունը:


Աշխատությունը, որը բաղկանում է 438 մեքենագրված էջերից, ունի եզրակացություն, ծանոթագրություններ, հավելված և մատենագիտության բաժիններ: Աշխատանքը գրված է անգլերեն լեզվով:

Այս հավաքույթն ընդմիջվում է տասը թույեով, որի ընթացքում հանձնաժողովը արձանագրում է իր գնահատանքը և շնորհավորանքը՝ ներկայացված աշխատության մասին: Հանձնաժողովի նախագահ տ. Կոմիտաս արքեպ. Տեր-Ստեփանյանը ի լուր ներկաների ընթերցում է հանձնաժողովի գնահատանքը այն մասին, որ տ. Արսեն վարդապետը իր աշխատանքը կատարել է բարեխղճորեն, խնամքով և օգտագործել է ցարդ անձանոթ արխիվային հարուստ և արժեքավոր նյութեր:

Հանձնաժողովը սրտանց շնորհավորում է տ. Արսեն վարդապետին իր այս աշխատության համար և արձանագրում իր գնահատանքը՝ խնդրելով Վեհափառ Հայրապետի օրհնությունը:

Տ. Կոմիտաս արքեպիսկոպոսի հրավերով խոսք է առնում Վեհափառ Հայրապետը և մեկ անգամ ևս շնորհավորում տ. Արսեն վարդապետին, տալիս է իր օրհնությունը և գնահատաքը: Բոլոր ներկաները շնորհավորում են տ. Արսեն վարդապետին այս հաջողության համար:





ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ
ԿԵՆՏՐՈՆԱԿԱՆ ԿՈՄԻՏԵԻ ԵՎ ՄԻԶԱԶԳԱՅԻՆ ԳՈՐԾԵՐԻ
ՀԱՆՁՆԱԺՈՂՈՎԻ ԳՈՐԾԱԴԻՐ ԿՈՄԻՏԵԻ ԺՈՂՈՎՆԵՐԸ
ՈՒԹՐԵԽՏՈՒՄ

Սույն թվի օգոստոսի 3—8-ը Ութնէկա թաղաքում (Հոլանդիա) տեղի ունեցավ Եկեղեցիների համաշխարհային խորհրդի միջազգային գործերի հանձնաժողովի Գործադիր կոմիտեի 27-րդ նստաշրջանը: Ժողովին մասնակցում էին, բացի Գործադիր կոմիտեի անդամներից, զանազան երկրներից ժամանած և քրիստոնեական տարբեր եկեղեցիներ ներկայացնող վերոհիշյալ հանձնաժողովի բազմաթիվ անդամներ՝ թվով շուրջ 60 հոգի:

Օգոստոսի 3-ին, առաջին լիագումար նիստում, ժողովը լսեց մի շարք զեկուցումներ: Առաջինը հանձնաժողովի նախագահ դոկտ. Օլլե Դահլենի զեկուցումն էր անցած մեկ տարվա ժամանակաշրջանում միջազգային թաղաքական ասպարեզում մարդկությանը հուզող մի շարք առավել նշանակալից իրադարձությունների վերաբերյալ: Զեկուցողը հանգամանորեն վերլուծելուց հետո միջազգային թաղաքական արդի իրավիճակը՝ նշեց հանձնաժողովի առաջ դրված այն մի շարք կարևոր խնդիրները, որոնք հանձնաժողովի մտահոգությունների առանցքը պետք է կազմեն նրա առաջիկա գործունեության ընթացքում:

Այնուհետև ընդարձակ զեկուցումով հանդես եկավ նաև հանձնաժողովի տնօրեն դոկտ. Լեոպոլդո Նիլուսը, որը ժողովա-

կաններին ներկայացրեց հանձնաժողովի տարեկան գործունեության համակողմանի պատկերը: Ընթերցված զեկուցումների շուրջ տեղի ունեցան կարծիքների փոխանակում և էլույթներ, որից հետո ժողովը, միաձայն, կատարված աշխատանքների վերաբերյալ տվեց իր դրական գնահատականը:

Սույն օրը, կեսօրից հետո, ժողովականները հաստատեցին օրակարգում դրված հետևյալ կրեք հարցերը, որոնք ներկա ժողովում ամենալայն քննարկման առարկա պետք է հանդիսանալին աշխատանքային առանձին խմբերում:

- ա) Եվրոպայի անվտանգության հարց.
- բ) Մերձավոր Արևելքի հարց.
- գ) Վիետնամի հարց:

Այս տեղի ունեցավ մասնակիցների նշանակումը աշխատանքային երեք խմբերում: Հետագա հինգ օրերի ընթացքում խմբերը մանրամասնորեն քննարկեցին վերոհիշյալ երեք հարցերը, որոնց շուրջ ընդունվեցին համապատասխան որոշումներ, արվեցին կոնկրետ հանձնարարություններ և խմբագրվեցին առանձին հայտարարություններ, որոնք պետք է ներկայացվեին Եկեղեցիների համաշխարհային խորհրդի կենտրոնական կոմիտեի առաջիկա ժողովին ի հաստատություն և ի հրապարակումն:

Եվրոպայի անվտանգության և համագոր-

ծակցության հարցի վերաբերյալ խմբագր-
վեց մի հայտարարություն, որի մեջ Եկեղե-
ցիների համաշխարհային խորհրդի միջազ-
գային գործերի հանձնաժողովը իր գոհու-
նակությունն ու ուրախությունն էր հայտնում
Եվրոպայում լարվածության մեղմացման
մասին, ընդ սահմանումն էլ Լեհաստանի և
Սովետական Միության հետ Արևմտյան
Գերմանիայի՝ վերջերս կնքած պայմանագի-
րը, չորս մեծ տերությունների համաձայնա-
գիրը Բեռլինի հարցի շուրջ, գերմանական
երկու պետությունների համաձայնագիրը ի-
րենց քաղաքացիների համար փոխադարձ
ազատ երթևեկություն սահմանելու վերաբեր-
յալ և այլն: Հանձնաժողովն այնուհետև ող-
ջունում էր, որպես միջազգային լարվածու-
թյան մեղմացմանը միտող կարևորագույն
քայլ, համաեվրոպական կոնֆերանս հրավի-
րելու մասին եղած առաջարկությունները,
առաջարկություններ, որոնք իրապես ձգտում
են հպահովել անվտանգությունը և հեշտաց-
նել համագործակցությունը եվրոպական եր-
կրների միջև: Հայտարարությունը ընդգծում
էր շուտափույթ կերպով նման մի կոնֆերանս
հրավիրելու հրամայական անհրաժեշտու-
թյունը՝ այն գտնելով համապատասխան եվ-
րոպական բոլոր ժողովուրդների շահերին և
օգտակար՝ արդարության և խաղաղության
հաստատմանը ամբողջ աշխարհում: Ժամա-
նակակից քաղաքական հավասարակշռու-
թյան պահպանումը Եվրոպայում, երկու կող-
մերի զինված ուժերի հավասարակշռված
կրճատումը, եվրոպական երկրների ստա-
տուսկվոյի ճանաչումը տերիտորիալ տեսա-
կետից և քաղաքական լարվածության մեղ-
մացումը, — ահա այն կետերը, որոնք հիմք
պետք է հանդիսանան համաեվրոպական
առաջիկա կոնֆերանսին: «Քրիստոնյաները
հաստատում են, — ասվում էր հայտարարու-
թյան մեջ, — թե որքան ցանկալի է Եվրոպա-
յի ծոցում փոխադարձ ըմբռնմամբ ձեռք բեր-
վելիք առաջադիմությունը. նրանք մտածում
են, որ խաղաղության և արդարության վրա
հիմնված Եվրոպայի անվտանգությունը Էս-
կան նշանակություն կունենա ամբողջ աշ-
խարհի անվտանգության համար»:

Հնդկաչինի հարցի վերաբերյալ հանձնա-
ժողովը խմբագրեց մի այլ հայտարարու-
թյուն, որի մեջ ասվում էր, որ Եկեղեցիների
համաշխարհային խորհուրդը և նրա միջազ-
գային գործերի հանձնաժողովը բազում ան-
գամներ հրապարակով դատապարտել են
պատերազմի Էսկալացիան Վիետնամում,
նրա տարածումը ամբողջ Հնդկաչինի թերա-
կվոյ վրա և այն աճող տառապանքները,
որոնք տարեցուտի պարտադրվել են Հնդկ-
կաչինի ժողովուրդներին: Սակայն Եկեղեցի-
ների համաշխարհային խորհուրդը միայն

հայտարարություններ հրատարակելով չի
բավարարվել. նա ակտիվորեն մասնակցել է
խաղաղության որոնման ջանքերին՝ ուղղա-
կիորեն շփման մեջ մտնելով շահագրգռված
պետությունների և այլ երկրների քաղաքա-
կան մարդկանց հետ՝ քաջալերելու համար
նրանց, որ բանակցությունների ճանապար-
հով հասնեն Վիետնամի հարցի՝ խաղաղ
կարգավորմանը: Բացի այդ, նա հնարավոր
ամեն ինչ արել է ամոքելու համար Հնդկա-
չինի ժողովուրդների տառապանքները՝ հայ-
թայթելով նրանց մարդասիրական ամեն
կարգի օգնություն իր անդամ եկեղեցիների
գանգալան կազմակերպությունների միջոցով:
Սակայն Եկեղեցիների համաշխարհային
խորհուրդը միաժամանակ գիտի, որ օգնու-
թյուններ կազմակերպելով չէ, որ կլուծվի
Վիետնամի հարցը: Պատերազմը պետք է
վերջ գտնի. դա է այն նպատակը, որին ձրգ-
տում են նրա բոլոր ջանքերը: Հենց այս
նպատակով էլ Եկեղեցիների միջազգային
գործերի հանձնաժողովը Եկեղեցիների հա-
մաշխարհային խորհրդի կենտրոնական կո-
միտեին ներկայացրելու համար ընդունեց մի
բանաձև, որի մեջ հանձնարարվում էր, որ
կենտրոնական կոմիտեն իր առաջիկա ժողո-
վում հաստատի, որ Վիետնամում բռնու-
թյունն ու սպանությունները պետք է վերջ
գտնեն մեկ և մյուս կողմից, խստիվ դատա-
պարտվի ԱՄՆ-ի կողմից Հյուսիսային
Վիետնամի ջրամբարտակների ուժակոծու-
մը, նրա ներկայությունը Վիետնամում, որը,
ինչ ձևի տակ էլ որ լինի, հակասում է Հընդ-
կաչինում խաղաղության շահերին, հրավիրի
ԱՄՆ-ի պրեզիդենտին, որպեսզի հրամայի
դադարեցնել բոլոր ուժակոծումները Հնդկա-
չինում և ճշտի այդ շրջանից ամերիկյան բո-
լոր ուժերի քաշվելու թվականը, որն ամենա-
ուշը պետք է լինի մինչև 1972 թ. դեկտեմ-
բերի 31-ը, հրավիրի օտարերկրյա բոլոր
ուժերին, ի պատասխան դրան, ամբողջապես
դադարեցնել ռազմական ամեն տեսակի օգ-
նություն Հնդկաչինին՝ սպասելով խաղաղ մի
կարգավորման, հրավիրի Վիետնամի ժամա-
նակավոր ռևոլյուցիոն կառավարությանը և
Հյուսիսային Վիետնամի Դեմոկրատական
Հանրապետության կառավարությանը՝ հար-
գելու ամերիկյան բոլոր ռազմագերիներին
ազատելու մասին իրենց տված խոստումը ի
պատասխան ուժակոծումների դադարեցման
և ԱՄՆ-ի ռազմական ուժերի ամբողջական
դուրսբերման և, վերջապես, հրավիրի Հյու-
սիսային Վիետնամի կառավարությանը՝ ա-
զատելու քաղաքական բոլոր բանտարկյալ-
ներին:

Հանձնաժողովը Վիետնամի մասին իր
սույն հայտարարության հաստատումը հանձ-
նարարելով կենտրոնական կոմիտեին, միա-

ծամանակ առաջարկում է նրան անհապաղ հրավիրել Եկեղեցիների համաշխարհային խորհրդի անդամ բոլոր եկեղեցիներին, որպեսզի համապատասխան հնարավոր բոլոր միջոցները ձեռք առնեն՝ ապահովելու համար սույն հայտարարության գործարարումը:

Միջազգային գործերի հանձնաժողովն այնուհետև իր հայտարարությունների մեջ Եկեղեցիների համաշխարհային խորհրդի կենտրոնական կոմիտեին առաջադրեց հաստատել մեկ միլիոն դոլլարի հատուկ մի ֆոնդ՝ Հնդկաստանում հաշտության ձեռք բերման և երկրի հետագա վերակառուցման նպատակին ուղղված՝ այդ գործի համար նշանակելով 15 անդամներից բաղկացած վարչական մի խորհուրդ:

Մերձավոր Արևելքի հարցի կապակցությամբ նմանապես հանձնաժողովը ընդունեց մի բանաձև՝ հանձնարարելով կենտրոնական կոմիտեին իր առաջիկա ժողովում հաստատել այն: Այդ բանաձևը իր ամբողջության մեջ մի տեսակ վերակատարումն էր այն հայտարարության, որ Եկեղեցիների համաշխարհային խորհրդի կենտրոնական կոմիտեն բանաձևել էր 1969 թ. Քենտրբերիի ժողովում և որի մեջ կոչ էր արվում անդամ բոլոր եկեղեցիներին իրենց ազդեցությունն ի գործ դնել՝ հասնելու համար Մերձավոր Արևելքի կոնֆլիկտի արագ, արդար և խաղաղ կարգավորմանը:

Վերոհիշյալ երեք հայտարարությունները, ինչպես նաև Եվրոպայի անվտանգության, Վիետնամի և Մերձավոր Արևելքի հարցերի կապակցությամբ եղած բոլոր հանձնարարությունները հետագայում ներկայացվեցին կենտրոնական կոմիտեի ժողովին և միաձայնությամբ ընդունվեցին ու հաստատվեցին:

Միջազգային գործերի հանձնաժողովը իր նիստերում հատուկ ուշադրություն դարձրեց նաև մարդկային իրավունքների պաշտպանության հարցերին և ընդունեց համապատասխան փաստաթուղթ՝ այն ներկայացնելով կենտրոնական կոմիտեին ի հաստատություն:

Միջազգային գործերի հանձնաժողովը պատշաճ ուշադրություն նվիրեց նաև իր ժողովի օրակարգում դրված «Միացյալ ազգերի կազմակերպության արդի վիճակը և եկեղեցիների դերը» հարցին՝ այդ մասին ևս հրապարակելով համապատասխան մի փաստաթուղթ, որի մեջ նշվում էր, որ ՄԱԿ-ը չպետք է դիտվի որպես միջազգային ինչ-որ կազմակերպություն՝ այլ միջազգային կազմակերպությունների շարքում, այլ որպես համաշխարհային հասարակության գլխավոր կազմակերպությունը և ամբողջ մարդկության ընդհանուր շահերի պաշտպանը: Այս

տեսակետից էլ, ասվում էր փաստաթղթում, ՄԱԿ-ը, քաղաքական գետնի վրա հատկապես, ունի գլխավոր մի թուլություն, որը նրան խանգարում է միջազգային անվտանգությանն ապահովման հարցում կատարելու իր պարտականությունը: Դա նրան անհամակցող մի շարք մեծ և փոքր ազգերի նեղ-միտ ձգտումն է համաշխարհային տարողություն ունեցող հարցերին մշտապես մոտենալու իրենց նեղ ազգային շահերի տեսանկյունից: Փաստաթղթում հանձնաժողովը խրախուսելի էր գտնում այն երևույթը, որ ՄԱԿ-ը հետզհետե դառնում է առավել ունիվերսալ մի կազմակերպություն՝ իր մեջ ընդգրկելով նորանոր անդամ պետություններ, որոնց անդամակցության հարցը դեռ վաղուց էկունենիզմի համար եղել էր լուրջ մտահոգության առարկա: Այդ տեսակետից էլ Եկեղեցիների համաշխարհային խորհուրդը ողջունում է Չինաստանի Ժողովրդական Հանրապետության ընդունումը ՄԱԿ-ում և անհրաժեշտ համարում միաժամանակ, որ գերմանական երկու պետությունները և բաժանված մյուս երկրները նույնպես իրենց տեղը գտնեն այդ կազմակերպության մեջ: Եվ, վերջապես, փաստաթուղթը, շոշափելով համաշխարհային այդ կազմակերպության նկատմամբ եկեղեցիների բարոյական պարտավորությունների և նրանց վերապահված դերի հարցը՝ եզրակացնում էր. «Եկեղեցիների համաշխարհային խորհուրդը անդամ եկեղեցիներին հրահանգել է և այսօր էլ հրահանգում է անվերապահ և ռեալիստական օժանդակություն ցուցաբերել Միացյալ ազգերի կազմակերպությանը: Միջազգային ներկա իրավիճակում անհրաժեշտ է, որ եկեղեցիներն իրենց անդամներին հայթայթեն առավել լրիվ ինֆորմացիա, որպեսզի օգնեն նրանց կազմելու ճշգրիտ փաստերի վրա հիմնված հանրային կարծիք: Եկեղեցիներն ու նրանց ներկայացուցիչները կարող են առանձնահատուկ մի ղեք կատարել՝ համաշխարհային կարծիքին ներկայացնելով սոցիալական լուրջ անարդարության դեպքեր և ցեղային, մշակութային կամ սոցիալական խտրականության օրինակներ: Եկեղեցիները գուցե ավելի ընդունակ են այդ բանն անելու, քան կառավարությունները և այդպիսով կկարողանան ուշադրություն հարուցել այն ձայների նկատմամբ, որոնք պահանջում են մարդկայնություն և սոցիալական արդարություն: Հանդիսանալով ի նպաստ արդարության եղած խնդրանքների արտահայտիչը՝ նրանք կարող են օգնել Միացյալ ազգերի կազմակերպությանը՝ դառնալու առավել արդյունավետ և ազդու մի գործիք հօգուտ մարդկային իրավունքների պաշտպանության»:

Այսպիսով, վեցօրյա լարված աշխատանքից հետո, օգոստոսի 8-ին, փակվեց Եկեղեցիների համաշխարհային խորհրդի միջազգային գործերի հանձնաժողովի Գործադիր կոմիտեի 27-րդ նստաշրջանը:

* * *

Օգոստոսի 13-ին նույն քաղաքում տեղի ունեցավ Եկեղեցիների համաշխարհային խորհրդի կենտրոնական կոմիտեի 25-րդ տարեկան ժողովը, որը տևեց մինչև օգոստոսի 23-ը:

Օգոստոսի 13-ին, առավոտյան ժամը 10-ին, տեղի «Դոմկերկ» Մայր տաճարում կատարվեց համատեղ աղոթքի հանդիսավոր արարողություն: Արարողության ընթացքում Էկումենիկ ոգով մի գմայելի քարոզ արտասանեց Եկեղեցիների համաշխարհային խորհրդի պատվո նախագահ դոկտ. Վիտերթ Հուֆթը:

Նույն օրը, կեսօրից հետո, Ութերեսի «Կոնգրեսների պալատի» ընդարձակ դահլիճում բացվեց Եկեղեցիների համաշխարհային խորհրդի կենտրոնական կոմիտեի ժողովը, որին մասնակցում էին, բացի կենտրոնական կոմիտեի անդամներից, տարբեր երկրներից ժամանած քրիստոնեական զանազան կազմակերպությունների հոգևոր և աշխարհական բազմաթիվ ներկայացուցիչներ, խորհրդականներ, դիտորդներ, հյուրեր, մամուլի և ռադիո-հեռուստատեսության թղթակիցներ՝ թվով շուրջ 500 հոգի:

Սույն ժողովին Մայր Աթոռի կողմից մասնակցում էին Մայր Աթոռի միաբան և Լոնդոնի ս. Սարգիս եկեղեցու հոգևոր հովիվ տ. Ներսես Ծ. վրդ. Պոզապալյանը՝ որպես Եկեղեցիների համաշխարհային խորհրդի կենտրոնական կոմիտեի անդամ, և Մայր Աթոռի միջեկեղեցական արտաքին հարաբերությունների բաժնի ընդհանուր քարտուղար Պարզև Ծահրազյանը՝ որպես դիտորդ:

Ժողովի բացմանը հրավիրված էր Հոլանդիայի Էլիզաբեթ իշխանուհին, որը հակիրճ և բովանդակալից իր ելույթում բարի գալուստ մաղթեց Էկումենիկ շարժման ղեկավարներին ու ժողովի բոլոր մասնակիցներին՝ լիակատար հաջողություններ ցանկանալով նրանց իրենց առաջիկա աշխատանքներում:

Ժողովում գլխավոր զեկուցումով առաջինը հանդես եկավ Եկեղեցիների համաշխարհային խորհրդի կենտրոնական կոմիտեի գլխավոր քարտուղար դոկտ. Էժեն Բլեյլը:

Նա կանգ առավ մի շարք հարցերի վրա, որոնք Եկեղեցիների համաշխարհային խորհրդի գլխավոր մտահոգություններն են կազմում: Ընդգծելով այն միտքը, թե քրիստոնյաների և քրիստոնեական եկեղեցիների

եղբայրական համակեցությունը ոգեկան մի իրականություն է ու մի նպատակ, որին պետք է հասնել և առանց որի Եկեղեցիների համաշխարհային խորհուրդը կդառնա սուկ սոցիալական մի կազմակերպություն բազմաթիվ այլ կազմակերպությունների թվում, նա հիշեցրեց ներկաներին: Որ 24 տարի առաջ Ամստերդամում Էկումենիկ շարժման հիմնադիրները միմյանց նկատմամբ իրենց պարտավորությունները հաստատել էին հետևյալ բառերով. «Մենք որոշել ենք ապրել միասին»: «Նրանք կառուրեցին այդ խոստումը, — ավելացրեց նա, — և մենք հետևեցինք նրանց: Բայց մենք ի վիճակի չէղանք այդ պարտավորությունը հասցնելու ցանկալի վախճանին: Մեր մեջ դեռևս կան անվստահության մնացորդներ, երկշտություն, պատակավածություն, նեղմտություններ և թյուրիմացություններ, դավաճական անհանդուրժողություն և մշակութային, գաղափարախոսական ու ազգային պարտավորություններ, որոնք բացառում են միմյանց»: Այստեղից էլ նա հանձնեց այն եզրակացության, որ եկեղեցիների միության ճանապարհին առաջընթացը ինքնաբերաբար տեղի չի ունենա, այլ այն կախված է աստվածաբանական լուրջ ուսումնասիրություններից, որին պետք է լծվի Հավատո և Կարգի հանձնաժողովը:

Դոկտ. Բլեյլն այնուհետև իր զեկուցման մեջ կանգ առավ Եկեղեցիների համաշխարհային խորհրդի և հոռմեական կաթոլիկ եկեղեցու փոխհարաբերությունների հարցի վրա՝ նշելով, որ համաշխարհային գեւոնի վրա Էկումենիկ շարժման կյանքն ու զարգացումը, ինչպես և նրա ապագան մեծապես կախված են այն հարաբերություններից և համագործակցությունից, որոնք կարող են հաստատվել Եկեղեցիների համաշխարհային խորհրդի և հոռմեական կաթոլիկ եկեղեցու միջև: Ընդ սմին նա ներկայացնելով ժողովականներին այդ փոխադարձ հարաբերությունների և նրանց զարգացման մանրամասն պատկերը՝ նշեց, որ չնայած այդ բնագավառում ցարդ ձեռք բերված արդյունքներին, չպետք է սպասել, որ մոտիկ ապագայում կաթոլիկ եկեղեցին դիմում կներկայացնի մտնելու Եկեղեցիների համաշխարհային խորհրդի կազմի մեջ որպես անդամ: Նա գնահատելով հանդերձ Եկեղեցիների համաշխարհային խորհրդի կազմից ներս կաթոլիկ եկեղեցու մուտքի հարցը ուսումնասիրող խառն հանձնախմբի անդամների կատարած օգտակար աշխատանքը՝ իրավամբ խոստովանեց, որ մեկ տասնամյակի ժամանակաշրջանը չափազանց կարճ է դարձանելու համար դարավոր ընդհարումների ու թշնամությունների պատճառած ավերները:

վերջում դուրս. Բլեյկը հույս հայտնեց, որ կենտրոնական կոմիտեն, հավատարիմ իր էկումենիկ ավանդության գծին, կշարունակի պաշտպանել բոլոր այն համերաշխ ջանքերը, որոնց նպատակն է ուժեղացնել Եկեղեցիների համաշխարհային խորհրդի համագործակցությունը հոռմեական կաթոլիկ եկեղեցու հետ եկեղեցական կյանքի բոլոր մակարդակներում, որպեսզի քրիստոնյաները կազմեն տեսանելի մի միություն համապատասխան Քրիստոսի աղոթքի՝ «...որպեսզի աշխարհը հավատաս»:

Ժողովում երկրորդ զեկուցողը եղավ կենտրոնական կոմիտեի Գործադիր խորհրդի նախագահ դոկտ. Մ. Թոմասը, որը ժողովականներին ներկայացրեց Գործադիր խորհրդի մեկ տարվա գործունեության մանրամասն հաշվետվությունը:

Ժողովը հետաքրքրությամբ լսեց նաև մի շարք շահեկան զեկուցումներ հետևյալ թեմաների շուրջ.

Տան Աիլիկո կաթողիկոսության ներկայացուցիչ Գարեգին եպս. Սարգսյանի զեկուցումը «Եղբայրական հասարակության ծառայությանը զինվորագրվածներ» թեմայի շուրջ.

Աստվածաբանության պրոֆեսոր-դոկտ. Յուրգեն Մոլթմանի (Արևմտյան Գերմանիա) զեկուցումը «Եղբայրական համակեցություն՝ բաժանված աշխարհում» թեմայի շուրջ.

Դոկտ. Զոն Դեշների զեկուցումը «Իրագործված առաջադիմություններ եկեղեցու միության բնագավառում» թեմայի շուրջ և այլն:

Հետագա օրերի ընթացքում ժողովականների առաջ հաշվետու զեկուցումներով հանդես եկան Եկեղեցիների համաշխարհային խորհրդի տարբեր միավորումների, հանձնաժողովների, կոմիտեների, ենթակոմիտեների, առանձին բաժնիների ղեկավարները իրենց տարեկան գործունեության վերաբերյալ: Այսպես, ժողովը լսեց զեկուցումներ Եկեղեցիների համաշխարհային խորհրդի և հոռմեական կաթոլիկ եկեղեցու ներկայացուցիչներից կազմված աշխատանքային խումբի հանձնախմբի, Հալատո և Կարգի հանձնաժողովի, Բոսեի էկումենիկ ինստիտուտի, «Դաստիարակություն և հաղորդակցություն», «Արդարություն և ծառայություն» միավորումների, Նյու-Յորքի գրասենյակի, Ֆինլանդների կոմիտեի, Եկեղեցիների համաշխարհային խորհրդի գրադարանի և այլ կոմիտեների կողմից կատարված աշխատանքների մասին: Կարդացված զեկուցումներն այնուհետև ենթարկվեցին լայն քննարկման, տեղի ունեցան բանավեճեր, արվեցին կոնկրետ առաջարկություններ և արժարժված

հարցերի կապակցությամբ ընդունվեցին համապատասխան որոշումներ:

Ժողովի օրակարգում դրված գլխավոր հարցերից մեկն էր կենտրոնական կոմիտեի նոր գլխավոր քարտուղարի ընտրությունը: Օգոստոսի 16-ի առավոտյան կենտրոնական կոմիտեն իր դրնիակ միատուն միաձայնությամբ գլխավոր քարտուղար ընտրեց Ամերիկայի մեթոդական եկեղեցու ներկայացուցիչ, Եկեղեցիների համաշխարհային խորհրդի «Առաքելություն և ավետարանչություն» հանձնաժողովի տնօրեն դոկտ. Ֆիլիպ Փոթըրին, որը կոչվեց փոխարինելու դոկտ. Էժեն Բլեյկին նրա պաշտոնում, քանի որ վերջինս, լրացրած լինելով իր 65 տարեկան հասակը, ըստ Եկեղեցիների համաշխարհային խորհրդի կանոնադրության պետք է հրաժարվեր իր պաշտոնից:

Դոկտ. Փոթըրը ժողովարանում հավաքված բազմահարյուր ներկայների բուն ծափահարությունների ներքո Եկեղեցիների համաշխարհային խորհրդի պատվո նախագահ դոկտ. Վիսերթ Հուֆթի ուղեկցությամբ առաջնորդվեց ամբիոն, որտեղ կենտրոնական կոմիտեի նախագահ դոկտ. Թոմասը ողջույնի սրտառույ խոսք ուղղեց նրան՝ դրվատելով նրա արժանիքներն ու էկումենիկ շարժմանը նրա մատուցած անգնահատելի ծառայությունները: Իր պատասխան ելույթում դոկտ. Փոթըրը սրտագին շնորհակալություն հայտնեց իր նկատմամբ ցուցաբերված վրտահույան համար՝ ավելացնելով, որ եղբայրական այն մթնոլորտը, որով շրջապատված է ինքը, մշտական գործունեության մի ալյքյուր պիտի լինի իր համար:

Դոկտ. Փոթըրի ելույթին հաջորդեց տարբեր թերթերի թղթակիցների հարցազրույցը նրա հետ, որի ընթացքում շոշափվեցին էկումենիկ շարժման հետ առնչվող մի շարք կարեկոթ խնդիրներ:

Դոկտ. Ֆիլիպ Փոթըրը իր նոր պաշտոնին կանցնի 1972 թվի նոյեմբերի 1-ից:

Ժողովի քննարկմանը ներկայացված հարցերից մեկն էլ ռասիզմի դեմ մղվող պայքարի հարցն էր: Կենտրոնական կոմիտեն միաձայնությամբ հաստատեց Գործադիր խորհրդի կողմից ներկայացված այն բանաձևը, ըստ որի կենտրոնական կոմիտեին հանձնարարվում էր ռասիզմի դեմ տարվող պայքարի ծրագրի իրականացման համար ստեղծված հատուկ ֆոնդի գումարը 500.000 դոլլարից բարձրացնել մեկ միլիոն դոլլարի, գումար, որը հատկացվելու է մարդասիրական նպատակներով գործող այն կազմակերպություններին, որոնք պաշտպանում են իրավազրկված ու ճնշված մարդկանց իրավունքները Աֆրիկայում և աշխարհի այլ մասերում:

Սույն ժողովում որոշում ընդունվեց ԵՀԽ-ի հինգերորդ համագումարը հրավիրել 1975 թ. հուլիսին Ջակարտայում (Ինդոնեզիա):

Ժողովը քննարկեց նաև հետևյալ եկեղեցիների դիմումները Եկեղեցիների համաշխարհային խորհրդին անդամակցելու համար. 1) Հյուսիսային Հնդկաստանի եկեղեցի, 2) Ջաիրի պրեսբիտերական եկեղեցի (Կոնգո), 3) Միջագգային ավետարանական եկեղեցի (Իտալիա), 4) Նիասի պրեսբիտերական եկեղեցի (Ինդոնեզիա), 5) Դահոմե-Տոգոյի մեթոդական եկեղեցի, 6) Ֆիլիպինների ավետարանական-մեթոդական եկեղեցի, 7) Լիբերիայի լութերական եկեղեցի, 8) Լատինա-ամերիկյան վերակազմյալ եկեղեցի, 9) Պերուի մեթոդական եկեղեցի, 10) ԳԴՀ-ի քրիստոնեական եկեղեցի:

Վերջին երկու եկեղեցիների դիմումները ներկայացվել էին՝ Եկեղեցիների համաշխարհային խորհրդին գործակից եկեղեցիներ դառնալու առաջադրանքով:

Կենտրոնական կոմիտեն հաստատեց վերոհիշյալ եկեղեցիների՝ Եկեղեցիների համաշխարհային խորհրդին անդամակցելու կամ նրա հետ գործակցելու վերաբերյալ Գործադիր կոմիտեի կողմից 1971 թ. սեպտեմբերին և 1972 թ. փետրվարին ներկայացված հանձնարարությունը:

Ժողովը քննության առավ նաև Եկեղեցիների համաշխարհային խորհրդի սահմանադրության և կանոնադրության մեջ որոշ բարեփոխություններ մտցնելու վերաբերյալ


եղած առաջարկությունները, որոնցից ամենաուշագրավը կենտրոնական կոմիտեի կազմի մեջ Եկեղեցիների համաշխարհային խորհրդին գործակից եկեղեցիներից լրացուցիչ կարգով առավելագույնը հինգ անդամներ ընդգրկելու մասին եղած առաջարկությունն էր, որը, ըստ երևույթին, թելադրված էր տարեց-տարի Եկեղեցիների համաշխարհային խորհրդին հարող գործակից եկեղեցիների թվի աճից:

Ժողովի փակման նախօրյակին Վատիկանից Ութերխտ ժամանեց կարդինալ Վիլբրանդսը, որը Հոլանդիայի կարդինալ Ալֆրիդկի հետ միասին ջերմորեն ընդունվեց ժողովականների կաղմից: Երկու կարդինալներն էլ պաշտոնական ելույթներով հանդես եկան ժողովականների առաջ՝ ողջունելով ժողովի մասնակիցներին և հետագա գործակցության անկեղծ ցանկություններ, ինչպես և սրտագին մաղթանքներ արտահայտելով եկեղեցիների միության գաղափարի իրականացման ճանապարհին տարվող աշխատանքների հաջողության համար:

Այսպիսով, Ութերխտում գումարված Եկեղեցիների համաշխարհային խորհրդի կենտրոնական կոմիտեի ժողովն ավարտեց իր աշխատանքները, և որոշվեց հաջորդ նստաշրջանն անցկացնել 1973 թ. Ֆիլիպինյանում:

ՊԱՐԳԵՎ ԾԱՀԲԱԶՅԱՆ

Ընդհանուր քարտուղար
Մայր Աթոռի միջնկեղեցական հարաբերությունների բաժնի



**ՍՈՒՐԲ ԷԶՄԻԱԾՆԻ ՄԻԱԲԱՆՈՒԹՅԱՆ
ԳՐԱԿԱՆ-ԿՐԹԱԿԱՆ ԳՈՐԾՈՒՆԵՈՒԹՅՈՒՆԸ ԵՎ
ՄԱՅՐ ԱԹՈՒԻ ՏՊԱՐԱՆԸ***

Ներսես Ե-ին հաջորդում է Մատթեոս Ա կաթողիկոսը, որ հայրապետական գահ բարձրանալուց հետո երկու խնդիր յուր հոգացողության առարկա է դարձնում, դոցանից մեկը Էջմիածնում բարձրագույն դպրոց հիմնելու ծրագիրն էր, որ իրենից առաջ Ներսես Ե-ի էլ փայփայանքն էր եղել: 1860-ական թվականներին Միքայել Նալբանդյանը գտնվում էր Էջմիածնում. հավանական է կաթողիկոսը Էջմիածնում բարձրագույն դպրոց հիմնելու ծրագիրը հայտնել էր նրան, ուստի և Միքայել Նալբանդյանը, որ իրեն Մասեհ Բարաջանյանի և այլոց կուսակները ստանալու լիազոր Հնդկաստան էր գնացել, 1862 թվի հունվարի 20-ին Մատթեոս Ա կաթողիկոսին յուր գրած մի գրության մեջ շեշտում է, որ Կալկաթայի ս. Նազարեթ եկեղեցու եկեղեցականի մոտ հոգուտ Մայր Աթոռի 1852 ռուբլի մի գումար կա կտակած, որն ստանալու համար խնդրում է կաթողիկոսին հարկավորը կարգադրել:

«Գումարդ այդ,— ասում է Նալբանդյանը,— որ մնացեալ է անդր և որ մնացել է, եթէ ոչ պահանջիցէք, կարէ սատար լինել Ձեզ թերևս ի շինութիւն դպրոցին, որ հիմնէիք տակաին ամօք իրեն երկուք յառաջ»**:

Հայտնի չէ, թե կաթողիկոսը Նալբանդյանի այս հիշած գումարը առացել է, թե ոչ, ուստի և գուցէ դրամականի պակասության պատճառով դպրոցական շենք շինելու ծրագիրը մնում է անկատար:


Երջանկահիշատակ Մատթեոս Ա կաթողիկոսը, ինչպես երևում է ստորև բերված նրա մի կոնդակից, զբաղված է եղել նաև Մայր Աթոռի տպարանի համար մի հարմարավոր շենք կառուցանելու խնդրով: 1864 թվի հունիսի 11-ին № 302 կոնդակով հետևյալ հրամանն է ուղարկում Ադեքսանդրապոլի հոգևոր կառավարությանը.

«Հոգևոր կառավարութեանդ Ադեքսանդրապոլու ծանուցանեմք, զի պ. Ղազարն մահտեսի Իսկանդարեանց (նոյն և Սահակեան) դիմեալ ի Մայր Աթոռս, ծանոյց մեզ արդէն ընկալնույն իւր զհրաման թոյլատուութեան ի դրանէ օսմանեան, ըստ զօրութեան մերս միջնորդական կոնդակի, վասն 1500 մայր փայտից ի պէտս շինութեան նորակառոյց ուսումնարանին իւրոց և եկեղեցոյ Ղարաքիլիսա գեղջ տեղւոյդ և ըստ որում ի շինութիւն նորակառոյց տպագրատան Մայր Աթոռոյս (ընդգծումը մերն է—Ա. Ե. Ա.) կարելիք հարկատր էր քանի հարիր մայր փայտս առաջարկեցաք աստ նմին Ղազարու տալ և շինութեան տպարանի մերում զհարկատր թիւ փայտս և սիրով և յօգուտ ս. Աթոռոյս խոստացա ի կատար ածել զայս մեր առաջարկութիւն, զորմէ տնօրինեալ մեր ունիմք ի ձեռն կարգաւորութեան Սիւնօրի ս. Էջմիածնի ի ժամանակին ստանալ զայնուսիկ փայտսն ի նմանէ՝ ուստի առաջադրեմք հոգևոր կառավարութեանդ ի 20 մայիսի տարւոյ № 258 գրեալ կոնդակն մեր վասն տալոյ գերեք հարիր փայտս ընկերութեանն Հատինոյ վանից թողոյ

* Շարունակված «Էջմիածին» ամսագրի 1972 թվականի №№ 7—8-ից:

** Երվանդ Շահագիզ, Դիւան Միքայել Նալբանդյանի, Երևան, 1982 թ., էջ 191:

սակատար և յայտնել նմա վասն կարգաորելոյ զարժանն ի լրոսն պիտոյից շինութեանց, զի զայնոսիկ փայտս զարդիս ունի ստանալ Մայր Աթոռս*:



Մաշտոց. Մայր Աթոռ ս. Էջմիածին, 1836 թ.

Սակայն ըստ երևույթին Սահակյանը այդ փայտերը Էջմիածնին չի հանձնում, ի վաճառ հանելով բերած փայտը: Ուստի Հատիճայի ընկերությունը 1864 թվի դեկտեմբ. 16-ին հետևյալ խնդրագիրն է ուղարկում Մատթեոս Ա կաթողիկոսին.

«Ձերդ Վեհափառության տնօրինությամբ մեր ընկերությունը հոգս քաշեց պատրաստել և բերել օսմանյան տերությունից երեք հարյուր մայր փայտ 1500 փայտի հաշվից ուսումնարանների շինությունների համար, քայց վերջը

* Կ. Կոստանյան, Հատիճայի վանական ընկերության հիշատակարանը ու հաշիվը, Ադեքս., 1910:

դադարեցավ այդ, այն պատճառով, որ Ղազար Սահակյանը խոստացավ Մայր Աթոռի նորակառուցանելի տպարանի համար թեև մեր ընկերությունը ևս հոգավով չափ պատրաստ էր նորա նման յուր երեք հարյուր փայտից մասն հանել նույն տպարանի օգտին և ստանալ յուր նախանշանակյալ քանակու-

Հ Ա Ր Ի Բ Ե Ի Չ Ո Ր Ս
Ս Ո Ւ Բ Բ
Պ Ը Տ Մ Ո Ւ Թ Ի Ի Ն

Հ ա ռ ք ե ա Ղ

Դ Ե Տ Ի և Դ Ե Ն Ո Ր Կ ր ա յ Կ ր ա ն Ե ա ջ

յ ո զ ա տ մ ան Կ ան ջ

Ա շ ատ ա ս Ի յ ու թ Ի ք Յ ր ժ հ ան ն ա ռ Գ Ի ք Ե ն ք Ե ա ն
 Հ ան ղ Ե ք ը յ ա ռ Կ ր ա ճ ո լ ք Կ ր ղ Ե շ ա ճ Խ ր ա տ ա ջ
 և ս ր ղ ջ յ ք ար Ե ս ր ջ յ ա ռ թ Ե ա ն ։

Դ Ա ռ ա լ ք Ե ա լ Ե

Հ ր յ յ Ե Ե

Ա շ ա ղ ք ր ժ հ ան ջ Հ ր յ յ յ ա ի Բ Ի Բ ա ջ Խ ա ճ Կ Ե Ա թ շ

Հ ա ռ ք Ե ն Ե ա ջ ։

Ի Հ ա ղ ա ղ Ե ա ռ Ե Ա յ ար ա տ Ե ա ն գ Ե ք ա ղ ա ճ
 մ ղ յ ք Ա թ ռ ղ յ ք Կ ր թ ո ղ Ի Կ Ե Լ Կ Ս Մ Ի
 Ա Օ Ն Ի Տ Ե ա ն ա թ Ե ք ր ղ Ե Յ Ո Վ
 Հ Ա Ն Ն Ո Ւ Կ ր ղ ք Ե ջ ղ յ ս ր ք ա զ ն ա Կ ր ա տ ար Կ ր
 թ ո ղ Ի Կ ր ա ի յ ա ճ Հ ր յ յ և Կ ր յ Ե ք ա ղ ր ա ղ Ա ջ
 պ Ե ա լ ք Ե ղ և Ա Ե չ ա Բ ա ա հ ր ա ն ն ա ռ Տ ր ա
 ղ ք Ե ջ ա ռ ։

1838. 05 26 ։

Դ Տ ր ա ր ա ն Ի Ե ջ Ի Կ Ե Բ Գ Ե Ի Լ Ե ա ռ ք Ե ջ Ե ն

Դ Ա Ե Լ Կ Ս Մ Ի Ա Օ Ի Ե

Հարիր և չորս սուրբ պատմություն. Մայր Աթոռ ս. Էջմիածին, 1838 թ.

թյունը. սակայն լավ իմանալով, թե այդ մի ինքնահնար առաջարկություն է փայտերն յուրացնելու, ինչպես և եղավ, այդ պատճառով սպասում էր վախճանական տնօրինության: Արդ, որովհետև վերոգրյալ Սահակյանը և նորա ընկերակիցներն արդեն սկսած են բերել փայտն և ընկերության բաժինը մնում է այնտեղ և վճասներ են լինում մեզ, վասն որո վստահացանք ամե-

նախոճարհարար դիմել ձեր Վեհափառության և խնդրել, որ մի կոնդակ շնորհեք Կարսի առաջնորդ Հովհաննես արքեպիսկոպոս Ռշտունու և արարկիրցի Ղուկաս աղայի անուհով, ձեռնառու լինելու և թույլատրելու մեզ քերել երեք հարյուր փայտը ուսումնարանական շինությունների վերա գործադրելու համար, որպեսզի չլինի թե այսուհետև բազմապատկի մեր վնասը, իսկ եթե հարկավորի այսուհետև մի քանակություն փայտի տպագրատան շինության համար, մենք էլ խոստանում ենք մյուսների նման օժանդակ լինել, ինչպես որ բարեհաճի հոգևոր իշխանությունը»*:

Այնուհետև թե այդ մայրի փայտերն ստանալու համար ինչ կարգադրություն է եղել, արդյոք Սահակյանը տվե՞ց այդ 300 մայրի փայտերը, պատմական տեղեկություններ չկան:

ԺԳ.

Մատթեոս Ա կաթողիկոսին հաջորդեց Գեորգ Դ կաթողիկոսը, որ հայոց եկեղեցու պատմության մեջ հայտնի է «մեծագործ» անվամբ: Այդ անվանն արժանացել է նա իբրև ուսումնասեր և էջմիածնում մշակութային, կրթական նոր կյանքի հիմք դնող անձնավորություն: Այդ ոգով գործել էր նա մինչև հայրապետական գահը բարձրանալը Տաճկահայաստանում, յուր վարած պաշտոնների մեջ իբրև վարդապետ և եպիսկոպոս: Հայրապետական գահն առավել լայն իրավունքներ էր տալիս և հեռավոր հորիզոններ բանում յուր հոգում ու սրտում ամբարված ու վաղուց հետե փայփայած յուր բոլոր իղձերը ի կատար ածելու հոգուտ ազգի և եկեղեցու: Այդ նկատառումներով, երբ նա էջմիածին էր գնում հայրապետական գահ բարձրանալու, ազգային բոլոր աչքի ընկնող անձինք և խմբագիրները, Պոլսից սկսած Հայրապետի վերա ծանր պարտականություններ են դնում: Սակայն, ժամանակի ոգին ու հրամայողական պահանջները շատ լավ էր ըմբռնել Ստեփաննոս Նազարյանը, որ գիտեր ճշտությամբ կշռել ամեն հանգամանք և ուղիղ ու արդար պահանջ դնել նորընտիր Հայրապետի առաջ: Ահա թե նա յուր մի ուղերձի մեջ ինչ է ասում.


«Ամենայն անդաստան, ևս առաել իմանալին անդաստան որևէ ազգի, հարուստ ժամանակս ամայի և անմշակ թողեալ, ոչ է բնատրեալ նոյն ժամայն արդիւնս մեծամեծս գործել. աստ ուրեմն աշխատասէր երկրագործին հարկ ի վերայ հասանէ նախ և առաջ արօրս կազմել, լուծս յօրինել, ակօսաբեկ պատառել գկորդացեալն անդաստան, մինչև հնար իցէ գալ ի սերմնարկութեանն, իսկ սոյն այս սերմնարկութեան կարօտ գոյ դարձեալ ժրածեոն ջորտոութեան և բազմադիմի խնամոց, մինչև իրրումն ժամանակի ի վեր երևիլ ակընկալելոցն արգասեաց»**:

Գեորգ Դ կաթողիկոսը դառնում է այդ սերմը ձգողը, որը պիտի սաներ ու բարգավաճեր յուր հաջորդների խնամքով ու ջորտվությունով: Նա շատ լավ էր հասկացել ու ըմբռնել ժամանակի ոգին և հրամայողական պահանջը ազգի զարգացման ու քաղաքակրթական աստիճանը բարձրացնելու մեծ կարիքը. ուստի յուր կաթողիկոսական գահը բարձրանալու հաջորդ տարին, երբ վերադառնում է Ռուսաստանից, 1868 թվի մարտի 1-ին հրամայում է ս. Սինդիին, որ անհապաղ տպարանի պակաս բոլոր պարագաները պատրաստեն,

* Անդ:

** Մ. Աբեղյան, Գեորգ Դ մեծագործ կաթողիկոս Ամենայն Հայոց, Վաղարշապատ, 1899,

ինկ տպարանը ավելի բարեկարգ ձևով կառավարելու համար ուսման տեղ-
յակ արժանավոր եպիսկոպոսներից և վարդապետներից մի հանձնաժողով է
կազմում: Դեռևս Ռուսաստանում կատարած յուր առաջին ճանապարհորդու-
թյան ժամանակ Գեորգ Դ կաթողիկոսը մտածում և հոգս է քաշում տպարանը



Ստորագրութիւն կաթողիկէ Էջմիածնի. Մայր Աթոռ ս. Էջմիածին, 1842 թ.

բարեկարգելու համար և Ղրիմում եղած ժամանակ Խալիպյան ուսումնարանի տպարանից տառեր, ծաղիկներ և այլ զարդանկարներ ստա-
նալով՝ բերում հանձնում է Սինոդին 1868 թվի մարտի 2-ի № 26 հետևյալ
կոնդակով.

«Գեորգ ծառայ Յիսուսի-Քրիստոսի... լուսատրչական հայոց Սինոդին

սրբոյ Էջմիածնի: Յայց ելանելն մեր յայնկոյս Կովկասու եղեալ սիրելի ազգի մերում, որ ի Տարիկեան նահանգս վասն կարի հարկատրութեան տպարանի Աթոռոյս, բերաք ի Խալիպեան տպարանէ զվեշտասան տեսակ, տառս նոյն-պէս և ծաղիկ, ըստ յարմարութեան տառից նոցին, որք առ առժամանակեալ տպագրութեան կարեն ձեռնտու լինել այժմեան կարգադրեալ հեղինակու-թեանց և լրագրոց, որոց ցուցակսն ընդ մինն առաքեալ ի Սինոդոյ պատուի-րեմք յանձնել վերատեսչի յիշեալ տպագրատան, զի զամենայն տեսակս տա-ռից և ծաղկանց՝ ստացեալ զգուշութեամբ ի գործ ածցեն, մինչ ցատացումն բովանդակ տեսակաց նոցին, թիւ 26 յ2-ն մարտի 1868 ամի և յԱզգային ՌՅԺԷ ի ս. Էջմիածնի»:

Դեռևս տպարանի բարեկարգությունը չվերջացրած 1868 թվի մայիսի 1-ից ս. Էջմիածնի տպարանից կաթողիկոսի առանձին հրամանով սկսում է լույս տեսնել «Արարատ» կրոնական, պատմական, բանասիրական և բարո-յական գիտելյաց ամսագիրը, որ լույս է տեսել ամեն տարի մինչև 1919 թիվը (1920 թվից վերածվել է «Էջմիածին» շաբաթաթերթի), Մայր Աթոռի միա-բանների և հայ բանասերների աշխատակցությամբ:

Գեորգ Դ-ը դեռևս 1868 թվի հունվարին առանձին ուշադրություն էր դարձրել տպարանը կարգավորելու վերա: Ուստի և նույն թվի հունվարի 22-ին, № 7 գրությամբ հաղորդում է Թիֆլիսի առաջնորդ Մակար արքեպիս-կոպոսին, թե տպարան կարգավորելու գործը հանձնել է նորա ուղարկած վարպետին և հույս ունի, որ գոհ կմնա:

Ապա հենց նույն ամսին ստանում է աղա Հարություն Խալիպյանից Թեո-դոսիայի՝ նրանց տպարանի տառերից կորույս № 10 новых մեկ ամբողջ թեր-թի տառեր, գլխատառեր և ծաղկատառեր 10, 12, 14, 16, 18, 24, 28, 48, ապա նաև ուրիշ տառեր, զարդեր և գծագարդեր, բոլորը երեք փուլ 33¹/₂ գրվ.:

Նույն 1868 թվի ապրիլին թուղթ է գրում իշխան Հովնանյանցին՝ խնդրե-լով Եվրոպայից ամեն տեսակ լավ թուղթ բերել տա, որը և մայիսին Հովնան-յանցը ուղարկում է Էջմիածին 120 թոփ երեք տեսակ թուղթ:


Նույն թվի դեկտեմբերին կաթողիկոսի կարգադրությամբ Պոլսից հրա-վիրվում է Նշան Պերպերյանը իբրև տպարանի վարիչ, Թիֆլիսից էլ՝ Ղազար-ոս Աղայանը: Պոլսից բերել է տալիս 100 օգմա թուղթ Ճաշոցի տպագրու-թյան համար: Դեռևս 1868 թվի հունվարի 27-ին № 19 կոնդակով խնդրում է Հովհան Հովնանյանցից տպարանի համար թուղթ ուղարկել Արարատ և Ճա-շոցի տպագրության համար և խնդրում է նաև ուղարկել, եթե կա Թիֆլիսում, երկու հատ տպագրական մամուլ: Այս մամուլները տպարանն ստանում է 1870 թվին:

Նույն թվի օգոստոսի 13-ին № 380 հետևյալ կոնդակն է ուղարկել Մկր-տիչ Սանասարյանին Վիեննայից ուղարկած պղնձյա մայրերի համար:

«Գեորգ ծառայ Յիսուսի-Քրիստոսի... հարազատ որդոյ առաքելական Մայր սուրբ Աթոռոյս գերամեծար աղա Մկրտչի Սանասարեանց քրիստոսա-կան ողջոյն հայրապետական օրհնութեամբ:

Ձնամակ սիրելութեանդ զգրեալն յ31-ն յուլիսի այսր տարւոյ մեծաւ հա-նութեամբ սրտի ընկալաք ընդ նմին հասին ի ձեռս մեր խոստացեալքն ի Ձէնչ գեղեցկատիպ մայրք հայկական տառից, ևս և չորս տոմսակք վիճակախա-ղոց, զորս գնեալ է ձեր ի մայրաքաղաքիդ ընդ նմին և զառաքեալն ի Ձէնչ զարժետումն: Ոչ յապաղիմք յայտնել զձերհակալիս սրտի մերոյ վասն փոյթ և եռանդն ջանասիրութեան Ձերոյ առ ի կատարել զյանձնարարութիւնս մեր մտադիր սիրով. նամանաւանդ առաքումն հայկական տառից, բերկրեցոյց

գմեզ կարի, զի կարօտութիւն մեծ էր վայելչաճիւ տառից ի տպարանիս մե-
րում: Յուսամք զի սիրելութիւն Ձեր փոյթն լսնձին կալցի, ըստ բնատուր ազ-
գասիրութեան իրում նաև զխոստացեալ Ձեր պարագայս տպարանի ուղղել
ստ մեզ կարելին փութով ի յիշատակ պատուական անուան Ձերոյ, որպէսզի



Արճեատ թուաբանութեան. Մայր Աթոռ ս. Էջմիածին, 1842 թ.

մարթասցոյք զտպագրութիւն Արարատ լրագրիս մերոյ բարութել և զհաճո-
յագոյնս զայն ընծայեցոցանել ազգային ընթերցանելեաց. լերոք ողջ ընդ
երկայն ատուր»¹⁶:

Գեորգ Դ-ը տպարանի հառաջադիմությանը, բարգավաճմանը և ծաղկմանը արագությանը զարկ տալու համար 1868 թվի օգոստոսի 13-ին № 381 կոնդակն է ուղարկում Արամ Շանիկյանին և խնդրում է մի հմուտ վարպետ գտնի ու տեղեկացնի իրեն: Ահա այդ կոնդակը.

«Գեորգ ծառայ Յիսուսի-Քրիստոսի... Մեծարգոյ պ. Շանիկ Արամեան հարազատ լուսածին Մայր Աթոռոյս քրիստոսական ողջոյն հանդերձ հայրապետական օրհնութեամբ:


Ոչինչ անծանօթ է Ձերդ սիրելութեան, զի ի քանի մի ամսոց հետե է տպարանէ Մայր Աթոռոյս ս. Էջմիածնի սկսեալ է ի լոյս ընծայիլ Արարատ անուամբ լրագիր առ ի հրահանգել զհաստացեալն մեզ ժողովորդ ի բարոյական և յեկեղեցական գիտութիւնս: Մեզ փափագելի էր յոյժ, որպէս անտարակոյս և Ձերդ ազգասէր սրտի, զի օրագիրս այս իմաստալից բովանդակութեամբ տպագրեալ ի նմա նիւթոց և արտաքին բարեձևութեամբ տառից ևս և հմուտ տպագրական ձևոցն վայելչութեամբ, հետաքրքրական և սիրելի հանդիսացի լրութեան ազգիս, որպէսզի մարթասցուք ըստ իմիք հասանել ի յառաջ եղեալն մեզ նպատակ. բայց մինչև ցայսօր բազմադիմի կարօտութիւնք արգելադիրք լինին զարգացման մերս լրագրի վասն պէս պէս պատճառաց և գլխատրապէս հեռաւորութեան Մայր Աթոռոյս ի զանազան երոպական մայրաքաղաքաց:

Եւ քանզի մի ի գլխատր կարօտութեանց որեկից տպարանի է իրաւամբ գիւտ յաջող տպագրապետի, գորոյ զկարևորութիւն և մեք կարի զգամբ աստանօր, վասնորոյ գիտելով զազգասիրական զփոյթ Ձեր և զջանացողութիւն առ ի նպատամատոյց լինել ըստ կարողութեան չափու յայսպիսի ազգաշահի դէպս ի յառաջադիմութիւն ազգային ձեռնարկութեանց, մեք կոնդակաս այսուիկ մեծայոյս հաւանութեամբ առաջարկեմք մեծարգոյ սիրելութեան Ձերում, աշխատ զանձն առնել առ ի գտանել զտպագրապետ ոմն, զի քաջիկ տեղեակ լինիցի տպագրական արհեստին, հմուտ նաև հայկական բարբառոյ և ամենայն պահանջելի կատարելութեանց, որպիսի և իցէ ազգաշահ լրագրի, ժիր և արթուն ի գործս վերակացութեան, ի վերս ալլոց գրաշարից: Եւ եթէ ունիչիք ի նկատի զայսպիսի արժանատր անձն, խնդրեմք տեղեկանալ թէ ո՞րչափ տարեկան ռոճիկ խնդրիցէ այնպիսին ի գալ աստանօր և տաշիք մեզ տեղեկութիւն, զի և մեք եթէ հնարատր իցէ հրաւիրեսցուք զնա փութով ի Մայր Աթոռս մեր, զի օր յառաջ լցցին պէս պէս կարօտութիւնք նորատիպ Արարատ լրագրին և զանազան ոսկեղենիկ ձեռագիրս նախնեաց մերոց եղեալս ի Մատենադարանի տեղոյս գեղեցիկ տպագրութեամբ ընծայեցին ի վայելս ուսումնասէր համազգայնոց մերոց:

Յուսալով զի մեծարգոյ սիրելութիւն Ձեր մտադիր սիրով ջանացէ ի զլոյս հանել զմերս գայս ազգաշահ յանձնարարութիւն, ողջ լերուք ի Տէր: Թիւ 381 ի 13 օգոստոսի 1868 ամի և յԱզգային ՌՅԾԸ ի ս. Էջմիածին»¹⁷:

Մինչև Գեորգ Դ կաթողիկոսը ս. Էջմիածնի տպարանում մայրերը ձուլում էին ձեռքի գործիքներով, որոնք մինչև 1920 թիվը պահվում էին տպարանում: Առաջին անգամ Գեորգ Դ-ն է բերել տալիս տառեր ձուլող մեքենա, որով մինչև 1920 թիվը, քիչ բացառությամբ տպարանի համար հարկավոր տառերը պատրաստվում էին:

1869 թվին Մկրտիչ Սանասարյանը նվիրում է Էջմիածնի տպարանին անգլիական «Wood» ընկերության արագածույլ մեքենան 6×9 մեծությամբ, երկու տեսակ հալոցներով, մեկը հասարակ տառեր և մյուսը զանազան աստիճանի և ձևերի գլխագրեր, ծաղկագրեր և ծաղիկներ և այլն ձուլելու հա-



Ս, Ներսես Ենորիացի, Թուղթ ընդհանրական. Մայր Աթոռ ս. Էջմիածին, 1865 թ.

մար: Այլևս ստացվում են ութ տեսակ կաղապարներ այլ և այլ աստիճանի և մեծության տատեր, պարագաներ և գծեր ձուլելու համար:
 Սանասարյանը նվիրում է նաև մի մեքենա գծեր կտրելու, պղնձյա չորս տեսակ գծեր, մարզաններ, զանազան գեղեցիկ ծաղիկներ, զարդեր, թվա-

նշաններ և շարձներ: Նվիրում է նաև ինը տեսակ մայրեր նորածն և վայելուչ գլխագրերի, բոլոր գրերի և գեղեցիկ նոտր գրերի և ուրիշ տառերի թվանշանների ու կետանշանների:

Սանասարյանի օրինակով ագուլեցի Մկրտիչ Գրիգորյան Տեր-Մկրտչյանն էլ նվիրում է Մայր Աթոռի տպարանին Հայաստանի տեսարանների կադապարներ 44 հատ, յոթ տեսակ բոլորագիր, շրագիր, գլխագիր, ծաղկագիր, մայրեր իրանց պարագաներով, երկու տեսակ ձուլված մեծ ծաղկագրեր, գանազան տեսակ մեծ և փոքր կազմարարական շարքնկալ:

Բացի վերոգրյալները Մայր Աթոռի տպարանին են անցնում նաև Խալիայան տպարանի մայրերից շատերը:

Տպագրական գործին վերաբերյալ զանազան գործիքներ և թուղթ ձեռք բերելու և տպարանը ավելի հարստացնելու համար Գեորգ Դ կաթողիկոսը 1869 թվի ընթացքում դիմումներ է անում դարձյալ Կարապետ Եզրանին, Հովհաննես Հովնանյանցին և Մկրտիչ Սանասարյանին, որոնք և ընդատաջ գնալով կաթողիկոսի բաղձանքներին, խնդրած բոլոր պարագաներն ուղարկում են Էջմիածին: Այդ ավելի պարզ ցույց են տալիս նոցա գրված մի քանի կոնյակները, որոնք բերվում են ստորև.

«Գեորգ ծառայ Յիսուսի-Քրիստոսի... մեծահաւատ և բարեպաշտ աղա Յովհաննիսի Յովնանեանց, սիրելի և հարազատ որդւոյ Մայր Աթոռոյս, խնդալ ի Տէր: Ի 18 մարտի առաքեալ գրութիւն Ձեր ընթերցեալ ուրախ եղաք յոյժ տեսանելով ի նմա զազգասէր և հոգեսէր ետանդն Ձեր, որ առաել քան զոր մեք զգամք, պերճացեալ հանդիսանալով ցուցեալ էիք զյօժարութիւն Ձեր առ յանձնարարութիւն մեր ի մասին պիտոյից տպագրատան Աթոռոյս: Տէր Յիսուս Քրիստոս որ զամենայն հոգեկան վաստակս շերմեռանդն բարեպաշտից կշռէ ըստ չափու պարգևաց շնորհաց իւրոց, առատացի ի Ձեզ բեղմնաւոր և հոգեպարար սուրբ օրհնութեամբն իւրով, յազգէ յազգ փառաւորելով զՁեզ և զհամայն աստուածասէր տոհմայինս ի պարծանս ազգիս և ի պայծառութիւն եկեղեցւոյ սրբոյ:

Գոհ եմք յամենայն սրտէ զի յետ ի ձեռս բերելոյ մամլոյն և թղթոյն խոտանայք առաքել ի ժամանիլ աւուրց ամուսն, բայց զթուղթսն, մանաւանդ վասն **Ճաշոցի** յատկացեալն եթէ հնար է փութացուցանել, շնորհ մեծ առնէք, քանզի բազում եկեղեցիք կողմանցս չունելով զ**Ճաշոց** գիրքն դիմեն հանապազ ի Մայր Աթոռս և թախանձեն. և մեք խոստացեալ եմք ընդհուպ զտպագրութիւն այնորիկ զայս ամենայն կարևորութեամբս յանձնելով ի հաճութիւն Ձեր, մաղթեմք ի Տեառնէ...: Պահել զՁեզ ի չարեաց լցեալք պտղովք սուսքինութեան և լիութեամբ պարգևաց Հոգւոյն սրբոյ. ողջ լերութ զօրացեալք միշտ ի խնամս Տեառն: 1869 ամի ապրիլի 10 համար 117»¹⁶:

«Գեորգ ծառայ Յիսուսի-Քրիստոսի... Քրիստոսագօր և ազգասէր աղա Յովհաննու Յովնանեանց յաւէտ հարազատի Մայր Աթոռոյս... Ընկալեալ զգրութիւն Ձեր տողեալ յամենանն յովիսի յանչափս ուրախ եղաք ի սիրտ և օրհնեցաք զՁեզ, զի դուք կատարեալ ամենայն սիրով և անձնուիրութեամբ զհանձնարարութիւնս մեր՝ որ վասն տպագրական թղթոց, զորոց զմի մասն յեալ նախքան զգրութիւնդ, ստացաք յաւուրս յայտուիկ և որպէս գրէիք զմնացեալ զմի մասն ևս անշուշտ ստացուք յետ այսր: Երկոքին մամուլքն կանխաւ խնդրեալք ի մէջ ըստ հին տարազու պարտին լինիլ ի ձուլելոցն ի Լոնդոն և ոչ այլ ուրեք, առկախեալ տուչին (դիմպոն) յերկայնութիւն տասն և ութն մատն (վերջոկ), ի լայնութիւնն տասն և երեք մատն: Իսկ եթէ քան զայնոսիկ չափս մեծ գտանիցին, չիք արգելք ինչ այլ մի գուցէ լիցին նուազ: Նսն

զմի փոքրիկ մամուլ ձուլեալ անդ ի Լոնդոն յերկայնութիւնն տասն մատն, ի լայնութիւնն ութն, անշուշտ ենք զի գերեսեան մամուլսն ևս անշուշտ գնեալ հացիք, ընդ փոյթ ի Լոնդոնէ և հասուցանել առ մեզ կարելին փութով, ըստ որում կարևորութիւն մեծ ունի նոցա տպարանն սրբոյ Աթոռոյս...: 1869 սեպտեմբեր 19, համար 242»¹⁹:

ՃԱՄԱԿԱՐԳՈՒԹԻՒՆ
 ՀԱՅԵՍՏԱՆԵԱՅՑ ԾԱՌԵՐ ԵՆԵՂԵՑԻՑԻՑ
 ՇՈՒՄԻ ՊՈՐՈՒՆԵՐՆԵ ԵՐԵՎ ՊՊՐ

ՍԱՂՄՈՍ ԴԱԻԹԻ
 ՈՐ Է՛ ԵՂՈՒՅՐ ԵՆ ՕՐՏԵՆՈՒԹԻՒՆ ԸՆ ԸՍՏՈՒՄԸ
 ԸՆ ԽՈՐԵՆՈՒԹԻՒՆ ԸՆԴ ԽՈՐԵՆՈՒԹԻՒՆ ԸՆԿՐԻՄ

ԱՏԵՆԻ ՃԱՄԱԿԻՐԿ
 ՈՐ Է՛ ԸՏԵՆԵՆ ՀԱՅԵՐԵՆԵՑ ԵՂՈՒՅՑ
 ՈՒ ԿՈՐԵՆՈՒ


ՏՕՆԱՑՈՅՑ
 ՈՐ Է՛ ՅՈՒՅՐԵՑ ՏՕՆԵՑ ԵՆ ԸՆԹՈՐՑՅՈՒՆՆԵՐՈՑ
 ԸՆ ԸՆԿՐՈՒ ԲԵՆԿՈՐԵՆՈՒԹԻՒՆ ԸՆԿՐՈՒ ԲԵՆԿՈՐԵՆՈՒԹԻՒՆ



ԻՍԷՆՍՏՐԱԿՏ
 1862 - 68

Ա Ր Ա Ր Ա Տ

Ա Մ Ս Ա Գ Ի Ր




ՎՐԵՆՆԵՆ • ՇՈՒՄԵՆԵՆ • ԲԱՆԾՈՒՄԵՆ ԵՆ ԲԱՐՍՅՆԵՆ

ԳՐԱՆԵՐ

աշխատանքութիւն
 1 ԽՈՐԵՆՈՒԹԻՒՆ ԸՆԿՐՈՒՄ

ԱՌԱՋԻՆ ՏՄԻՐ



ԻՍՏԱՆԻ ԷՃՄԱՐԱՆ

Ժամակարգութիւն. Մայր Աթոռ ս. Էջմիածին, 1862 թ. Արարատ ամսագիր. Մայր Աթոռ ս. Էջմիածին, 1868 թ.

«Գէորգ ծառայ Յիսուսի Քրիստոսի... Քրիստոսագոր և ազգասէր աղա Մկրտչի Սանասարեանց հարազատի Մայր սրբոյ Աթոռոյս քրիստոսական ողջոյն, հանդերձ հայրապետական օրհնութեամբ:

Ընդհակառակ մտօք և հոգեպայծառ խնդրութեամբ սրտի ընկալաք զհետեւեալ գործիս, զոր մեծապատուութիւն Ձեր անօրինակ առատաձեռնութեամբ սրտի, առաքեալ է ի լրումն կարօտութեան բազմակարօտ տպարանի Մայր Աթոռոյս, նախ՝ զարագածող մեքենայ մի, երկրորդ՝ զմեքենայ մի, դարձեալ վասն ձուլելոյ փոքրադիր, երրորդ՝ զմեքենայ մի սակս յարդարելոյ գիծս վասն տպագրութեան, չորրորդ՝ զչորս տեսակ գիծս պղնձեայս, հինգերորդ՝ զմարզանս, վեցերորդ՝ զանազան բարեձև զարդս, թուանշանս և զայլ կարևոր գիծս ի պէտս տպագրութեան: Այսպիսի առատաձեռն նուէր բարեպաշտութեան Ձերոյ ոչ միայն յանշափս ուրախ առնէ զմեզ, այլև յայն միտս հաստատէ, զի յուք լիովին հասու եղեալ մերոյս նպատակի որ յաղագս բարեզարդութեան անշքացեալ վանուցս, կամիք եռանդնալից սիրով գործակից մեզ գտանիլ, յամենայն ձեռնարկս և թելեւացուցանել զբեռն հոգւոց մերոց, առատատուր նուիրատուութեամբք ձերովք յօգուտ տպարանիս, որ կարենք ասել, գլխատոր

տեղի է մերոյս խնամոց և հոգատարութեան: Ուրախ եմք այս, զի դուք քաջիկ ի միտ առեալ էք զբարձր նշանակութիւն Աթոռոյս իբրև գլխաւոր կեդրոնի լեզուի և կրօնի և տեսեալ ի վերջին ատուրս զրկեալ ի նախկին բարեկալելչութենէն ընդ մեզ ձգտիք ձեռնառու լինել նորոգ պայծառութեան նորին յապագային: Ապաքէն դուք այսպիսի սիրագործութեամբ ձերովք ի մոռացոնս արկանել տայք մեզ զանտարբեր վարչութիւն և յարաբերութիւն ոմանց, յսկանաւոր անձանց ազգիս ընդ վանս մեր և ընդ օգուտ նորին, ըստ որում զվնասելն իմիք նմին և զվատահամբաւելն առաւել ի ճահ համարին, իբր այն զի վիրօք զվերս մարդ իցեր բժշկել:

Յայտնելով զիւրաքերան շնորհակալութիւն մեր վասն գովանի ջանիցոյ ի բարեզարդութիւն տպարանիս, խնդրեմք յԱստուծոյ զի յաւետ հաստատուն պահեսցէ զՁեզ յայդպիսի աստուածաշնորհ զգացմունս ազգասիրութեան պահեսցէ ընդ երկայն ատուրս, զթել կենաց ձերոց յօգուտ ազգիս և ի հանդերձեալն զտասնապատիկ վարձս հատուցէ առաքինաւիպլ մեծապատուութեանդ, մնամք աղօթարար...: 1869 թ. սեպտ. 19 համար 245»²⁰:

Գեորգ Դ կաթողիկոսը 1870 թվին արտասահմանից 19 արկղ թուղթ է ստանում Մայր Աթոռի տպարանի համար, որի համար և դիմում է անում Կովկասի կառավարությանը այդ թուղթը առանց մաքսի Մայր Աթոռին հանձնելու:

Գեորգ Դ-ն իր կաթողիկոսության առաջին օրերից մեծ ուշադրություն դարձնելով տպարանի և տպագրական գործի ծաղկման ու ընդարձակման՝ իբրև լուսավորության մի գործոն հաստատության վերա և արհամարհելով ու հաղթելով ամեն տեսակ դժվարությունների ու արգելքների, միևնույն ժամանակ հոգս է քաշում տպարանի ներքին վարչական և քարեկարգել և սովելի հաստատուն հիմքերի վերա դնել, ուստի և տպարանի գործունեությունը կանոնավորելու համար այդ հաստատությունը բաժանում է վանական մյուս հաստատություններից, հատուկ մասնաժողով է նշանակում տպարանը կառավարելու համար, որի համար և հատուկ կանոնադրություն է կազմում և տալիս մասնաժողովին ի գործադրություն: Այս առթիվ 1870 թվի հունվարի 18-ին նա հետևյալ № 18 կոնդակն է տալիս Էջմիածնի Սինոդին.

«Գեորգ ծառայ Յիսուսի-Քրիստոսի... Սինոդի սրբոյ Էջմիածնի ծանուցանեմք. Յօրէ անտի ամբառնալոյ մեր յԱթոռ Հայրապետական ըստ սեպտեմբարտարութեան մերում, ոչ զանց արարաք հոգալ նաև զբարեկարգութենէ տպարանի սրբոյ Աթոռոյս, ոյր վասն հրաւիրեցաք աստ զհմուտ արհեստաւորս գրաշարութեան, տպագրութեան, ձուլելոյ զանազան տառից և այլն: Եւ ըստ յորդորանաց մերոց եղեն նուիրատուք յազգէս կարևոր մեքենայից և վայելչագեղ մայր տառից ի պէտս տպագրութեան **Արարատ** ամսագրոյն և այլոց: Ուստի մեք կարևոր վարկանիմք այժմ հաստատել զտպագրական ժողով և յանձնել նմա զամենայն կառավարութիւնս տպարանի որպէսզի իրաքանջիր ոք յանդամոց այնր ժողովոյ, ըստ չափու կարողութեանց փոյթ կալցին խորհել զօգուտն և գործել և արդիւնաւորել ~~զարարանն~~ ամենայն կարելորօքն, ի վայելչական յարատւութիւն նորին և ի պանծալի բարեկարգութիւն, հրատարակութեամբք ազօգուտ և հոգեշահ գրուածոց և ի լոյս ընծայելով զազգի ազգի պիտանի մատեանս, զմնացեալս ցայս վայր յանխնամակալութիւն և զդասական պիտանացոյ գրեանս վասն դպրոցաց: Եւ նշանակեցաք ի պէտս կազմութեան ժողովոյն անդամս զբարեջան Գրիգոր եպիսկոպոսն Մուշեղեանց, զՆերսէս վարդապետն Խողալերդեանց, զԵսայի վարդապետն Կարապետեան, զսարկաւազ Գեորգ Սուրենեանց, զուրարակիր Ստեփանն

Մանկունի (հետո Վահրամ եպիսկոպոս—Ա. Ե. Ս.) և զպարոն Յովհաննէան Յովուեանց* պատուէր հրամանի տուեալ անցա վարիլ հետևեալ կանոնօքս, զորս տամք ի հրահանգութիւն անցին.



Աւետարան. Մայր Աթոռ ս. Էջմիածին, 1866 թ.



Արրահամ կաթողիկոս Կրետացի, Պատմագրութիւն. Մայր Աթոռ ս. Էջմիածին, 1870 թ.

Ա. Նպատակ տպարանական ժողովոյն լիցի փոյթ տանել վասն բարեկարգ յառաջադիմութեան և օր քան զօր պայծառութեան տպարանին, ըստ նշանակութեան և յատկութեան նորին:

Բ. Ժողովն որոշեացէ վասն իրաքանչիւր անդամոց իրոց զուրոյն ուրոյն զպարտաւորութիւնս գործունէութեանց ըստ անձն իւր ընդունակութեանցն և ի գումարմանն զդիտողութիւնսն արձանագրեացին յօրագրութեան և ապա մերով գիտութեամբ ի կիր արկցին:

Գ. Ժողովն անխափան գումարեացի երկիցս յօթնեկի յերեքշաբաթի և ի հինգշաբաթի աւուրս, և ի հարկատրեալ դէպս երիցս և չորիցս ևս և յետ խորհելոյ զպիտոյից տպարանին և զտպագրութիւնն, պահանջել զանազան հաշիւ զգործոց վարպետի տպարանի և ամենայն գործավարացն և զեղելոցն խորհրդածութեանց և այլոց տնօրէնութեանց նախագահ ժողովոյն պարտաւորի տալ մեզ տեղեկութիւն:

Դ. Ժողովն պարտի ունիլ զժապաւհնեալ և մերով կնքով կնքեալ մատենան երկուս, յորոց մին լիցի մայր տումար գրել ի սմին հանգամանօրէն,

* Հաջորդ 1871 թվի մարտի 7-ի № 58 կոնդակով տպարանական ժողովի նոր անդամներ են նշանակվում Մարոպ վրդ. Սմբատյան, Գեորգ սրկ. Սուրենյանց և Ստեփան Մանկունի:

մի առ մի զամենայն գործիս, զմեքենայս և զպարագայս տպարանի և պահպանել մշտապէս առ ինքն, որոյ պատճէնն վաւերացեալ տողապարտեամբ մերով մնացէ ի գործս Սինոդի. իսկ ի միւսումն գրեացին զմուտս և զծախս տպարանին և ի սկիզբն իւրաքանչիւր տարւոյ ներկայացուցեն մեզ ի նկատողութիւն:

Ե. Արարատն հրատարակի ընդ անմիջական հրամանաւ մերով, ուսմի և վասն պարունակելոցն ի նմա թէ ի ժողովոյն խմբագրելոցն և եթէ արտաքուստ եկելոցն և վասն ամենայն տպագրելիք թղթոց և մատենից ժողովն նախ պարտի ընդունել զմեր հաճութիւն և ապա տալ ի տպագրել:

Զ. Ժողովն ինքնին ունի հոգալ զծախս տպարանի ընդունելով զհարկատրեալ քանակութիւն դրամոց ի գանձարանէ Աթոռոյս, հրամանաւ՝ Սինոդի, առ ի գործ դնել թէ վասն տպարանական ծախուց և թէ վասն տալոյ զթոշակս վարձատրաց տպարանի, գրելով զծախսն ի հաշուետումարի վաւերական նենազրոյթեամբ ստացողացն:

Է. Ժողովն պարտի յաճախ զննել զհաշուետումարս յորս նշանակեալ են Արարատ ամսագիրն և այլ մատենաք առաքեալք առ զանազան անձինս և ի պաշտօնական տեղիս ի վաճառումն, և վասն ստացման գնոց և ոցին աշարջութեամբ հսկել և շտողով երբեք սպառիկս ի դրամոց և ի հարկատրեալ դէպս յայտնել Սինոդին, զի հրամանագրեացէ առաջնորդական ատենից և հոգևոր կառավարութեանց, փոյթ ունել ի վճարումն դրամոցն և ըստ այսմ ի կարգի ունիցին զամենայն հաշուեպահութիւնս իրեանց դրամոցն:

Ը. Ամենայն դրամատր եկամուտք տպարանին արժան համարիմք զի առաքեացին ի Սինոդն սրբոյ Էջմիածնի և ի ձեռն նորա ի գանձարան Աթոռոյս, արձանագրելով անդ ի յատկացեալ տումարի. բայց և Սինոդն պարտի տալ զտեղեկութիւն տպարանական ժողովոյն զստացմանէն և զքանակութենէն դրամոցն, զի արձանագրեացի ի մատենի եկամտից տպարանի:


Թ. Որպէս նշանակին և կարգին անդամքն ի գործակցութիւն այսր ժողովոյ հրամանաւ մերով, նոյնպէս, մի միայն մերով գիտութեամբ և հրամանաւ կարին արձակել ի կարևոր դէպս ի պաշտօնէ իրեանց: Զայս ամենայն կանոնս առ ի մէնջ հաստատեալս և զանուանս նշանակեալ անդամոց տպարանական ժողովոյն առաջարկելով ի գիտութիւն Սինոդիդ, պատուիրեմք ընդ փոյթ յայտնել ժողովոյն ի պարտուպատշաճն գործադրութիւն ըստ նպատակի կազմութեանս վասն յառաջադիմութեան առաւել ևս օգտաբեր լինելոյ տպարանիս ի պայծառութիւն անուան Մայր Աթոռոյս ս. Էջմիածնի»²¹:

Նոյն թվի ամառը կաթողիկոսը Տփլիսիսումն էր: Այստեղ գնում է տպարանի համար հարկավոր իրեր, որոնց հետ և Եվրոպայից ստացված արագատիպ մեքենան ևս ուղարկում է Էջմիածին՝ տալով հունիսի 10-ին հետևյալ կոնդակը Մայր Աթոռի տպարանական ժողովին:

«Գէորգ ծառայ Յիսուսի-Քրիստոսի... տպարանական ժողովոյ սրբոյ Էջմիածնի հայրապետական ողջունի ծանուցանեմք. զխնդրեալն ի ձէնջ իրեղէնս վասն տպարանի մերոյ աստ՝ գնել տուեալ ընդ արագատիպ մեքենայի եկելոյ յԵւրոպայէ յառաջ քան զայս ֆորգոնի առաքեցաք այդր և զմնացեալսն ստանաք ի ձեռն Լազարոս վարպետի տպարանի. ընդ սմին գա առ մեզ և իտալացի ոմն վարպետ սակս արագատիպ մեքենայի, որոյ կապակցագիրն և ցուցակն ամենից գնեալ իրաց գտանէք ի ծոց գրոյս:

Աւելորդ համարիմք աստանոր վերստին կրկնել ձեզ, զի ամենայն փոյթ և ջան ձեր ի գործ դնել պարտիք, վասն յառաջադիմութեան և պայծառու-


թեան տպարանի, հանդերձ խնայողութեամբ: Ողջ լերուք: 10 յունիսի 1870
ամի, համար 207, ի Տփխիս»²²:



Ճաշոց գիրք. Մայր Աթոռ ս. Էջմիածին, 1872 թ.

1869 թվի սեպտեմբերի 11-ին № 4116 գրությամբ Ներքին գործոց նախարար բարոն Աղեքսանդր Պավլովիչը հայոց ընդհանրական կաթողիկոսների եկեղեցական և այլ ազգային հաստատությանց վերայ յուր ունեցած իրավունքների հարցն է բարձրացնում: Այս խնդիրն առաջ էր եկել Ամասեր-դաւի հայոց եկեղեցու իրավասության հարցի հետևանքով:

Գերագ Ռ կաթողիկոսն 1870 թվի հունվարի 20-ին № 5 կոնդակով ուղարկում է Ներքին գործոց նախարարին՝ ա) Տեղեկագիր զիրաւանցն պատ-



Սիմէոն կաթողիկոս Երևանցի, Ջամրո, Մայր Աթոռ ու Էջմիածին, 1873 թ.

րիարգ կաթողիկոսաց Էջմիածնի հանդերձ պատմաբանական ծանօթութեամբ զհիմնարկութենէ եկեղեցւոյն Հայոց, Ամստերդամ. բ) Վեց կոնդակք ի Տէր հանգոցեալ կաթողիկոսի Ամենայն Հայոց Տ. Ղուկասոս և գ) Հաւատարմաթողոյթ յանուն փաստաբան Վերտգէլմի:

(Շարունակելի)



Հ. Ս. ԱՆԱՍՅԱՆ

ՀԱՅ ՊԱՏՄԱ-ԴԱՎԱՆԱԲԱՆԱԿԱՆ ԳՐԱԿԱՆՈՒԹՅԱՆ
ԹԱՆԿԱՐԺԵՔ ՀՈՒՇԱՐՁԱՆԸ
«ԳԻՐՔ ՀԱՍՏԱՏՈՒԹԵԱՆ ԵՒ ԱՐՄԱՏ ՀԱՌԱՏՈՅ»*

Նամակի այս նախադասության մեջ մեր կողմից ընդգծված երկու բա-
ները ցույց են տալիս, որ Այգեկցու ուղարկած գիրքը կոչվում էր «Արմատ
հաատոյ», այլ խոսքով՝ «Արմատ հաատոյ»-ն Վարդան Այգեկցու հեղինա-
կությունն էր:

* * *

Առ այսօր երևան չի եկել «Արմատ հաատոյ»-ի այն հեղինակային օրի-
նակը, որից առաջացել են գոյություն ունեցող երկու խմբագրությունները:

Սկզբնական շրջանի ուսումնասիրողների՝ Մարտենի, Յորդանի և Արանց
ուղեկցող մի քանի գիտնականների համար չէր էլ գոյություն ունեցել այդպի-
սի հարց: Նրանց համար Փարիզի № 85=153 ձեռագիր օրինակը, որի հետ
նույն էր Էջմիածնի Մատենադարանի № 2080 օրինակը, համարվում էր միա-
կը, ուստի և՛ հենց հեղինակային օրինակ:

Տեր-Մկրտչյանի մոտ՝ հեղինակային օրինակ էր համարվում Էջմիածնի
Մատենադարանի № 512 ձեռագիր օրինակը, որը մեր հետազոտությունների
արդյունքով հանդիսանում է ընդարձակ խմբագրության օրինակներից մեկը
և ոչ թե հեղինակային օրինակ:

Թումսոնը խոսք չի անում հեղինակային օրինակի մասին և դժվար է
ստել, թե նա որպես այդպիսին է համարում Երուսաղեմի № 2331 ձեռագի-
րը, որն, ինչպես տեսանք, նրա կարծիքով՝ եղած օրինակների մեջ պիտի
լինի բոլորից ընդարձակը:

Ի բացակայության «Արմատ հաատոյ»-ի հեղինակային օրինակի՝ առա-
ջանում է գոյություն ունեցող օրինակների հիման վրա այն վերականգնելու

* Ծարունակված «Էջմիածին» ամսագրի 1972 թ. № Ը-ից:

հարց: Արդե՞ն ասվեց, որ ընդարձակ խմբագրության բնագիրն, իր թերություններով հանդերձ, շատ մոտ է հեղինակային օրինակին և հիմնականում պահել է նրա կերպարանքը: Նա ունի ամբողջականության բոլոր հատկանիշները, միայն մնում է, որ ընդարձակ և համատար խմբագրություններին պատկանող բոլոր օրինակների համեմատական ուսումնասիրությամբ վերակառուցվի նրա բնագրական կազմը: Այդ ուղղությամբ մեր կատարած աշխատանքների հիման վրա այժմ ներկայացնում ենք «Արմատ հաատոյ»-ի հետևյալ պատկերը, որի շրջանակներում կիրառործվի Վարդան Այգեկցու այս նշանավոր ու թանկարժեք ժողովածուի քննական բնագրի պատրաստումը:

Ինչ խոսք, որ «Արմատ հաատոյ»-ի կառուցվածային հարցերն անկախ չեն նրա բնագրային հարցերից, ուստի և մեր ներկայացրած կառուցվածային պատկերն իր պատճառաբանումը կգտնի բնագրաքննական այն հետազոտությունների մեջ, որոնք վերապահվում են ուրիշ առիթի: Միայն ասենք, որ բնագրաքննական հետազոտությունները չեն խախտի «Արմատ հաատոյ»-ի այս կառուցվածքը, թեև կարող են որոշ փոփոխությունների ենթարկվել կամ ճշգրտվել նշված վկայությունների հեղինակային անունները և կամ նրանց աղբյուրները⁴¹:

⁴¹ Ի դեպ՝ հպտնենք, որ մեր «Վարդան Այգեկցին իր նորայայտ երկերի լոյսի տակ» աշխատության մեջ, տակավին ձեռնամուխ եղած չլինելով աղբյուրների քննությանը, տվել ենք միայն վկայակոչված հեղինակների անվանացանկը՝ քաղելով ձեռագիր օրինակներից (էջ 33—34): Այդ ցանկում որոշ ճշտումներ, ի հարկե, կատարել ենք, և նույնիսկ մի քանի հիմնական ճշտումներ (օրինակ՝ **Ուիտալ Հոռմայեցի** = **Բիտալիոս Անտիոքացի**, **Ամոհկոս** կամ **Ամոհկոս** = **Ամփիլոքոս Իկոնացի**, և այլն), բայց մի շարք անուններ դեռ ենթակա են մնում ճշգրտման և կամ ուրիշ անուններով փոխարինման: Անհրաժեշտ ճշտումները հետզհետե կկատարվեն աղբյուրների քննության և բնագրաքննական հետազոտությունների ընթացքում:

ԳԻՐՔ ՀԱՍՏԱՏՈՒԹԵԱՆ ԵՒ ԱՐՄԱՏ ՀԱՒԱՏՈՅ

Գ Լ Ո Ւ Խ Ա.

ՍԱԿԱԻ ԲԱՆ ՄԵՐ ՅԻՇՍԱԿԻՆ

Արդ ես ողորմելիս՝ Վարդան վարդապետս եւ նուաստացեալս ի գործաւնութենէ բարեաց...: Եւ որ գրէ զսա եւ նորոգէ, աղաչեմ գրել եւ զսակաւ բանս յիշատակիս մերոյ, եւ որք լսեն մեզ եւ գրենն՝ գրեսցի անուն նոցա անջինջ առաջի Աստուծոյ:

Գ Լ Ո Ւ Խ Բ.

ԽԱԻՍՔ ԵՒ ՊԱՏՈՒԷՐ ԳՐՈՑՍ ԱՌ ԱՅՆՈՍԻԿ ՈՐՔ ՀԱՆԴԵՐՁԵԱԼ ԵՆ ՅԱՊԱԳԱՅՆ ԺԱՌԱՆԳԵԼ ԶՍԱ, ԵՒ ՊԱՏԱՍԽԱՆԻ ԺԱՌԱՆԳՈՂԱՅՆ

Յանմատոյց լուսոյ կազմեալ եմ ճանապարհք իմ, եւ ճառագայթարձակ հրաբորբոք ջահիս պայծառացեալ եմ նրբագոյն շաւիղք իմ...: Իսկ յօրն ահագին եւ յատեանն սարսափելի առաջի անաչար դատաւորին՝ դու պսակեացես ոսկեճանճանջ եւ արեգակնափայլ լուսով քո զգլոյս իմ, ամէն:

Գ Լ Ո Ւ Խ Գ.

ՈՒՂԻՂ ԴԱԻԱՆՈՒԹԻՒՆ ՍՈՒՐԲ ԵՐՐՈՐԴՈՒԹԵԱՆՆ

Հաւատով խոստովանիմ զհամագոյ զամենատրք Երրորդութիւնն անբաժանելի, անսկիզբն եւ անվախճան..., մի կամք եւ մի թագաւորութիւն եւ իշխանութիւն, մի մեծութիւն եւ պատիւ, մի ճոխութիւն եւ մի աստուածութիւն՝ փառաւորեալ անլուելի երեքարքեան ձայնի ի հոգեղէն հրեղինացն եւ ի մարմնեղէն հողեղինացս այժմ եւ յանպառ յաիտեանս, ամէն:

Գ Լ Ո Ւ Խ Դ.

ՎԿԱՅՈՒԹԻՒՆՔ ՅԱՂԱԳՍ ՏԵԱՌՆ ՄԵՐՈՅ ՅԻՍՈՒՍԻ ՔՐԻՍՏՈՍԻ, ԵՒ ԵՌԱՆՋՆԵԱՅ ԱՍՏՈՒԱԾՈՒԹԵԱՆՆ, ԵՒ ՄԻ ԲՆՈՒԹԵԱՆՆ

Վկայութիւնք ի մարգարէութեանց
Վկայութիւնք յԱւետարանէն
Վկայութիւնք սուրբ առաքելոցն Յիսուսի Քրիստոսի Աստուծոյ մերոյ
Դիոնեսիոսի Աթենացոյ եպիսկոպոսի վկայութիւնք
Դիոնեսիոսի Աղեքսանդրոսի հայրապետի վկայութիւնք ընդդէմ Սամոսացոյն

Իգնատիոսի Անտիոքոսի եպիսկոպոսի որ եւ Աստուածազգեացն՝ ի թղթէն որ առ Պողիկարպոս

- Նորին՝ յՄփեսացոց թղթէն
- Նորին՝ ի Զմիւռնոյ թղթէն
- Նորին՝ ի թղթէն որ առ քաղաքն Փիլիպպեայ
- Երանոսի հետեւողի առաքելոցն (Լուգդունոյ եպիսկոպոսի)
- Գրիգորի Սքանչեղագործի վկայութիւնք
- Մեղքեստրոսի Հոռմայ հայրապետի վկայութիւնք

Յուրեայ Հոռմայ հայրապետի վկայութիւնք ի թղթէն որ առ Դիոնեսիոս
 Ուիտալայ Հոռմայ հայրապետի վկայութիւնք
 Պետրոսի Հոռմայ հայրապետի վկայութիւնք
 Փելիկեայ Հոռմայ հայրապետի վկայութիւնք
 Ի հարցմանցն Կեղեստիճոսի Հոռմայ հայրապետի եւ Բարսամայի Ան-
 տիոքայ եպիսկոպոսի
 Ոնորայ Հոռմայ հայրապետի
 Աթանասի Աղեքսանդրոս հայրապետի՝ ի թղթէն որ առ Յոբիանոս թա-
 գաւորն
 Նորին՝ ընդդէմ Ապողիմարի
 Նորին՝ ընդդէմ Սամոստացոյն
 Նորին՝ առ Դելփոս (Փիլադելփոս) եպիսկոպոս
 Նորին՝ առ Եպիկտետոն Կորնթացոց եպիսկոպոսն
 Նորին՝ ընդդէմ Արիոսի
 Նորին՝ ի Յայտնութեան ճառէն
 Նորին՝ ի բանն Պետրոսի առաքելոյ

Գ Լ Ո Ւ Խ Ե .

ՎԿԱՅՈՒԹԻՒՆՔ ՅԱՂԱԳՍ ՏԵԱՌՆ ՄԵՐՈՅ ՅԻՍՈՒՍԻ ՔՐԻՍՏՈՍԻ,
 ԵՒ ԵՌԱՆՁՆԵԱՅ ԱՍՏՈՒԱԾՈՒԹԵԱՆՆ, ԵՒ ՄԻ ԲՆՈՒԹԵԱՆՆ
 (Շար.)

Աթանասի Աղեքսանդրոս հայրապետի՝ ի խնդրոյ Եպիկտետոնի Կորնթ-
 թացոց եպիսկոպոսի
 Կիրղի Աղեքսանդրոս հայրապետի՝ ի ժողովն Եփեսոսի ասացեալ ընդ-
 դէմ Նեստորի
 Նորին՝ առ Ղեզէոս քահանայ
 Նորին՝ ի թղթէն որ առ Թէոդոս թագաւորն
 Նորին՝ ի Պարապմանց գրոց
 Նորին՝ ի թղթէն որ առ Ակակ Մեղեսիճոյ եպիսկոպոսն
 Նորին՝ ի Գանձէն
 Նորին՝ յԱւետարանին մեկնութենէն
 Թէոփիլի Աղեքսանդրոս հայրապետի՝ ի թգնւոյն ճառէն:
 Տիմոթէի Աղեքսանդրոս հայրապետի վկայութիւնք
 Պետրոսի վկայի Աղեքսանդրոս հայրապետի
 Դիոսկորոսի Աղեքսանդրոս հայրապետի ի Գանգրայ յաքտրանացն, ի
 գրոցն որ Սեկունդիման
 Սրբոյն Աղեքսանդրի հայրապետի Աղեքսանդրոս
 Կիրղի Երուսաղէմայ հայրապետին
 Յովհաննոս Երուսաղէմայ հայրապետին
 Անտիոքայ երկրորդ ժողովոյն
 Տիտոսի Անտիոքոս հայրապետի
 Երեքթեայ Անտիոքոս Պիսիդայ հայրապետի
 Սեւեռի Անտիոքոս հայրապետի՝ ի Կաթողիկեաց մեկնչէն

Գ Լ Ո Ւ Խ Զ.

ՎԿԱՅՈՒԹԻՒՆՔ ՅԱՂԱԳՍ ՏԵԱՌՆ ՄԵՐՈՅ ՅԻՍՈՒՍԻ ՔՐԻՍՏՈՍԻ,
ԵՒ ԵՌԱՆՋՆԵԱՅ ԱՍՏՈՒԱԾՈՒԹԵԱՆՆ, ԵՒ ՄԻ ԲՆՈՒԹԵԱՆՆ
(Շար.)

Գրիգորի Աստուածաբանի՝ ի թղթէն որ առ Կլեդոնիոս
Նորին՝ յՈրդոյ ճառէն
Նորին՝ ի Զատկին ճառէն
Նորին՝ ի բանէն զոր աւէ վասն գործոցն Քրիստոսի
Բարսղի՝ ընդդէմ երկաբնակացն վկայութիւնք
Նորին՝ ընդդէմ Ապողինարի
Գրիգորի Նիւսացոյ՝ ի Բնութեանց գրոցն որ վասն հոգոյ եւ մարմնոյ
միաւորութեան

Նորին՝ ընդդէմ Եւնոմիոսի
Նորին՝ ի թղթէն որ առ Թէոփիլոս Աղեքսանդրոս հայրապետն
Ի հարցմանցն Բարսղի եւ Գրիգորի
Եփրեմի՝ յԵրրորդութեան ճառէն
Նորին՝ յԱւետարանին մեկնութեանէն
Նորին՝ ի հաւատոյ բանէն

Գ Լ Ո Ւ Խ Է.

ՎԿԱՅՈՒԹԻՒՆՔ ՅԱՂԱԳՍ ՏԵԱՌՆ ՄԵՐՈՅ ՅԻՍՈՒՍԻ ՔՐԻՍՏՈՍԻ,
ԵՒ ԵՌԱՆՋՆԵԱՅ ԱՍՏՈՒԱԾՈՒԹԵԱՆՆ, ԵՒ ՄԻ ԲՆՈՒԹԵԱՆՆ
(Շար.)

Եփրեմի՝ յԱւետարանին մեկնութեանէն
Եպիփանոս՝ յԸ. Սաղմոսին մեկնութեանէն
Նորին՝ ի հաւատոյ բանէն
Նորին՝ ի ԺԵ. Սաղմոսի մեկնութեանէն
Նորին՝ յԱկանց գրոց
Նորին՝ ի հաւատոյ բանէն
Յովհաննոս Ոսկեբերանի՝ ի Արքողական ճառէն որ յաւետիս սուրբ Կու-
սին, զոր ասաց ընդդէմ Արիանոսի
Նորին՝ ի ճառէն որ աղաթեր Յիսուս ի լերինն
Նորին՝ ի Փիլիպպեցոց թղթոյն մեկնութեանէն
Պրոկոլի Կոստանդնուպալսի հայրապետի՝ ի Արքողիկէ Կուսին
Նորին՝ ընդդէմ Նեստորի
Նորին՝ ի Արքողիկէն զոր ասաց յաւետարանիչն Ղուկաս
Ատտիկոսի Կոստանդնուպալսի եպիսկոպոսի
Մարութայ Նիքիերտոյ եպիսկոպոսի, որ է Մուփարկինս
Յակոբայ Սրճոյ եպիսկոպոսի՝ ի ճառէն որ յաստղն եւ ի մոզսն
Նորին՝ ի Յարութեան ճառէն
Հիպպոդիտեայ եպիսկոպոսին
Թէոդորիտայ Անկիրիոյ եպիսկոպոսի վկայութիւնք
Մելիտոնի եպիսկոպոսի՝ ի թղթէն որ առ Եւտրեպիոն
Զենոբայ եպիսկոպոսի
Ապլիփեսի (Ապլիփերոսի, Ապափիհոսի) եպիսկոպոսի եւ մարտիրոսի
Փիլաքսոնի եպիսկոպոսի Արքոք քաղաքի
Փիլաքսոնի Անկառացոյ

Ամփիլոքսոնի եպիսկոպոսի Իկոնացոյ
 Սեբերիանոսի եպիսկոպոսի Գաբաղացոյ
 Ակակայ Մելետինոյ եպիսկոպոսի
 Իսիդորոսի Ելիսոյտացոյ ի Ռ. թղթոցն
 Ապղեայ Քերսոնի եպիսկոպոսի
 Յովսէփայ Արձնոյ եպիսկոպոսի
 Թէոփոնի եպիսկոպոսի Եթովպացոյ
 Մեծին Եղիառննի՝ ի բանէն որ ասէ. Դատաստանք Տեառն անդունդք

բազումք

Պանփիլեայ՝ յառ Սկիութացին ճառէն

Ի թղթէն Առիստիդայ փիլիսոփայի որ առ Մենանդրոս փիլիսոփայ

Ի թղթէն Պռեմպոսի եպիսկոպոսի Կորնթոսի, որ ընդդէմ Սամուսացոյն

թղթոցն

Դակեղայ (Դահեղայ) Եղեսայ եպիսկոպոսի

Մերոնի եպիսկոպոսի եւ մարտիրոսի՝ ի Համբարձման ճառէն

Եմատնի եպիսկոպոսի

Եգէասի մեծ վկային Քրիստոսի

Մեծին Տեղէպրեանոսի

Ռոզփնէի

Ամդիքոսի Իկոնացոյ

Եսեբէ Մուսոյ եպիսկոպոսի

Կիարիանոսի եպիսկոպոսի եւ վկայի Քրիստոսի

Երանելոյն Յովհաննու

Վասն ժողովոյն Քաղկեդոնի

Ի չորեքտասան թղթոցն Ակակայ Կոստանդնուպոլսի հայրապետի եւ Պետրոսի Աղեքսանդրոս հայրապետի, զոր յետ ժողովոյն Քաղկեդոնի գրեցին առ միմեանս

Վասն Սիմէոնի Սիւնակեցին որ յԱնտիոք

Ի հաւատոյ թղթէն Անաստասայ թագաւորին որ յետ ժողովոյն Քաղկեդոնի

Ի հաւատոյ թղթէն Զենոնի թագաւորին որ յետ ժողովոյն Քաղկեդոնի

Եւ արդ հաւաքեցաք յոլով վկայութիւնս յամենայն ազգաց լուսաորչացն բանից որք հաւատոյ սինք էին, որպէս եւ ի սկզբան գրոցս ասացաք:

Դարձեալ եկ, ո՛վ սիրելի, եւ որպէս նախ խոստացաք, հաւաքեցուք բազում վկայութիւնս եւ ի մերոց Հայաստանեայց աստուածաբանակ հայրապետացն եւ ի սրբազան հոգիքնկալ վարդապետացն բանից, որք մաքրափայլ եւ գերիմաստ բանիւ արեգակնաման ջահաբորբոք լուսով հաւատոյ, ուղիղ դասանութեամբ շարադրեցին ճառս բազումս ի մարդեղութիւն Բանին Աստուծոյ ընդդէմ ամենայն հերձուածողացն: Եւ արդ սկիզբն արասցուք կամարք Տեառն ուստի արժան է սկսանել՝ ի հարէն եւ ի լուսաորչէն մերմէ սրբոյն Գրիգորէ աստուածագգեցէ:

Սրբոյն Գրիգորի Հայոց Լուսաորչի վկայութիւնք

Ի հաւատոյ թղթէն Սահակայ եւ Մաշտոցի զոր գրեցցին առ Պրոկղ հայրապետ

Ի հաւատոյ ճառէն Դարթի Հայոց փիլիսոփայի

Ի հաւատոյ ճառէն Մովսէսի Հայոց քերթողահարն

Ի մեծափառ հաւատոյ գրոցն Անանիայի Հայոց վարդապետի
 Գրիգորի Նարեկացոյ Հայոց վարդապետի
 Պետրոսի Հայոց քերթողի
 Պաղոսի Հայոց վարդապետի
 Ի հաւատոյ թղթէն Կոմիտասայ Հայոց կաթողիկոսի
 Խոստովանութիւն Մանազկերտոյ ժողովոյն
 Ի գրոցն որ Կրսանաւոր կոչի ընդդէմ Նեստորի
 Ի հաւատոյ թղթէն Մաթուսա[ղա]յի Սիւնեաց եպիսկոպոսի գոր գրեաց
 հրամանաւ Եգրի Հայոց կաթողիկոսի եւ այլ եպիսկոպոսացն՝ առ Հերակլ ար-
 քայն Յունաց

Ի հաւատոյ թղթէն Սամուէլի Հայոց կաթողիկոսի գոր գրեաց պատաս-
 խանի Թէոդորոսի Մելիտենոյ պատրիարքի

Ի հաւատոյ թղթէն Սամուէլի Հայոց վարդապետի գոր գրեաց ընդդէմ եր-
 կաբնակացն ի խնդրոյ իշխանին որ մականունն Ոսկեձեռն կոչիւր

Ի հաւատոյ թղթէն Տիրանոյ (Տիրաննոյ) Հայոց վարդապետի գոր գրեաց
 առ Սիւնաքերեմ

Ի հաւատոյ թղթէն Սահակայ Հայոց վարդապետի որ առ Փոտ

Ի հաւատոյ թղթէն Խոսրովու Հայոց հռետորի

Եղիշէի Հայոց վարդապետի

Ի հաւատոյ թղթէն Յեսուայ Խորխոռունեաց եպիսկոպոսի

Ի հաւատոյ բանէն Դընայ ժողովոյն

Ի հաւատոյ թղթէն միջնոյ Ներսէսի Հայոց կաթողիկոսի գոր գրեաց ի
 խնդրոյ Մուշեղայ Բագրատունոյ

Ի հաւատոյ թղթէն Յովհաննու Հայոց կաթողիկոսի

Ի հաւատոյ թղթէն Ներշապհոյ Մամիկոնէից եպիսկոպոսի եւ Գրիգորի
 Արծրունեաց եպիսկոպոսի

Ի հաւատոյ թղթէն Ստեփանոսի Սիւնեաց եպիսկոպոսի որ առ Գերմա-
 նու

Նորին՝ յերկրորդ թղթէն գոր գրեաց վասն հաւատոյ, պատասխանի թղթ-
 թոյն Անտիոքայ պատրիարքին

Ի հաւատոյ թղթէն Աբրահամու եպիսկոպոսի

Ի թղթէն Եզնկայ որ առ Մաշտոց

Այլ հաւաքումն բանից՝ ի Հայոց վարդապետաց

Ներսէսի վերջնոյ իմաստասիրի Հայոց կաթողիկոսի

Գ Լ Ո Ւ Խ Ը.

ՎԿԱՅՈՒԹԻՒՆՔ ԸՆԴԴԵՄ ՆՈՑԱ ՈՐՔ ԱՊԱԿԱՆԱՑՈՒ ԱՍԱՑԻՆ
 ԶԱՆԱՊԱԿԱՆ ՄԱՐՄԻՆ ՏԵԱՌՆ ՄԵՐՈՑ ՅԻՍՈՒՄԻ ԲՐԻՍՏՈՍԻ, ԵՒ
 ԱՆԳՈՍՆԵԼԻ ԿԻՐՔ ԵՏՈՒՆ ՆՄԱ ՈՐ Է ԿԵՐԱԿՐՈՑ ԵՒ ԸՄՊԵԼԵԱՑ
 ԱԽՏԱԲԱՐ ՀՈՍՈՒՄՆ

Երանոսի հետեւողի առաքելոցն որ աշակերտ էր Յովհաննու աւետա-
 րանչին

Աթանասի եպիսկոպոսի

Պետրոսի Հռոմայ հայրապետի

Անտիոքու երկրորդ ժողովոյն

Գրիգորի Աստուածաբանի՝ ի զատուցեալ ճառէն

Բարսղի

Յովհաննու Ոսկեբերանի՝ ի ճառէն որ վասն թլփատութեան տեսոն եւ
քառասնարեայ գալստեանն ի տաճարն
Պրոկղի Կոստանդնուպապի եպիսկոպոսի
Կիրոլի Աղեքսանդրու հայրապետի՝ ի Ղուկասու Աւետարանին մեկնու-
թեանն

Նորին՝ ի Ղետականէն
Ապողիմարի՝ յՂետականէն
Եպիփանու Կիպրոսի եպիսկոպոսի
Եփրեմի ծառայի Աստուծոյ
Փիլաքսոնի եպիսկոպոսի Արքոք քաղաքի
Սրբոյն Գրիգորի Հայոց Լուսաւորչի
Ի հաւատոյ թղթէն Հայոց զոր գրեցին միաբան առ Թէոդոս թագաւորն
Ի հաւատոյ թղթէն Միայելի (Միսայելի) եպիսկոպոսի զոր գրեաց պա-
տասխանի հարցմանց քաղկեդոնականացն
Անանիայի Հայոց վարդապետի
Ներսիսի վերջնոյ Հայոց կաթողիկոսի

Եւ եւ ողորմելիս Վարդան որ հաւաքեցի զայս աստուածային եւ լուսա-
փայլ մարգարիտս հաւատոյ մեծաւ ցանկութեամբ յուսոյ եւ սիրոյ, հետեւելով
աստուածազան եւ բարեփառ հարցն ուղիղ դաւանութեան՝

Հաւատով խոստովանիմ անթերի մտաբ գիտմագոյ եւ զամենասուրբ
Երրորդութիւնն անբաժանելի, յամենայնի կատարեալ ... վասն արդարակո-
րով դատաստանին եւ իրաւանցն զոր առնէ, որ է արհմեալ այժմ եւ յանսպառ
յաիտեանսն որ գալոց է:

Արդ մեծաւ հոգաբարձութեամբ եւ ըղձալի սիրով հաւատոյ արարաք հա-
ւաքումն բազում բանից ... ընդդէմ ճոցա, որք ապականացու ասացին զա-
նապական մարմին Աստուծոյ Բանին, եւ անգոսնելի կիրք ետուն նմա:

Գ Լ Ո Ի Խ Թ.

ԱՅԼ ԼՈՒԾՄՈՒՆՔ Ի ՄԵԿՆՉԱՍՅՆ

- Վասն աւորն այնորիկ ոչ որ գիտէ ...
- Ոչ է իմ տալ, այլ որոց տունեալ է ...
- Հայր իմ մեծ է քան զիս ...
- Հայր, եթէ հնար է՝ անցցէ բաժակս ...
- Ոչ է իմ կամքս, այլ քոյդ ...
- Աստուած իմ, Աստուած իմ, ընդէ՛ր թողեր զիս ...
- Որ յաւորս մարմնոյ իւրոյ աղապէր առ այն ...

Եւ արդ՝ հաւաքեցաք յոլով վկայութիւնս յամենայն ազգաց լուսաւորչացն
բանից, որք հաւատոյ սինք էին որպէս եւ ի սկզբան գրոյս ասացաք:

Դարձեալ ե՛կ քաղձալի եւ բե՛ր ի միտս քո, զի խնամակալութեամբ Հոգ-
ւոյն Աստուծոյ հաւաքեսցուք եւ այլ վկայութիւնս, որ կարի եւս պիտանացու
է մերս եկեղեցւոյ կարգաց եւ արհմաց, որք են խորհրդածութիւնք հաւատոյ
յամենայն ազգաց սուրբ առաջնորդաց եւ ի մերոց Հայաստանեայց ...:

Եւ արդ՝ սկիզբն արասցուք ուստի սկսանել արժան է: Նախ վասն

ծննդեանն Տառն եւ մկրտութեանն, եւ վասն սուրբ պատարագին, եւ Խաչեցարին, եւ զելի, եւ մատաղի զատկի եւ անջեցելոց, եւ վասն զատինն՝ զի եկեր Տէրն յերեկոյին հինգշաբաթին, վասն աղի:

Գ Լ Ո Ւ Խ Ժ.

ՎԱՍՆ ԾՐԱԳԱԼՈՒՑԻՆ, ԶԻ ԵՐԵՎՈՒՆՆ ՊԱՐՏ Է ՈՒՏԵԼ

Կիրոյի՝ ի Պարապմանց գրոց, ի Թեոդոսի թղթէն, զի պարտ է ուտել Երեկունն ճրագալոցին

Գ Լ Ո Ւ Խ ԺԱ.

ՎԿԱՅՈՒԹԻՒՆՔ ՎԱՍՆ ԾՆՆԴԵԱՆՆ ՏԵԱՌՆ ԵՒ ՄԿՐՏՈՒԹԵԱՆՆ, ԶԻ ՊԱՐՏ Է Ի ՄԻՈՒՄ ԱՒՈՒՐ ՏԱԻՆԵԼ Ի ՎԵՑՆ ՅՈՒՆՈՒԱՐԻ

Ի Կղեմայ՝ յառաքելաւսման կանոնացն
 Պողիկարպոսի եպիսկոպոսի՝ զոր լուա ի Յովհաննէ
 Մակարայ Երուսաղէմի հայրապետի
 Յովհաննու Երուսաղէմի հայրապետի
 Նեքտառեայ Հռոմայ հայրապետի
 Գրիգորի Աստուածաբանի
 Բարսղի
 Հիպոթոլիտեայ եպիսկոպոսի
 Սեբերիանոսի եպիսկոպոսի՝ ի Ղուկասու Աւետարանին մեկնութենէն
 Ի թղթէն Մելիտոնի եպիսկոպոսի որ առ Ետրեպիոն
 Կիպրիանոսի եպիսկոպոսի
 Մարութայի Նփրկերտոյ եպիսկոպոսի
 Ի Կարնոյ կանոնացն որ եղաւ հրամանաւ Յուստիանոսի արքային
 Վասն Արտեմոնի
 Ի թղթէն Գրիգորի Արծրունեաց եպիսկոպոսի զոր գրեաց յԵրուսաղէմայ
 ի Հայք
 Յովհաննու իմաստասիրի Հայոց կաթողիկոսի
 Ի հարցմանցն Կոմիտասայ Հայոց կաթողիկոսի եւ պատրիարքին
 Ի հաւատոյ թղթէն Ստեփանոսի Միւնեաց եպիսկոպոսի զոր գրեաց պատասխանի թղթոյն Անտիոքայ պատրիարքին
 Ի գրոցն որ կոչի Կրանաւոր
 Անանիայի Հայոց վարդապետի
 Ի հաւատոյ թղթէն Ներսէսի Հայոց կաթողիկոսի որ առ Մանիլ թագաւորն

Գ Լ Ո Ւ Խ ԺԲ.

ՎԿԱՅՈՒԹԻՒՆՔ ԸՆԴԴԷՄ ՆՈՑԱ ՈՐՔ ԱՍԵՆ ԹԷ ՏԵՐՆ ՄԵՐ ԶԳԱՌՆ ՈՉ ԵԿԵՐ ՅԵՐԵՎՈՅԻՆ ՀԻՆԳՇԱԲԱԹԻՆ

Յովհաննու Ոսկեբերանի՝ յԱւետարանին մեկնութենէն
 Նորին՝ ալլուատ
 Զենոբայ եպիսկոպոսի
 Մարութայի Նփրկերտոյ եպիսկոպոսի
 Ներսիսի [վերջնոյ, Հայոց կաթողիկոսի]

Գ Լ Ո Ւ Խ Ժ Գ.

ՎԿԱՅՈՒԹԻՒՆ ԶԻ ՊԱՐՏ Է ԶՍՈՒՐԲ ՊԱՏԱՐԱԳՆ ԱՆԽՄՈՐ ԵՒ
ԱՆԶՈՒՐ ՄԱՏՈՒՑԱՆԵԼ, ԱՆԱՂ ԵՒ ԱՆՁԷԹ

Թաղէնսի առաքելոյ
Մակարայ Երուսաղէմայ հայրապետի
Գրիգորի Աստուածաբանի
Ի չորրորդ գրոցն Լեռնի Հռոմայ հայրապետի
Եփրեմի եւ Զենոբայ
Ամոնկոսի եպիսկոպոսի
Կիպրիանոսի եպիսկոպոսի՝ յՈղորմութեան ճառէն
Կիրդի՝ ի Պարապմանց գրոց
Նորին՝ ի Ղեստականէն
Ի հարցմանցն Կեղեստինոսի Հռոմայ հայրապետի եւ Բարսամայի Ան-
տիոքայ եպիսկոպոսի
Ի Կարնոյ կանոնացն որ եղաւ հրամանաւ Յուսէփանոսի
Ի գրոցն որ կոչի Կրամատր
Յովհաննու Ոսկեբերանի
Յովհաննու իմաստասիրի Հայոց կաթողիկոսի
Ի հաւատոյ թղթէն տեառն Գէորգայ Հայոց կաթողիկոսի որ առ Յովհան-
նէս պատրիարքն Ասորոց
Ի հարցմանցն Կոմիտասայ Հայոց կաթողիկոսի եւ պատրիարքին
Ի հաւատոյ թղթէն Տիրանոյ (Տիրանոյ) Հայոց վարդապետի
Ի հաւատոյ թղթէն Խոսրովու Հայոց հռետորի
Ի հաւատոյ թղթէն Ներսէսի որ առ Մանիլն

Գ Լ Ո Ւ Խ Ժ Գ.

ՎԿԱՅՈՒԹԻՒՆ ԶԻ ՊԱՐՏ Է ԶԽԱԶԵՑԱՐՈՆ ԱՍԵԼ ՅԱՄԵՆԱՅՆ
ԱՒՈՒՐ Ի ԴԷՄՍ ՈՐԴԻՈՅ

Մանուէլի եպիսկոպոսի՝ վասն տանի սուրբ խաչին
Նեքտառեայ Հռոմայ հայրապետին
Բան ի գրոցն Սոկրատայ
Նորին Իգնատիոսի որ եւ Աստուածազգեացն
Կղեմայ Հռոմայ հայրապետի
Ի գրոցն Աւրեղիանոսի Հռոմայ հայրապետին որ Կանոնաց լրմունք կոչի
Ի գրոցն Որոգիմէի որ Զատկաց կոչի
Իսիդորոսի Ելիստացոյ՝ ի Ռ. թղթոցն
Գրիգորի Աստուածաբանի
Մեծին Բարսղի
Եպիփանու Կիպրացոյ
Կիրդի Երուսաղէմայ հայրապետի
Յովհաննու Ոսկեբերանի՝ ի յԵսայուն մեկնութեանէն
Դաւթի Հայոց փիլիսոփայի
Ի հաւատոյ բանէն Դրւնայ ժողովոյն
Ի հաւատոյ թղթէն Ստեփանոսի Սիւնեաց եպիսկոպոսի զոր գրեաց պա-
տախանի Անտիոքայ պատրիարքին

Ի հաւատոյ թղթէն Ներսէսի միջնոյ Հայոց կաթողիկոսի
 Ի հարցմանցն Կոմիտասայ Հայոց կաթողիկոսի եւ պատրիարքին
 Ի հաւատոյ թղթէն Խոսրովու Հայոց հռետորի
 Ի հաւատոյ թղթէն տեառն Գէորգայ Հայոց կաթողիկոսի որ առ պատ-
 րիարքն Ասորոց Յովհաննէս
 Ի հաւատոյ թղթէն Ներսէսի վերջնոյ Հայոց կաթողիկոսի որ առ Մանիլ
 թագաւորն

Գ Լ Ո Ի Խ Ժ Ե.

ՎԿԱՅՈՒԹԻՒՆԻՆՔ ՅԱՍՏՈՒԱԾԱՇՈՒՆՉ ԳՐՈՑ ՎԱՍՆ ՈՒՐԲԱԹԱԶԵԼԻ
 ԶԻ ՍՈՒՏ Է ՅԱՄԵՆԱՅՆԻ

Ի հաւատոյ թղթէն տեառն Գէորգայ Հայոց կաթողիկոսի որ առ պատ-
 րիարքն Ասորոց Յովհաննէս վասն ուրբաթագելի գի սուտ է
 Սեւեռի՝ յԱրարածոց
 Բարսղի՝ յԱրարածոց
 Որոգիմէ
 Դիոնէսիոսի Աղեքսանդրու հայրապետի
 Կիրղի Աղեքսանդրու հայրապետի
 Յովհաննու Ոսկեբերանի՝ յԱրարածոց
 ՅԱրիստոտէլէն վկայ բանիս

Գ Լ Ո Ի Խ Ժ Զ.

ՎԱՍՆ ԶԱՏԿԻ ՄԱՏԱՂԻ, ԶԻ ԲԱՐԻ Է ԵՒ ԶԷ ԽՈՏԱՆ

ՅԱռաքելական երկրորդ կանոնացն զոր գրեաց Կղեմ ամենայն հեթա-
 նոսաց
 Ի Նիկիայ երկրորդ կանոնացն, ընդդէմ ճոցա որ խոտեն զագապս որ է
 մատաղ ննջեցելոց
 Ի Գանգրայ կանոնացն
 Ի Բարսղի կանոնացն
 Մահակայ Պարթեւի
 Հարցումն Աշոտոյ իշխանին վասն մատաղի: Ասէ Մահակ վարդապետն
 Հայոց
 Վասն աղի արհնութեան: Յոստոսի երրորդ եղելոյն եպիսկոպոս յերու-
 սաղէմ զկնի Յակոբայ եւ Ծմաւոնի

Խոստովանութիւն մեղաց եւ խայտառակութիւն անձին ինքնապաժար
 կամաւք եղկելոյս Վարդանայ, եւ որ ասէ՝ յիւր կողմն լսէ Աստուած.

Սկիզբ՝

Ո՛վ դուք ընտրեալք եւ պիտանիք,
 Հարք եւ եղբարք իմ եւ որդիք...

Վերջ՝

Որք զԱստուած Բանըն միշտ արհնենք,
 Զքեզ ընդ նրմին փառաւորենք:

Եւ է սա երկոտասան գիրք գրեալ եւ փոխեալ յառաջին արհնակէն ձե-
 ոամք մեղապարտիս Վարդանայ, եւ առաքեալ պսակ ուղղափառ հաւատոյ

եկեղեցւոյ Հայաստանեայց որպէս եւ այլքն որ յառաջ բան զսա, թողեալ յիշատակ բարի մեզ եւ ծնադասց եւ եղբարց մերոց, եւ ազգի մերոյ: Եւ արդ՝ առ ոռոս ամենեցուն անկեալ պաղատիմ աղերսանաք եւ աղաչեմ, արարէք յիշելոյ արժանի զմեզ զամենեւեան, եւ խնորեցէք թողութիւն մեղաց մերոց յողորմածէն Յիսուսէ Քրիստոսէ Աստուծոյ մերմէ, զի թերեւս ապրեացուք յանձնապատ տանջանացն, որ եւ զձեզ փրկեացէ Աստուած ի մահուանէ, եւ նմա փառք յաիտեանս յաիտենից, ամէն:

Եւ գրեցաւ սա ի Պարվաան, ի ՌԾԸ մերոյ թովիս, ընդ հովանեաւ Սուրբ Աստուածածնիս եւ Սրբոյ Նշանիս, յառաջնորդութեան տեսուն Մանուէլի աղբասնեալ եպիսկոպոսի:

Այս ինչ է կարգեալ յայս աստուածաբնակ տառս.

Ա. Սակաւ բան մեր յիշատակին:

Բ. Եւ պատուէր գրոցս առ ժառանգաւորս իր:

Գ. Եւ ուղիղ դասանութիւն սուրբ Երրորդութեան:

Դ. Եւ բազում վկայութիւնք ընդդէմ երկաբնակացն:

Ե. Եւ բանն զոր ասէ սուրբն Աթանաս թէ՛ Ռ՞ր դժոխք զգայուեցան ասել մի բնութիւն Բանին Հար, եւ մարմնոյն որ ի Մարիամայ:

Զ. Եւ զոր Աստուածաբանն ասէ թէ՛ Բնութիւնք երկուք:

Է. Եւ զոր Եփրեմ ասէ. Թող լիք զնա չարչարել, եւ թէ ի մահու անդ ոչ էր նա ընդ նմա:

Ը. Բանզի յայս երեք բանս զոր այս երեք սուրբքս ասեն, բազումք տկարանան եւ զուղիղն ոչ կարեն իմանալ: Իսկ դու գոցես զսոսա պարզս մեկնեալս յիրաբանչիւր կարգն շնորհաւքն Աստուծոյ, որով իմանաս զճշմարտութիւնն եւ յամալթ առնես զանուպայսն որք անմիտք են:

Ը. Եւ ընդդէմ անցա յոյով վկայութիւնք, որք ապականացու ասացին զանապական մարմին տեսուն մերոյ Յիսուսի Քրիստոսի, եւ անգոսնելի կիրք ետուն նմա այսինքն կարակրոց եւ ըմպելեաց ախտաբար հոսումն: Արդարեւ վայ է անցա:

Թ. Եւ վասն դժուարալուր բաներու. Ո՛չ է իմ տալ, եւ Անցո՛ գրածակս, եւ որք այսպիսիք են:

Ժ. Եւ վասն ճրագալուցին, զի երեկունն պարտ է ուտել:

ԺԱ. Եւ վասն զի պարտ է ի վեցն յունուարի տաւնել ի միում ատոր զծնունդն տեսուն եւ զմկրտութիւնն:

ԺԲ. Եւ զի եկեր Տէր զգաուն յերեկոյին հինգշաբաթին:

ԺԳ. Եւ զի պարտ է զպատարագն անխոր եւ անչոր մատուցանել:


ԺԴ. Եւ զի պարտ է ասել զԽաչեցարն յամենայն ատոր ի դէմս Որդոյ:

ԺԵ. Եւ զի սուտ է որ ուրբայթ զել առնէ:

ԺԶ. Եւ զի բարի է զատկի մատաղ եւ այլ մատաղ զոր առնեն, եւ աղն զոր արհնեն եւ տան անասնոց:

Զայտսիկ գոցես եղեալ վկայութեամբ բազմաւ ամրացեալ, որով խնուս զքերանս հակառակողաց:

Արդ է սա գանձարան Աստուծոյ կենդանոյ լցեալ անբաւ եւ աննառ լուսափայլ հաւատոյ մարգարտով: ...Սա է որ տեսանել տայ մեզ զԱստուած, եւ շրջել համարձակ եւ անամալթ յահագին ատենին, եւ արհնեալ է Քրիստոս դատաւորն արդար:



ԱՍՏՏՈՒՐ ՄՆԱՑԱԿԱՆՅԱՆ

Ո՞վ է ՍԿԵՎՈՒՅԻ 1293 Թ. ՄԱՍՆԱՏՈՒՓԻ ՊԱՏՎԻՐԱՏՈՒ
ԿՈՍՏԱՆԴԻՆ ԵՊԻՍԿՈՊՈՍԸ

Շուրջ մեկուկես դար է, ինչ մասնագետների ուշադրության առարկա է հանդիսանում 1293 թվականին Սկևոսյում կերտված արձաթյա դրվագագարդ և բարձրարվեստ մասնատուփը: Նրանով զբաղվել են Ա. Փափազյանը¹, Ա. Կարիերը², հ. Ղ. Ալիշանը³, Ս. Տ.—Ներսիսյանը⁴ և շատ ուրիշներ: Վերջերս նշված տուփի ուսումնասիրությամբ զբաղվում է ռուս արվեստագետ Ս. Յա. Կակովկինը⁵: Բոլոր հետազոտողներն էլ շատ բարձր են գնահատում Սկևոսյի մասնատուփի գեղարվեստական արժանիքները, ուստի և հետաքրքրությունը նրա նկատմամբ գնալով մեծանում է: Ինչպես կոնստանդնուպոլիսի փաստերը երևան են հանում այդ տուփի հետ կապված ման պատմական խիստ ուշագրավ իրողություններ՝ էլ ավելի մեծացնելով նրա նշանակությունը՝ հայ ժողովրդի և նրա մշակույթի պատմության առումով:

Սկևոսյի մասնատուփին վերաբերող շատ հարցեր արդեն գտել են իրենց ճիշտ մեկնաբանությունները, իսկ շատ հարցեր էլ սպասում են քննության: Ս. Յա. Կակովկինի վերոհիշյալ հետազոտությունների մեջ բարձրացված են նորանոր հարցեր, որոնցից մեկն է այդ տուփի պատվիրատուի ով լինելու հարցը: Տուփի վրա նա 1293 թվականին իրեն հիշել է որպես Սկևոսյի առաջնորդ Կոստանդին եպիսկոպոս: Այդ տուփով առաջին անգամ զբաղվող (և այն փաստորեն հայտնաբերող) Ա. Փափազյանը սկզբում նրան հենց այդպես էլ ճանաչել է: Հետագայում, սակայն, Ա. Կարիերը, հ. Ղ. Ալիշանը և ուրիշներ նրան նույնացրել են կաթողիկոս Կոստանդին Կատուկեցու հետ: Ս. Տ.—Ներսիսյանը նախ պաշտպանել է այս վերջին տեսակետը, ապա՝ առաջինը: Խընդրի քննությանն անհամեմատ հետևողական մոտեցում է ցուցաբերում Ս. Յա. Կակովկինը, գտնելով, որ տուփի պատվիրատուն ոչ մի կապ չունի կաթողիկոսի հետ: Նրան էլ սակայն պակասում են Կոստանդին եպիսկոպոսի կենսագրությանը վերաբերող փաստեր: Իր վերջին հոդվածում, խոսելով կրկին անգամ 1293 թ. մասնատուփի մասին, նա գրում է. «Դժբախտաբար Կոստանդին եպիսկոպոսի վերաբերյալ առայժմ մեզ ոչինչ հայտնի չէ»: Այս հայտարարությունը փաստորեն ոչ միայն Ա. Յա. Կակովկինի, այլև

¹ Պարզեզգիր առ Գեոուացիս. Originale armeno del privilegio accorda to ai Genovesi da Leone III ... Վենետիկ, 1830.

² "Élanges orientaux", Paris, 1883, էջ 169—213.

³ Հ. Ղ. Ալիշան, Սիսուան, Վենետիկ, 1885, էջ 107—112.

⁴ "Revue des Etudes Arméniennes", I, Paris, 1964, էջ 121—134, 143—147.

⁵ "Византийский временник", XXX, 1969, էջ 195—204; Տե՛ս նաև «Լրաբեր», Երևան, 1971, № 11, էջ 84—88, 1972, № 6, էջ 77—84.

⁶ Անդ, էջ 81:

ուրիշների եզրակացությունն է, եթե հաշվի չառնենք Կոստանդին կաթողիկոսի հետ կապված թյուրիմացությունները:

Մեր որոնումներից պարզվում է, որ վերոհիշյալ մասնագետների ուշադրությունից վրիպել են մեզ հետաքրքրող Կոստանդին եպիսկոպոսի պատվերով գրված և մեր ժամանակները հասած չորս ձեռագրեր, որոնց մեջ պահպանված են ուշագրավ տեղեկություններ Կոստանդին եպիսկոպոսի մասին: Այդ ձեռագրերն են.

Ա. «Մաշոց», ընդօրինակված 1299 թ., այժմ գտնվում է Երուսաղեմի ս. Հակոբյանց վանքի մատենադարանում (№ 454)⁷:

Բ. «Յայսմատոք», ընդօրինակված 1311 թ., այժմ գտնվում է Կիպրոսում (Նիկոզիայի հայոց առաջնորդարան, № 9)⁸:

Գ. «Մաշտոց», ընդօրինակված 1314 թ., այժմ գտնվում է Մաշտոցի անվան Մատենադարանում (№ 2787)⁹:

Դ. «Հին կտակարան» (մատուց), ընդօրինակված 1314 թ., գտնվելիս է եղել Կոտուց անապատում. այժմ համարվում է կորած¹⁰:

Իր հերթին նշված ձեռագրերի նկարագրությամբ և նրանց հիշատակարանների հրատարակությամբ զբաղված հեղինակների ուշադրությունից բոլորովին դուրս է գտնվել այդ ձեռագրերի պատվիրատու և Սկևռայի մասնատուի պատվիրատու Կոստանդին եպիսկոպոսների առնչության և նույնության հարցը:

Ս. Տ.-Ներսիսյանի, Ա. Յա. Կակովկիսի և ուրիշների տեսադաշտից վրիպել են նաև մի քանի ուսումնասիրություններ, առանձին դիտողություններ, որոնցից ուշագրավ է, օրինակ, Ն. Ակինյանի մի հոդվածաշարը՝ նվիրված 1287—1289, 1307—1326, 1372—1380 թվականներին Կիլիկիայում պաշտոնավարած չորս Կոստանդին կաթողիկոսներին¹¹: Այդտեղ նա, հավելվածի կարգով, անդրադառնում է նաև երկու համանուն ե-

պիսկոպոսների, որոնցից մեկին նույնացնում է Սկևռայի մասնատուի պատվիրատուի հետ: Նա նույնիսկ անհարկի է համարում հերքել նրան՝ Կոստանդին եպիսկոպոսի հետ նույնացնելու փորձերը: Եվ նա իրավացի է, որովհետև ծանոթ է եղել վերևում հիշված չորս ձեռագրերից 2-ին (1, 2): Վերջիններիս օգնությամբ Ն. Ակինյանին հաջողվում է պարզել Սկևռայի մասնատուի պատվիրատու Կոստանդինի մականունը (Պեհեսեցի) և հարազատների անունները: Այդուամենայնիվ, Ն. Ակինյանն էլ իր հերթին է խճողում խնդիրը՝ այդ Կոստանդինին, առանց հիմքի, նույնացնելով մերթ քանաւտեղծ Կոստանդին Սրիկի, մերթ «Մարանդունեաց» գավառի համանուն եպիսկոպոսի, մերթ էլ ուրիշի հետ:

Հետագայում քննվող հարցին թեթևակի անդրադարձել է Հ. Ոսկյանը¹²: Չնայած նա ձեռքի տակ ունեցել է Ն. Ակինյանի հոդվածաշարը, սակայն նորից է Կոստանդին եպիսկոպոսին շփոթում Կոստանդին կաթողիկոսի հետ, վերջինիս էլ երբեմն կոչելով Պեհեսեցի, որը միանգամայն սխալ է:

Ինչպես տեսնում ենք, Կոստանդին եպիսկոպոսի ով լինելու խնդիրը փաստորեն ավելի է խճողված, քան ներկայացվում է վերջին տարիներում տպագրված հոդվածներում:

Քննելով մեզ հայտնի բոլոր փաստերը, գալիս ենք այն համոզման, որ Սկևռայի մասնատուի պատվիրատուին ճանաչելու համար, պիտի բոլորովին շրջանցվեն այս կամ այն գործիչի հետ նրան նույնացնելու փորձերը: Միակ ճիշտ ճանապարհը ցույց են տալիս Սկևռայի մասնատուի վրա եղած արձանագրությունները, ապա՝ վերևում հիշատակված չորս ձեռագրերի հիշատակարանները, որոնց բոլորի պատվիրատուն կոչվում է Սկևռայի առաջնորդ Կոստանդին եպիսկոպոս¹³: Այս կապակցությամբ անհրա-

¹² Հ. Ոսկյան, Կիլիկիայի վանքերը, 1957, էջ 11, 25:

¹³ Վերջերս ոռու մասնագետ Վ. Ֆուցկուն ուշադրություն հրավիրեց Ն. Պ. Կոնդակովի մի մեծարժեք դիտողության վրա՝ կապված մասնատուի հետ, որը նույնպես վրիպել է մասնագետների տեսադաշտից («Պատմա-քանասիրական հանդես», 1972, № 2, էջ 275):

¹⁴ Հավանաբար նույն Կոստանդին եպիսկոպոսի անվան հետ է կապվում նաև մի Ավետարան, որի մասին Մ. եպս. Աղավունցին գրել է. «Կոստանդին եպս. Սկևռայ.—ՄՁ թ. 532 ձեռագիրը ունի հետևյալ հիշատակարանը. «Աստուած ոլորմի Կոստանդին Սկևռայ եպս.-ին, և յիր հոգևոր և մարմնատր ծնողացն և հաւասար ննջեցելոցն, որ ունի յիշատակ ս. Աթոռս մէկ մագաղաթ ս. Աւետարան արծաթապատ»: Այդ ձեռագրի (№ 532) մասին մանրամասն տեղե-

⁷ Ն. եպս. Պողարյան, Մայր ցուցակ ձեռագրաց սրբոց Յակոբեանց, Բ, Երուսաղեմ, 1967, էջ 421—432:

⁸ Բակուրյան, Կիպրոս կղզի, Նիկոզիա, 1903, էջ 107. տե՛ս նաև էջ 58:

⁹ Ե. Լալայան, Ցուցակ հայերեն ձեռագրաց Վասպուրականի, Ա, Թիֆլիս, 1915, էջ 50—62:

¹⁰ Այս ձեռագրերից 3-ի (2, 3, 4) հիշատակարանները գետնից են Լ. Ս. Խաչիկյանի կազմած «ԺՊ դարի հայերեն ձեռագրերի հիշատակարաններ» ժողովածուում (Երևան, 1950, էջ 76—77, 106—108. տե՛ս նաև էջ 706: Այստեղ թյուրիմացաբար նույն Կոստանդին եպիսկոպոսը դիտված է որպես երկու անձնավորություն, մեկ որպես գրիչ, մեկ՝ պատվիրատու):

¹¹ «Աստիք» (ամսագիր), Բելյուր, 1940—1941:

մեշտություն է զգացվում փաստարկել ամենից առաջ մատնացույց արված ձեռագրերի պատվիրատուի նույնությունը, մանավանդ որ այս գործը կատարվում է առաջին անգամ:

Որ վերևում հիշված չորս ձեռագրերն էլ միևնույն Կոստանդին եպիսկոպոսի և Սկևուայի միևնույն առաջնորդի պատվերով են ընդօրինակվել, այս առումով ամենապերճախոս վկայությունը այդ ձեռագրերի պատվիրատուի՝ Կոստանդին եպիսկոպոսի հարազատների անունների հիշատակությունն է: Բոլորի մեջ էլ նրա մայրը կոչվում է Ալվյոր տիկին, հայրը՝ Վասիլ, քեռին՝ Հովհաննես Կարմիր վանեցի և այլն: Այսպես, Ա) **ձեռագրում կարդում ենք.** «Ես նուստս յոքունց Կոստանդին... երբեմն եպիսկոպոս Բերսուն... այժմ առաջնորդ Սկևուայի... հանգուցեալ քեռին իմ Յոհաննես Կարմիր վանեցի... մայրիկըն իմ Աղուոր տիկին... զհայրն իմ Վասիլ և զարեամբ նահատակեալ եղբայրն իմ Սարգիս... մեծ մայրն իմ զՊահր և զմիս մեծ մայրն զՆուկեցաղ: Ես ես զսննդակից եղբայրուկն իմ ես լերդակից որդեակն զՍտեփանոս վանական, որ արեամբ նահատակեցաւ...»: Բ) **ձեռագրում կարդում ենք.** «ԳԿոստանդին եպիսկոպոս... քեռին իմ զՅոհաննես Կարմիրվանցի ես զքաղցրիկ մայրն իմ զԱղուորտիկին... զհայրն իմ զՎասիլ... եղբայրն իմ զՍարգիս, որ... խողխողեալ եղև յանաւրիմաց...»: Գ) **ձեռագրում կարդում ենք.** «Ես Կոստանդին եպիսկոպոս Պե-

կություններ են տրված Ն. եպս. Պողարյանի կազմած ձեռագրացուցակի Դ հատորում, ուր սակայն Կոստանդին եպիսկոպոսին վերաբերող տողերը չկան: Հավանաբար դրանք վրիպել են Ն. Պողարյանի ուշադրությունից և չեն ընդօրինակվել: Ինչ վերաբերում է № 532 ձեռագրում հիշված Կոստանդին եպիսկոպոսի՝ Երուսաղեմի հայ միաբանությանը նկրկված Ավետարանին, այդ մասին լրացուցիչ տեղեկություններ չգտանք: Մ. եպս. Աղավունին նույնպես հակված է հետևելու Ա. Կարիերին և հ. Ղ. Աիշանին՝ Կոստանդին եպիսկոպոսին՝ Կատուկեցու (Պրոնագործ) կամ համանուն Լամբրոնացու հետ նույնացնելու առումով («Միաբանք և այցելութ հայ Երուսաղեմի», Երուսաղեմ, 1929, էջ 213—214): Ն. Ալիևյանը նույնպես ծանոթ է այս տեղեկությանը, բայց նա նրբված Ավետարանը վերագրում է Կոստանդին եպիսկոպոսին («Աւետիք», 1941): Մեզ համար անորոշ է այն հարցը, թե այդ Ավետարանը ստեղծվել է Կոստանդին եպիսկոպոսի՝ ջանքերով, թե՞ հին Ավետարան է եղել և նրա կողմից նկրվել է Երուսաղեմին: Հավանաբար նա ինքն է գրել տվել և նկրել այդ ձեռագիրը Երուսաղեմին: Այսպիսով միաժամանակ ունենում ենք հիմք մտածելու, որ Կոստանդին եպիսկոպոսը եղել է նաև Երուսաղեմում. բայց թե ե՞րբ և ինչքա՞ն ժամանակով, մնում է պարզելու:

հետևցի... առաջնորդ... Սկևուայի... ետու գրել ... յիշատակ ինձ և իմոցն ծնողաց և երախտաւոր քեռոյն իմոյ Յոհաննես քահանայի, որ մականուն Կարմիրվանցի կոչի, և քաղցրիկ մարն իմոյ Աղուորտիկնայ և հարն իմոյ Վասիլ, արեամբ նահատակեալ հարազատ եղբարն իմոյ Սարգիս և որդոյ իրոյ Աւշնի և մեծ մարն իմոյ Պահրի...» և այլն: Դ) **ձեռագրում կարդում ենք.** «Ես Կոստանդին եպիսկոպոս Պահեսնացի... առաջնորդ... Սկևուայի... քեռին իմ զՅոհաննես քահանայն Կարմիրվանցին, և զհայրն իմ Վասիլ, և զքաղցրիկ մայրն զԱղուորտիկին, և զարեամբ նահատակեալ հարազատ եղբայրն իմ զՍարգիս, և զորդին իր Աւշին, և մեծ մայրն իմ Պահրի...»:

Այստեղից միանգամայն պարզ է, որ նրբված չորս ձեռագրերի մեջ առկա Կոստանդին եպիսկոպոսը միևնույն անձնավորությունն է: Բայց արդյոք կարելի՞ է նրան նույնացնել Սկևուայի տուփի պատվիրատուի հետ՝ ինչպես արել է Ն. Ալիևյանը՝ 2 ձեռագրի հիման վրա: Չնայած մենք ևս չենք տարակուսում այդ հարցում, սակայն նպատակահարմար ենք գտնում տալ որոշ բացատրություններ:

հանն այն է, որ մասնատույին ստեղծվել է 1293 թվականին, իսկ ձեռագրերը՝ 1299—1314 թվականներին: Արդյոք նույն Կոստանդինն է եղել Սկևուայի առաջնորդն՝ այդ ամբողջ ընթացքում, թե 1293—1299 թվականների ընթացքում նրան փոխարինել է մի ուրիշ համանուն եպիսկոպոս: Այս հարցին հեշտությամբ կարելի էր պատասխանել, եթե մասնատույին արձանագրությունների մեջ ևս պատվիրատուն հիշատակած լիներ իր հարազատների անունները: Բայց նա, այդտեղ տեղի սղության պատճառով, սահմանափակվել է հետևյալ սեղմ ու ընդհանուր տողերով.

Ես ինձ նշան բարոյ յիշման, Նայել իմոցն, որ զիս ծնան Ես բնաւ ազգիս լրութեան...

Ուստի մնում է որոնել ուրիշ փաստեր: Այս տեսակետից կարևոր են այդ երկու գործիչների կենսագրության որոշ մանրամասնությունները: Թե՛ մեկը և թե՛ մյուսը սերտորեն կապվում են Հռոմիկայի հետ որպես այնտեղի սաներ, եպիսկոպոսներ, որտեղից էլ հետո մեկնել են Սկևուա: Նախ ծանոթանանք մասնատույին վկայություններին, ուր Կոստանդին եպիսկոպոսը խոսում է իր Հոռուկլայում սովորած լինելու, այնտեղ եպիսկոպոսության գավազան և պաշտոն ստացած լինելու և Հեթում Երկրորդի թագավորության սկզբնական շրջանում այնտեղից Սկևուա տեղափոխված լինելու մասին.

Ես Կոստանդին անձն տարտամ...
 Մենայ եմ Կլայն Հոռմվայական...
 Որ և ի վեր քան զիմն արժան
 Հատարացա ինձ աստիճան
 Նստել յաթոռ այցելութեան՝
 Գառազանառս հովակյան:
 Արդ, ըստ աստուածեան յաջողման,
 Ի դէպ ժամու և պատահման
 Քարոյն Հեթոմյ արքայութեան,
 Որ գիտնական և սրբազան,
 Եղէ յաթոռ վսեմական
 Սկեռա վանացս ի հովութեան.
 Եղայ տեսուչ այն մեծի տան...

Այստեղից երևում է, որ Կոստանդին եպիսկոպոսը Սկեռա է տեղափոխվել 1298 թվականից առաջ, երբ ժամանակի ընթացքը խաղաղ ու հաջող է եղել: Իսկ դա էլ ենթադրում է առնվազն 1292 թվականից որոշ ժամանակ առաջ, որովհետև այդ թվականի ամռանը տեղի ունեցավ մեծ աղետ. եգիպտական մամլուկները գրավեցին Հոռմվայան: Ուստի հենց այս պարագան նկատի առնելով է, որ Կոստանդին եպիսկոպոսն իր Սկեռա գալու մասին խոսելով, հանկարծ փոխում է դեպքերի նկարագրության ուրախ եղանակը և տխրությամբ շարունակում.

Այլ երանի, թե աստ վախճան
 Առնոյր գրոյցս պատմութեան.
 Ավա՛ղ մեծի թշուառութեան
 Բոլոր ազինս հայկական.
 Ամա յառաջ քան զթուական
 Առեալ եղև Հոռմվայան...

Որ այդ աղետի ժամանակ, այսինքն, 1292 թվականի ամռանը նա այլևս Հոռմվայում չի գտնվել, այլ Սկեռայում, դա երևում է նաև նրա հաջորդ տողերից, ուր նա խոսում է Հոռմվայում գտնվողներին գերի տանելու մասին.

Սուրբ հայրապետն և որք՝ նորայն
 Գերեալք յաշխարհն Տաճկաստան...
 կամ՝
 Նստեալքն երբեմն անդ բնական
 Եղեն վարեալք ի գերութեան...

Եթե ինքն էլ գերվածների մեջ եղած լինեք, ապա այդպես չէր գրի, այլ իրեն էլ կհիշեր գերվածների թվում. ամբողջ հիշատակարանից երևում է, որ նա այդ օրերին նստած Սկեռայում ողբացել է Հոռմվայի անկումը.

Վա՛յ և աա՛ղ հագար բերան...
 Նստիմ ի սուգ նջսեմական:
 Այլ գեթեղեալ իմ ի Սկեռայն
 Ստիպեաց փափաք զիս ցանկութեան
 Դնել զայս մասունս ի հանգստեան
 Եր ի սիտիանս այս տրտմութեան...

Ուշագրավ է նաև այն ջերմ սերը, այրող կարոտը, որ նա տածել է Հոռմվայի նկատմամբ, ոչ միայն որպես հոգևորական, այլև որպես Հոռմվայի հոգևոր զավակ ու հայրենասեր քաղաքացի: Վերոհիշյալ տողերից ու ողջ հիշատակարանից ցուանում է այդ սերն ու կարոտը, վիշտն ու մոխրոքը: Ստեղծված մասնատուրին էլ ամբողջապես այդ սպրտմների հանճարեղ արտահայտությունն է: Իրավացի է Ա. Յա. Կակովկինը, երբ գրում է, թե Սկեռայի մասնատուրը նվիրված է եղել Հոռմվայի միջնաբերդը պաշտպանող զոհերի հիշատակին¹⁴: Այդ տուրիի զարդապատկերներն ավելին են հուշում: Վարդան Մամիկոնյանի սուկայությունն այդտեղ, ինչպես և նրա ու Պողոս սուսբայի կերպարների մերկացրած սրերով պատկերելը ոչ այլ ինչ է, քան ընկած Հոռմվայի ազատագրության մարտակոչ:

Ծանոթանալով վերևում հիշված չորս ձեռագրերի պատվիրատու Կոստանդին եպիսկոպոսի հիշատակարաններին, տեսնում ենք, որ նա էլ է կապված Հոռմվայի հետ և՛ կենսագրական համապատասխան տվյալներով, և՛ սիրտ մղկտացնող հուշերով: Նա էլ է իր եպիսկոպոսական գավազանն ու պաշտոնն ստացել Հոռմվայում և ապա այնտեղից տեղափոխվել Սկեռա: Պարզ է, որ այդ բոլորը պիտի տեղի ունեցած լինեին նախքան Հոռմվայի անկումը, որովհետև այդ աղետից հետո նա չէր կարող ոչ ձեռնադրվել այնտեղ և ոչ էլ պաշտոնավարել: Ուստի չի կարելի պատկերացնել, թե նույն թվականներին Հոռմվայից Սկեռա մեկնեցին երկու առաջնորդներ՝ նույն կենսագրական տվյալներով: Դիմենք այդ փաստերին:

Մաշտոցի անվան Մատենադարանում գտնվող № 2787 ձեռագրի (Գ) հիշատակարանում Կոստանդին եպիսկոպոսը խընդրում է հիշել «նաև միս սիրելի ձեռնասնունող հոգևոր որդեկի իմոյ արեամբ չափ նահատակելոյ ընդ իս ի Հոռմվայն և ի Պեհեսնի, Ստեփանոս քահանայ, նա և ի սուրբ ուխտիս արեամբ նահատակեցա յանարիկաց ի սպասարոթութեան սուրբ եկեղեցոյս...»:

Այստեղից պարզ երևում է, որ ինքը և իր հոգեզավակ Ստեփանոս քահանան միասին աշխատել են Հոռմվայում և Պեհեսնում:

Պեհեսնը և Քերսանը (Քեսուն), որ հիշվեց վերևում, գտնվում էին Հոռմվայից ոչ հեռու: Ինչպես երևում է, 1292 թվականի աղետից և Սկեռա տեղափոխվելուց առաջ Կոստանդին եպիսկոպոսը պաշտոնավարել է նաև այդ տեղերում: 1292 թվականից հետո նա այլևս այնտեղ և հատկապես Հոռմվայում ու Պեհեսնում չէր կարող լինել, որով-

¹⁴ «Լրաբեր», 1971, № 11, էջ 84:

հետև Հոռոմկլայի անկումից շատ չանցած Հեթոմ թագավորը Մելիք Աշրաֆին հանձնեց նաև այդ վարերը՝ խաղաղություն ձեռք բերելու նպատակով: Հեթոմ պատմիչը, խոսելով 1292 թվականի դեպքերի մասին, գրում է. «Աշրաֆն էա... զՀոռոմկլայն... ես ետուն սուլտանն տրտվութամբ զԾագն, զԱլայնէս, և վասն սիրոյ ետ թագաորն Հայոց Հեթոմ զանմատչելի որդեակն Պեհեսն»¹⁵:

Եվ եթե Կոստանդին եպիսկոպոսն իրեն երբեմն կոչում է Պեհեսնցի, ապա դա կապված է 1292 թվականից առաջ եղած տարիների հետ: Ինչպես երևում է, Կոստանդին եպիսկոպոսի հետ միասին Սկևոս է տեղափոխվել նաև վերոհիշյալ Ստեփանոս քահանան, որը նրա սպասավորն է եղել «ի Հոռոմկլայն և ի Պեհեսնի»: Սկևոսի մոտ գտնվել է ս. Սիմեոնը անունով գյուղ, որտեղ ապրել է այդ Ստեփանոսը և ուր էլ նահատակվել է նա մահմեդականների ձեռքով: Մաշտոցի անվան Մատենադարանի նշված № 2787 ձեռագիրը գրված է եղել հենց այդ ս. Սիմեոն գյուղի եկեղեցու համար:

Պարզվում է, որ Հոռոմկլայի աղետը Կոստանդին եպիսկոպոսի համար առավել ծանր է եղել նաև այն պատճառով, որ նրա հարսգատ եղբայրը՝ Սարգիսը, եղել է բերդաքաղաքի պաշտպանների թվում և ընկել այնտեղ: Այդ անմոռանալի կսկիծը նրան ողնեցել է մինչև 1314 թվականի հիշատակարանները, խնդրել տալով հիշել «արեսմբ նահատակեալ հարսգատ եղբարն իմոյ Սարգիս»:

Կիպրոսում գտնված վերոհիշյալ ձեռագրի (1311 թ.) հիշատակարանն այս առումով ավելի քան պերճախոս է: Այդտեղից իմանում ենք, որ Կոստանդին եպիսկոպոսն ունեցած է եղել նաև Հակոբ անունով հոգևոր զավակ, որը նույնպես նահատակվել է Հոռոմկլայի պաշտպանության ժամանակ: Այդ մասին խոսում է ձեռագրի գրիչը. «...նախասացեալ տէր Կոստանդնեայ և լերդակից որդեկին իւր նորին Յակոբայ, որ իբրև զմի մարմին բանական լերկուց առ ի մի կերպարան... միաշունչք և միակրանք... վասնզի Յակոբայ միակն գոլ, զոր հարեալ եղև մինն նետի յանարինաց ի մերն Հոռոմայական կլայն, զոր պաշարեաց Մելիք Աշրաֆն...»:

Նկատենք, որ այս հիշատակարանն ամփոփող «Յայսմաուրք»-ը գրվել է նահատակ Հակոբ քահանայի ավագ եղբոր՝ Ստեփանոսի համար, ուր հիշատակի խոսք է ա-

ված նաև Հակոբ քահանայի ծնողների՝ Սարգսի և Միլամ խաթունի մասին:

Այսպիսով համոզվում ենք, որ իրոք Սկևոսի 1293 թվականի տուփի պատվիրատու Սկևոսի առաջնորդ Կոստանդին եպիսկոպոսը և վերևում հիշված, 1299—1314 թվականներին ընդօրինակված չորս ձեռագրերի պատվիրատու, Սկևոսի առաջնորդ Կոստանդին եպիսկոպոսը նույն անձնավորությունն է: Նա կրթվել և եպիսկոպոսական աստիճան է ստացել Հոռոմկլայում, ապա աշխատել է որպես առաջնորդ Պեհեսն-Քեսունում և 1292 թվականին կամ դրանից քիչ առաջ, բայց ոչ ավելի վաղ, քան Հեթոմ երկրորդի գահակալությունը, տեղափոխվել Սկևոս՝ առաջնորդի պաշտոնով: Նշված ձեռագրերը պարզում են նրա ծնողների, եղբոր, եղբորորդու, տատերի, ինչպես նաև հոգևոր զավակների, սպասավոր-գործակիցների անունները: Պարզվում են նաև ուրիշ մանրամասներ, որոնց կանոնադատմանը ստորև:

Ըստ վերոհիշյալ ձեռագրերի հիշատակարանների՝ Կոստանդին եպիսկոպոսն Սկևոսում պաշտոնավարել է մինչև 1314 թվականը, որից հետո նրա մասին մենք ոչ մի տեղեկություն չունենք: Արդ, եթե ընդունենք, որ նա Սկևոս է տեղափոխվել 1292 թվականին, ապա նրա պաշտոնավարության մեզ հայտնի ժամանակը կկազմի 22 տարի:

Փաստերը միաժամանակ ցույց են տալիս, որ Կոստանդին եպիսկոպոսն այդ 22 տարվա ընթացքում անընդմեջ չէ, որ գտնվել է Սկևոսում: Ավելին, պարզվում է, որ նա հայածվել է՝ ենթարկվելով մերթ քանտի ու աքորի, մերթ էլ թափառական կյանքի: Ծանոթանանք այդ փաստերին, որոնք առաջին անգամ են արժանանում քննության:

1311 թվականին ընդօրինակված վերոհիշյալ «Յայսմաուրք» ժողովածուի հիշատակարանի սկզբի մասը գրչինն է, որը, բնականաբար, ինչպես մյուս երեք ձեռագրերի գրիչները, երրորդ դեմքով է խոսում Կոստանդին եպիսկոպոսի մասին¹⁶: Ահա գրչին պատկանող այդ տողերից («նախասացեալ

¹⁵ Հեթոմ պատմիչ թագարաց, Վեներիկ, 1842, էջ 85. «տրտվութամբ» բառի հիմքում ընկած է ժողովրդական «տուրը տալ» (կորցածից հետո մի քան էլ անտեղի կորցնել, կամովին գրկվել) հասկացությունը:

¹⁶ Այս ձեռագրի հիշատակարանը ցարդ շրջանառության մեջ էր Բակուրանի վերոհիշյալ գրքույկից («Կիպրոս կղզի»), ուր այն սկզբից թերի լինելով, հիմք է տվել շփոթելու այդ ձեռագրի պատվիրատուին գրչի հետ: Այժմ Ն. Ակիբյանի նշված հոդվածաշարից (1941, էջ 60—61) ծանոթանում ենք նաև հիշատակարանի սկզբի մասին, որն օգնում է տարբերելու այդ ձեռագրերի գրչի հիշատակարանը՝ պատվիրատուի (Կոստանդին եպիսկոպոս) հիշատակարանից: Տեղեկանում ենք նաև, որ այդ ձեռագիրը Նիկոզիայի հայոց առաջնորդարանում է և պահվում է 9 համարի տակ:

արքեպիսկոպոս տէր Կոստանդէայ...» և այլն), երևում է, որ դրանից առաջ նախապէս արդէն խոսվել է Կոստանդին եպիսկոպոսի և նրա հարազատների մասին: Ըստ այդմ էլ, շարունակության մեջ նրանք հիշվում են անորոշաբար. «Ադո եղև աարտումն... Միս... վասնզի ոչ գոյր սոցա տեղի անդորելոյ ի մի վայր, գրեալ եղև մաս ինչ ի Միս և մասն ինչ ի Շոխաթն, որ է վանք Սարոց ազգին, ընդ հովանեա սուրբ Աստուածածնին, և մասն ինչ ի սուրբ ուխտն Չորոյ կոչեցեալ վանք...»: Քանի որ «սոցայ»-ից առաջ հիշված է Կոստանդին եպիսկոպոսը, ուստի խոսքը պիտի վերաբերի նրա և նրա հարազատների աստանդական կյանքին: Այս տեսակետից ուշագրավ է Կոստանդին եպիսկոպոսի խնդրանքը՝ հիշել «...զարեամբ նահատակեալ հալածաւտ եղբայրն իմ զՍարգիս, որ մինչդեռ մանուկն էր տիրաւք՝ խողխողեալ եղև լանարինաց, և զԱշին, որդի նորին, որ լանցեալ ամի հանգեալ խաղաղութեամբ ի Քրիստոս, և է ի պահեստի ի սուրբ ուխտն Շոխաթն...»: Այստեղից երևում է, որ թափառական կյանք էր վարում նաև Կոստանդին եպիսկոպոսի նահատակված Սարգիս եղբոր որբ զավակը՝ Օշինը, որը մեռել և թաղվել է ասորական Շոխաթում՝ նախորդ տարին: Ուստի թափառական, անհանգիստ կյանքի մասին եղաւ խոսքն, իրոք, վերաբերում է Կոստանդին կաթողիկոսին և նրա հարազատներին: Եվ քանի որ խոսքը 1310—1311 թվականների մասին է, իսկ մյուս ձեռագրերից պարզվում է, որ Կոստանդին եպիսկոպոսը 1299 և 1314 թվականներին եղել է Սկևռայում, ուստի նրա կրած հալածանքը պիտի որոնել 1299—1314 թվականների միջև և ոչ թե 1299-ից առաջ:

Ունենք մի ուրիշ, առավել որոշակի վկայություն Կոստանդին եպիսկոպոսի կրած հալածանքի մասին: Դա վկայված է 1314 թվականին ընդօրինակված ձեռագրերում: Դրանցից առաջինը (Մաշտոցի անվան Մատենադարանի № 2787 ձեռագիրը) հալորդում է, որ «Կոստանդին... առաջնորդ... Սկևռայի» խնդրում է հիշել՝ «նաև երախտաւոր սպասաւորին իմոյ՝ Յակոբայ քահանայի, որ մահու չափ նահատակեցաւ ընդ իս՝ ի բանդ և ի կապանս, ի ծովու և ի ցամաքի, նաև չորս ամառ յատարութեան պանդխտանալ յաշխարհին ֆռանկաց, և երկու ամառ յառաջ քան զգրել սուրբ գրոցս (այսինքն, 1312 թ.) փոխեցաւ ի Քրիստոս...»: Նույն տողերին հանդիպում ենք նաև մյուս ձեռագրի («Հին կտակարան») ընդօրինակության մեջ, ուր նա խնդրում է հիշել «այլև զձեռնասուն որդեակն զՅակոբ քահանայ, որ մահու չափ նահատակեցաւ ընդ իս ի

բանտ և ի կապանս, ի ծովու և ի ցամաքի և Դ ամառ յատարութիւն պանդխտակից՝ աշխարհն ֆռանկաց և Բ ամառ յառաջ, քան զգրել սուրբ գրոցս (այսինքն, 1312 թ.) փոխեցաւ ի Քրիստոս...»: Այստեղից արդէն ավելի որոշակի է դառնում, որ Կոստանդին եպիսկոպոսի հալածանքներն սկսվել են 1299-ից հետո և ավարտվել 1311 թվականին: Քանի որ 1311 թվականին նա դեռևս հալածանքի մեջ էր, ուստի հենց այդ ժամանակներին էլ նա պիտի Հակոբ քահանայի հետ վերադարձած լիներ բանտ ու աքսորից և ֆռանկաց երկրում կրած քառամյա պանդխտությունից: 1311 թվականի ձեռագրում նշված «սոցայ» բառի տակ այժմ վստահ կարող ենք նկատի ունենալ նաև վերոհիշյալ Հակոբ քահանային, որը Կոստանդին եպիսկոպոսի հետ է եղել ողջ հալածանքի ընթացքում և մեռել 1312 թվականին: 1314 թվականի հիշատակարաններն օգնում են համոզվելու, որ 1312 թվականին նրանք արդէն Սկևռայումն են եղել, որ միասին զբաղված են եղել շինարարությամբ: Այսպես, № 2787 ձեռագրում հիշելով Հակոբ քահանայի մահը (1312 թ.), Կոստանդին եպիսկոպոսը նրա մասին այսպես է գրում. «...փոխեցաւ ի Քրիստոս, վասնզի սիրալորդոր փութոյ պըրճիս և յաւժար կամաք աշխատելոյ ի վերայ կացութեան շինութեան պրճիս և եթող ինձ մեծ և անմխիթար սուգ»: Նույնպիսի վկայություն կա նաև մյուս ձեռագրում. «Փոխեցաւ ի Քրիստոս վասն սիրալորդոր փութոյ տաճարիս և յաւժար կամաք աշխատելոյ ի վերակացութիւն շինութեան տաճարիս, հիշատակ նորա արհնութեամբ եղիցի...»:

Նրանք Սկևռայում այդ ժամանակ կառուցում էին հավանաբար բերդ (պուրճ) կամ բերդի աշտարակ, կամ և գուցե տաճար, ինչպես հալորդում է երկրորդ ձեռագիրը, չնայած դա կարող է սխալ վերծանման արդյունք լինել (պրճիս-տաճրիս):

Կոստանդին եպիսկոպոսն իր կրած տառապանքների ու հալածանքների մասին նույն 1311 թվականի ձեռագրում թողել է նաև այսպիսի ընդհանուր տողեր. «Եւ Կոստանդին եպիսկոպոս Պեհեսնացի, և խնամաք անեղին առաջնորդ սուրբ ուխտիս Սկևռայի, ի բազում իրս բազում անգամ տարուբերեալ ի ժամու և տարածամու վրդովմամբ ի զբաղմանց եռալեան ծովուս միջի՝ անցելոյն և ներկայիս և ապանւոյն, ընդ հոլով սխալմամբ գրաւեալս, ի վաղ ժամանակէ և այսր մեծաւ փափաքմամբ յղճալի գաստ հաւաքեալ գրեանքս... և ոչ լինէր լրումն կատարման իրիս, մինչև նա կամեցաւ, որ զանշարժսն ի բարին գիտէ շրջափոխել...»:

Ինչպես երևում է, այստեղ նշված «ի վաղ ժամանակէ» փափաքած ցանկությունը նա

վերջապես իրականացրել է «բազում անգամ» փոթորկվելուց և վրդովվելուց հետո, մինչև, որ ըմբռնել է իր «ընդ հողով սխալմամբ ըմբռնեալ» լինելը: Եթե այս սխալները կոնկրետ սխալներ են և ոչ թե ընդհանուր, ապա կարող է հարց առաջանալ. ի՞նչ սխալների մասին է նրա խոսքը և արդյոք նրա հալածանքներն էլ այդ հողի վրա չէ՞ն ծընվել:

Առաջադրված հարցին պատասխանելու համար տվյալ ակնարկը բավարար համարել չենք կարող: Ուստի անհրաժեշտ է փնտրել համապատասխան այլ հիմքեր: Հիրավի, եթե Կոստանդին եպիսկոպոսը տարիներ շարունակ հալածվել է, ապա ի՞նչն է եղել դրա պատճառը: Այս առումով առաջնահերթ նշանակություն ունի նրա հալածողների մասին տեղեկություն ունենալը: Զէ՞ որ նա կարող էր նաև օտար բռնակալների կողմից գերված ու պանդխտած լինել: Տվյալ դեպքում սակայն նման հալածանք չի նկատվում. առկա է տեղական՝ ներքին, ներազգային, ներկրոնական պայքարով պայմանավորված հալածանք: Դա պարզ երևում է 1311 թվականի հիշատակարանից, ուր ասված է, թե «ոչ գոյր սոցալ անդորելոյ ի մի վայր», որի պատճառով էլ ձեռագիրն ընդօրինակվել է մերթ Միս քաղաքում, մերթ ասորիների Մոխաթ վանքում, մերթ էլ Ջորո վանքում: Պատկերը պարզ կլինի, եթե այստեղ մեջ բերենք նաև հիշատակարանի հաջորդ տողերը. «Ի թուականութեանս Հայոց մեծաց ԶԿ (1311), ի հայրապետութեանս տեսուն Կոստանդինայ Կեսարացոյն և ի թագաորութեան Ալեքի աստուածասիրի և բարեպաշտի, որդոյ Լեւոնի, որդոյ Հեթմոյ...»:

Հասկանալի է, որ այդ օրերին հալածված Կոստանդին եպիսկոպոսի ճակատագրի ուրշողը պիտի լինեին ոչ այլ ոք, ան Կոստանդին Կեսարացի կաթողիկոսը և Օշին թագավորը (1309—1320), իսկ նրանցից առաջ՝ նրանց նախորդները:

Նախ Կոստանդին եպիսկոպոսի իրավունքների վերականգնման մասին: Վերոհիշյալ հիշատակարանում կարդում ենք. «Արդ, եղև աւարտումն մատենիս ի մայրաքաղաքս Միս...»: Նշանակում է, որ ձեռագրի սկզբի մասը գրված է եղել ասորիների Մոխաթ վանքում և Ջորո վանքում: Լինել ասորիների մոտ, նշանակում էր ապաստան գտնել ավելի անվտանգ տեղում, իսկ այնտեղից վերադառնալ մայրաքաղաք՝ Միս, ուր գտնվում էին և՛ արքունիքը, և՛ կաթողիկոսանոցը, նշանակում է ավելի ազատ զգալ և երկյուղ չունենալ: Ուստի կարելի է մտածել, որ հենց այդ ժամանակվանից (1311 թ.) էլ Կոստանդին եպիսկոպոսին իրավունք է տրվել Սսից մեկնել Սկևռա:

Մնում է պարզել նրա և նրա համախոհ Հակոբ քահանայի արտոման կոնկրետ ժամանակը: Այդ կապակցությամբ կարող ենք անել հետևյալ ենթադրությունը: Եթե Կոստանդին եպիսկոպոսը նշում է չորս տարվա պանդխտական կյանք Եվրոպայում, իսկ դրանից առաջ՝ բանտ ու շղթա, ապա մեր կարծիքով, դրանք բոլորը միևնույն պատմության երկու շրջանն են ներկայացնում: Այսինքն, նախ նրան և իր ընկերոջը բանտարկել են, ապա շղթայած ծովով ու ցամաքով ուղարկել «աշխարհն ֆրանկաց», որտեղ նրանք պանդխտել են չորս տարի: Ուստի այդ չորս տարվա մեջ պիտի հաշվել նաև բանտարկության որոշ ամիսները: Անավելի կարելի է չորս տարվա վրա ավելացնել որոշ ամիսներ, այսինքն, այնքան ժամանակ, որքան կպահանջեր գործի ստեղծումը, քննությունը, որոշում կայացնելը և մեղադրյալներին Կիլիսիայից-Հոռոմ նավով ուղևորելը:

Այս հաշվումներով կարող ենք ասել, որ Կոստանդին եպիսկոպոսին բանտարկել և արտրել են 1307 թվականին, որից հետո մինչև 1311 թվականն ընկած միջոցը հավասար է 4—5 տարվա:

Նման հաշիվը մեզ ինքնաբերաբար տալու, կանգնեցնում է Սսի հայտնի ժողովի առջև (1307 թ.), որտեղ հայոց եկեղեցին միացված համարվեց լատինական եկեղեցուն: Հայտնի է, որ այդ ժամանակ ուժեղ բախումներ ու դժգոհություններ եղան, ունենալով ծանր և աղետալի հետևանքներ: Ուստի, բնականաբար, հարց է առաջանում. արդյոք Կոստանդին եպիսկոպոսն այդ ժամանակ չէ՞, որ բանտարկվել և ուղարկվել է «ֆրանկստան» (հավանաբար Հոռոմի Պապի մոտ՝ քննության): Դա միանգամայն հավանական ենթադրություն է՝ կարոտ փաստարկման:

Անկախ սակայն մանրամասնություններից, մի բան պարզ է. Կոստանդին կաթողիկոսը Սսի ժողովից հետո մինչև 1311 թվականը գտնվել է հալածանքի մեջ և ի վերջո այդ թվականին վերադարձել Սկևռա:

Այս տեսակետից հետաքրքրական է այն փաստը, որ Սսի ժողովի մասնակիցների շարքում չի եղել Կոստանդին եպիսկոպոսը:

Սկևռայից ներկայացել է միայն մի վարդապետ Մարկոս անունով¹⁷: Դա ցույց է տալիս, որ Կոստանդին եպիսկոպոսը կամ չէր կամեցել ներկայանալ ժողովին, կամ արդեն կալանքի տակ էր գտնվում:

Եվ քանի որ Սսի ժողովի կապակցությամբ առաջացած հալածանքը մի հիմնական

¹⁷ Մ. արք. Օրմանյան, Ազգապատում, Բ, ա, Անթիպաս, 1960, էջ 1786:

պատճառ պիտի ունենար, այն է՝ լատինական դավանանքին հակադրվելը և ազգային եկեղեցուն հակաստարիմ մնալը, ուստի պիտի ենթադրել, որ Կոստանդին եպիսկոպոսը հակադրվել է Սսի ժողովի համար դեռևս 1306 թվականին գրված սկզբունքներին: Ինչ խոսք, նման վարմունքի տերը կարող էր և՛ բանտարկվել, և՛ աքսորվել, և՛ մանավանդ առաքվել Հռոմ՝ հաշիվ տալու: Ըստ երևույթին, այսպիսին է Կոստանդին եպիսկոպոսի հայածանքի շարժառիթը:

Հարց է առաջանում. արդյոք այն գաղափարները, որոնց համար հայածվեց Կոստանդին եպիսկոպոսը, յուրովի չէին արտահայտվել նրա ստեղծած մասնատույի քանդակապատկերների միջոցով: Չէ՞ որ դավանաբանական այդ հարցերը նոր չէին բարձրացվում:

Առհասարակ հետազային թողնելով այս հարցի պատասխանը, կկամենայինք ուշադրություն հրավիրել Ս. Տ.-Ներսիսյանի կատարած քննության այն տողերի վրա, որոնցով նա շեղում է տեսնում քննվող տույի պատկերած սրբերի դասակարգման մեջ: Ըստ նրա, ամենախոշոր սրբերի պատկերները մղված են ետին պլան և առաջին գծի վրա են դրված հայ ժողովրդի ազգային սրբություններ Գրիգոր Լուսավորիչը, Թադեոս առաքյալը, Եվստրատոսը և Վարդան Մամիկոնյանը¹⁸: Ինչ խոսք, Հռոմի ներկայացուցիչներին նման մտեցումը կարող էր գայրացնել, մանավանդ, որ Գրիգոր Լուսավորիչն ու Թադեոս առաքյալը գրավել էին Պողոս և Պետրոս առաքյալների տեղերը: Այն օրերին, երբ կատաղի պայքար էր ծավալվում լատինական կողմնորոշումն արմատավորելու ուղղությամբ, նման քայլը չէր կարող չհետապնդվել: Դրան հակառակ գումարվել են Կոստանդին եպիսկոպոսի դրսևորած համոզումները և ստարկությունները:

Այս կապակցությամբ կկամենայինք ուշադրություն հրավիրել նաև հետևյալ խնդրի վրա: Զարմանալի պիտի թվար այն իրողությունը, որ մեր միջնադարյան սկզբնադարյուններում ոչ մի խոսք չկա Կոստանդին եպիսկոպոսի ստեղծած տույի մասին¹⁹: Չէ՞ որ

¹⁸ „Revue des Etudes Arméniennes“, I, Paris 1964, էջ 130.

¹⁹ Այստեղ նկատի չունենք Վենետիկի Մխիթարյանների միաբանության № 331 ձեռագրում եղած տվյալները, որոնք հետագայի քաղվածքներ են՝ առնված 1880 թվականին հայտաբերված տույի մասին գրված ուսումնասիրություններից (տե՛ս Բ. Սարգիսյան, Մայր ցուցակ հայերեն ձեռագրաց Մատենադարանին Մխիթարեանց ի Վենետիկ, Բ, 1924, էջ 1284. նկարագրված ձեռագրի 5ա, 6ա, 9ա, 17բ թերթերի նյութերով):

այն սովորական տույի չէր, այլ մասնատույի՝ սրբերի մատնեքներով և հրաշագործ պատկերներով: Ըստ երևույթին, Կոստանդին եպիսկոպոսի հայածանքի ժամանակ Հռոմ է առաքվել նաև այդ սրբարանը, ուր և արգելված է մնացել այն:

Հ. Ղ. Այիշանը մտածելով այդ տույի Խոսիա ընկնելու մասին, գրում է. «Անհայտ է պատճառ և ժամանակ փոխադրության պահարանիս յիտալիա... ոչ է մեզ յայտ և այն թէ յոր կողմն Իտալիո գտաւջինն պահիր, ի Հռոմ թէ յայում քաղաքի...»: Bosco վայրը, ուր գտնվել է տույը 1830-ին՝ կառուցված է 1566—1572 թվականներին: Պարզ է, որ ի սկզբանե այնտեղ չէր կարող ընկած լինել տույը: Մնում է ենթադրել, թե տույին Խոսիայում առաջին անգամ տեղ է գտել այն հաստատության մեջ, ուր ներկայացել է շրջաօթյված Կոստանդին եպիսկոպոսը: Դա այլ տեղ չէր կարող լինել, քան Հռոմի Պապի ընդունարանը կամ նրա բանձնարարությամբ գործը²⁰ քննող մի այլ հաստատություն: Ահա նման մի տեղից էլ 1566—1572 թվականներին տույին ընկել է Bosco գյուղի Դոմինիկյանների մոտ, որտեղից էլ 1830 թվականից հետո հայտնաբերվել է Ֆրանսիայում, ընկել հնաաւեր Բագիլիսի ձեռքը և ի վերջո եկել հանգրվանելու Լեհիգրասի Էրմիտաժում:

Հարց է առաջանում, եթե այդ տույը դեռևս 1300-ական թվականներին իր տիրոջ հետ մեղադրվելով ընկել է Հռոմի Պապի և նրա գործակալների ձեռքը, հալած ինչպե՞ս է, որ այն չի ոչնչացվել: Չունենալով պատասխանի համար անհրաժեշտ փաստեր, կարող ենք եզրակացնել, որ այն չի ոչնչացվել հակառակս այն պատճառով, ինչ պատճառով կենդանի է մնացել նրա տերը՝ Կոստանդին եպիսկոպոսը: Նրան հատկապես տույի համար այնքան էլ չէին մեղադրի, եթե ինքն ընդունել լատինական եկեղեցու դավանանքը՝ թեկուզ ստերես: Այդ տույը կարող էր փրկվել նաև Հեթում Երկրորդի հետ կապված լինելու պատճառով, որին Հռոմը ճանաչում և հովանավորում էր: Իսկ տույի գեղահարդարանքը Հեթում թագավորին մեծարում էր ոչ միայն իր երեք հիշատակարաններով, այլև առանձին պատկերաքանդակով, որն ուներ «Հեթում թագաւոր Հայոց» մակագրությունը: Չմոռանանք նշել, որ Հեթումին այն ժամանակ նկարում էին նաև Խոսիայի զանազան հաստատությունների պատերին՝ որպես Հռոմի հովանու տակ մտած թագավորի: Ի վերջո, այդ տույը կարող էր այնտեղ պահվել նաև իր բարձր արվեստի և ամփոփած նշխարների սրբության պատճառով, ուր առկա էին քրիս-

²⁰ «Արձագանք», Թիֆլիս, 1884, էջ 176:

տոնեական եկեղեցու համար ընկածների նշխարները: Հոռմն այդ տուփը սիրով կպահեր իր մոտ նաև դիվանագիտական առումով, որպեսզի մի կողմից ավելի սիրաշահած լիներ Կոստանդին եպիսկոպոսին՝ իր կողմը գրավելու, իր գործիչը դարձնելու նպատակով, իսկ մյուս կողմից՝ հայ իրականությունից կտրելու այդ «սրբարանը», որտեղ ազգային սրբերն ավելի առաջնակարգ տեղ էին ստացել, քան լատինական և առհասարակ քրիստոնեական սրբերը:

Ինչպես տեսնում ենք, շրջանառության մեջ դրվող նոր փաստերը գալիս են լուծելու մի շարք չլուծված հարցեր և բարձրացնելու նորանոր մտքեր, որոնք կարոտ են առավել խոր ուսումնասիրությունների և մանավանդ նորանոր փաստերի հայտնաբերման:

Ավարտելուց առաջ կկամենայինք բարձ-

րացնել մի հարց: Քանի որ Սկևռայի մասնատուփը մի ազնվական կոթող է ոչ միայն իր արվեստով, այլև իր մարմնավորած պատմա-քաղաքական տրամադրություններով, ուստի անհրաժեշտ է առանձին գրքույկ նվիրել նրա հանգամանայից ուսումնասիրությանը և համապատասխան լուսանկարներին: Այն իր մեջ ամփոփում է Կիլիկիայի հայության և նրա մշակույթի պատմության մի դրվագ, որի մասին եղած ուսումնասիրություններն այսօր չեն կարող բավարար համարվել: Մեր ցանկության իրականացումն էլ հիմա միանգամայն ժամանակին է, որովհետև արդեն առկա են գիտա-հետազոտական բնույթի բազմաթիվ աշխատանքներ, իսկ տուփն էլ, բարեբախտաբար, գտնվում է ոչ թե արտասահմանում, այլ Լեհնգրադում:





Օ. Ս. ԵԳԱՆՅԱՆ

ԼԵՆԻՆԳՐԱԴԻ ՊԵՏԱԿԱՆ ԷՐՄԻՏՏԱԺԻ ՀԱՅԵՐԵՆ ՁԵՌԱԳՐԵՐԻ ՀԱՎԱՔԱԾՈՒՆ

Լենինգրադի պետական Էրմիտաժի ֆոնդերում կա հայերեն ձեռագրերի մի փոքրիկ հավաքածու՝ բաղկացած մանրանկարներով հարուստ հետևյալ յոթ մատյաններից.

1. AP—730. «Պատարագամատոյց», ժամանակ՝ ՌժԻԶ (1677), տեղ՝ Լվով, գրիչ՝ Ոնոփրիոս: Ձեռագիրս Էրմիտաժ է փոխադրված 1955 թվականին Լվովի Պատմության թանգարանից:

2. AP—733. «Ծարակնոց», ժամանակ՝ ԺԵ—ԺԷ դդ., վերակազմված ՌժԺԴ (1685)-ին: Ձեռագիրս Էրմիտաժը ձեռք է բերել 1955 թվականին Ֆ. Ա. Կալիկինից:

3. V3—765. «Աւետարան», ժամանակ՝ ԺԷ դ.: Ձեռագիրս Էջմիածնի նախկին գրատան գրչագրերից է («Կարենյանց» № 334, «Էջմիածին» № 341): Այն Գեորգ Դ-ն 1880-ին ընծայել է Ալեքսանդր Բ կայսեր, վերջինիս գահակալության 25-ամյակի կապակցությամբ¹: Էրմիտաժ է փոխադրված 1909-ին Ձմեռային Պալատից:

4. V3—834. «Աւետարան», ժամանակ՝ 2ՀԴ (1325), տեղ՝ Մեհուլա: Ձեռագիրս Ախալցխայի ս. Փրկիչ եկեղեցու գրչագրերից է (№ 423)²: Այն քսանական թվականների

սկզբին փոխադրվել է Երևանի Պատմության թանգարան (№ 94), 1935-ին փոխանցվել Կերպարվեստի թանգարանին (№ 17), իսկ 1940-ին ՀՍԽՀ Ժողկոմսովետի որոշմամբ հանձնվել էրմիտաժին³:

5. V3—835. «Աւետարան», ժամանակ՝ 2ԼԹ (1290), տեղ՝ Դրազարկ, գրիչ՝ Թորոս փիլիսոփա: Ձեռագիրս Ազուլիսի Թովմա առաքյալի վանքի գրչագրերից է (Թումանյան № 2⁴, Լալայան № 3⁵, Մաքսուդյան № 3⁶): Ոմն Գևորգյան ազգանունով կոլեկցիոներ 1912-ին այն վաճառել է Ծոխգլիցի ուսումնարանի թանգարանին, որտեղից և 1924-ին մուտք է գործել Էրմիտաժ: Ձեռագիրս բուն հիշատակարանը դեռևս անցյալ դարի 90-ական թվականներին Խաչիկ վրդ.

³ «Ցուցակ ձեռագրաց...», հատոր Ա, էջ 150:

⁴ А. Н. Туманов, Армянские древние рукописи монастыря св. Фомы. Сборник материалов для списания местностей и племен Кавказа, вып. XXIX, Тифлис, 1901, стр. 1—8.

⁵ Ե. Լալայանց, Օրդուրադի կամ Վերին Ազուլիսի Ոստիկանական շրջան և կամ Գողթն («Ազգագրական Հանդես», Թիֆլիս, 1905, էջ 155—178):

⁶ Մ. Մաքսուդյան, Նկարագրություն և յիշատակարանը ձեռագրաց Ա. Թովմայ առաքելոյ վանոց և եկեղեցեաց Վերին Ազուլեաց, եկեղեցույն Տանակերտ գեղջ և անձանց մասնաւորաց («Արարատ», 1911, էջ 218—224):

¹ «Ցուցակ ձեռագրաց Մաշտոցի անվան Մատենադարանի», հատոր Ա, 1965, էջ 46:

² Մեարոպ արքեպս. Մմբառյանց, Նկարագիր Սուրբ Կարապետի վանքի Երնջակալ, Տիֆլիս, 1904, էջ 313: Մմբառյանցի մոտ նշված են միայն հետագա հիշատակագրությունների թվականները, այն էլ վրիպակներով՝ 2ԳԴԶ և ՌժԻԴ, կարդալ՝ 2ԴԶ և ՌժԻԴ:

Դադյանի ձեռքով անջատված է եղել բնագրից և նկարագրված Հ. Թովհնյանի ցուցակում (№ 11): Այն այժմ գտնվում է Մաշտոցի անվան Մատենադարանի պատասխիկների ֆոնդում՝ 909 թվահամարի ներքո:

6. VP—1010. «Աւետարան», ժամանակ՝ Պետր. (1895), տեղ՝ Ոստան, գրիչ և ծաղկող՝ Ծերուն, ստացող՝ Խաչատուր քհ., Մկրտիչ, հետագայի ստացող՝ Սարգիս (1692): Ձեռագիրս Մատենադարանը 20-ական թվականների սկզբներին ձեռք է բերել Արշամ Աթանասյանից (№ 6269) և 1940-ին ՀՄԽՀ Ժողկոմսովետի որոշմամբ հանձնել Էրմիտաժին⁷:

7. VP—1011. «Աստուածաշունչ», երկու մասից, ժամանակ՝ ԺԳ և ԺԴ դդ., գրիչ և ծաղկող՝ Յովսէփ, ստացող՝ Պարոն Սմբատ՝ որդի Լևոն սպարապետի, երկրորդ ստացող՝ Կարապետ եպս., հիշատակարանի գրիչ՝ Մարտիրոս: Ձեռագիրս Երևանի Կերպարվեստի թանգարանի գրչագրերից է (№ 78)՝ գնված թանգարանի կողմից 30-ական թվականներին մասնավոր անձից: Այն Էրմիտաժին է հանձնված 1940-ին ՀՄԽՀ Ժողկոմսովետի որոշման համաձայն⁸:

Նշված 7 ձեռագրերից 1-ը (№ V3—834) մանրամասնորեն նկարագրված է արվեստագիտության դոկտոր Տ. Ա. Իզմայլովայի «Армянская рукопись, написанная в Генуе в 1325 г., и ее серебряный оклад 1347 г.» («1325 թ. Ծեւովայում գրված հայերեն ձեռագիրը և նրա 1347 թ. արծաթյա կազմը») հոդվածում⁹, իսկ մնացած 6-ը (№№ V3—835, VP—1011, VP—1010, AP—733, V3—765, AP—730)՝ նույնի «Армянские иллюстрированные рукописи государственного Эрмитажа» («Պետական

Էրմիտաժի հայերեն պատկերագրող ձեռագրերը») ցուցակում¹⁰:

Բացի հիշատակված 7 ձեռագրերից, Էրմիտաժի ֆոնդերում եղել են հայերեն 10 այլ ձեռագրեր ևս, որոնք 1958 թվականին, համաձայն ՍՍՀՄ կուլտուրայի մինիստրության 7. 04. 1958 թվակիր № 250 հրամանագրի, Էրմիտաժի տնօրինության կողմից հանձնրված են Մատենադարանին¹⁰: Դրանք Մատենադարանի ձեռագրերի շարքում այսօր զբաղեցնում են հերթական 9740—9749 թվահամարները և արձանագրված են «Ցուցակ ձեռագրաց Մաշտոցի անվան Մատենադարանի» Բ հատորում (Երևան, 1970): Այդ ձեռագրերն են.

1. AP—722 (№ 9749). «Ծարակնց», ժամանակ՝ 2ՂԳ(1344), տեղ՝ Սուրխաթ, գրիչ՝ Թորոս Սուքիասանց:

2. AP—723 (№ 9748). «Թուղթ ստ Եղղկիացիս», ժամանակ՝ ՌԾԾԲ(1708), տեղ՝ Լեօպոլիս:

3. AP—724 (№ 9747). «Աղօթագիրք», ժամանակ՝ ԺԹ դ.:

4. AP—725 (№ 9745). «Մաշտոց ձեռնադրութեան», ժամանակ՝ ՌԾՀԳ(1724), տեղ՝ Լեօպոլիս:

5. AP—726 (№ 9746). «Խորհրդատետր», ժամանակ՝ ԺԸ դ.:

6. AP—727 (№ 9744). «Պատարագամատոյց», ժամանակ՝ ՌԾԶԱ(1782), տեղ՝ Քութերու քաղաք, գրիչ՝ Ստեփանոս Միքոյակիչ:

7. AP—728 (№ 9743). «Պատարագամատոյց», ժամանակ՝ ԺԹ դ.:

8. AP—729 (№ 9742). «Աւետարան», ժամանակ՝ ՌԶ(1631), տեղ՝ Լով, գրիչ՝ Սիմոն երէց:

9. AP—731 (№ 9741). «Ծարակնց», ժամանակ՝ ՌԾԻԹ(1680), տեղ՝ Իլով, գրիչ՝ Միքայէլ Միքայէլեանց:

10. AP—732 (№ 9740). «Ժողովածու», ժամանակ՝ ՌԾԽԵ(1696), ՌԾԽԶ(1697), ՌԾԿԲ(1713), տեղ՝ Լեօպոլիս:

⁹ Труды Государственного Эрмитажа, том X, Ленинград, 1969, стр. 110—141.

¹⁰ «Ցուցակ ձեռագրաց...», հատոր Ա, էջ 171, 181:


⁷ Հ. Թովհնյան, Ցուցակ ժողովածուաց Դադյանի Խաչիկ վարդապետի, մասն Բ, Վաղարշապատ, 1900, էջ 80:

⁸ Византийский Временник, XX, 1961, стр. 443—458.





Հ Ա Ն Գ Ի Մ Տ
ԱՐԺԱՆԱՊԱՏԻՎ Տ. ԹԱՂԵՈՍ ԱՎԱԳ ՔԱՀԱՆԱ
ԶՄՐՈՒԽՏՅԱՆԻ
(1898—1972)



1972 թվականի սեպտեմբերի 17-ին Երեվանում, 74 տարեկան հասակում, վախճանվեց ս. Սարգիս առաջնորդանիստ եկեղեցու տ. Թաղեոս ավագ քահանա Զմրուխտյանը:

Հանգուցյալը ծնվել է 1898 թվականին Թուրքիայի Բրուսայի շրջանում, գյուղացու ընտանիքում: Դեռևս պատանեկան շրջանից նա տարագրության ճանապարհի վրա 1915 թվականի Մեծ եղեռնին կորցնում է ծնողներին ու որբանում: Մահից հազիվ ազատված իր համազորուհիների հետ հաստատվում է Բուլղարիա. և ծառայության անցնում Սոֆիայի հայոց եկեղեցում որպես տիրացու և դպրապետ:

1929 թվականին նա ընտանիքով տեղափոխվում է Փարիզ, որտեղ մնում է մինչև 1936 թվականը և ապա բազմաթիվ հայրենադարձների հետ ներգաղթում Մայր Հա-

յաստան և ընդմիշտ բնակություն հաստատում քաղաքամայր Երևանում:


Տ. Թաղեոսը դեռ փոքր տարիքից ջերմ սեր է ունեցել դեպի եկեղեցին ու եկեղեցական երաժշտությունը: Նա օժտված էր նաև ձայնական բացառիկ շնորհքով ու մեծ ապրումով կատարում էր մանավանդ հոգևոր երգեր ու շարականներ:

Հանգուցյալը գիտակից նվիրումով իր կյանքն ու գործունեությունը կապում է եկեղեցական ծառայության հետ և 1957 թվականին Երևանի ս. Սարգիս եկեղեցում քահանա է ձեռնադրվում՝ իրականացնելով տարիների իր իղձն ու երազանքը:

1957 թվականից մինչև իր մահը տեր հայրը քահանայագործում է Երևանի ս. Սարգիս եկեղեցում և որպես հավատավոր, ծրայան ու բարի հոգևորական սիրվում և զնահատվում է իր հավատավոր ժողովրդի կողմից: Նրա բարեխիղճ և նվիրված հոգևոր գործունեությունը չի վրիպում նաև ազգիս Վեհափառ Հայրապետի բարձր ուշադրությունից: 1964 թվականին նրան շնորհվում է քահանայական լանջախաչ կրելու իրավունք, 1967 թվականին՝ ծաղկյա փիլոն, իսկ 1971 թվականին՝ ավագ քահանայության պատիվ: Սեպտեմբերի 19-ին հանգուցյալ տ. Թաղեոս քահանայի վերջին օժոմնն ու թաղման կարգը կատարվում է Երևանի ս. Սարգիս եկեղեցում՝ նախագահությամբ Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանի, մասնակցությամբ թեմի քահանայից ողջ դասի, թեմական և եկեղեցական խորհուրդների անդամների և հավատացյալների բազմության:

Հանգուցյալի կյանքի և եկեղեցական արդյունաշատ գործունեության մասին դամբանական է խոսում տ. Ռուբեն քհն. Մարտիրոսյանը՝ վեր հանելով տ. Թաղեոս քահանայի ծառայության արժանիքները, որպես տիպար, հավատավոր ու հայրենասեր հոգեվորականի, որը անսակարկ նվիրումով ու մեծ սիրով իր կյանքը նվիրել է իր եկեղեցու պայծառությանը և իր ժողովրդի հոգևոր սպասին:

Հանգի՛ստ տ. Թաղեոս ավագ քահանայի ոսկորներին:





Բ Ո Վ Ա Ն Դ Ա Կ Ո Ւ Թ Յ Ո Ւ Ն

	Էջ
ՎԵՀԱՓԱՌԻ ՀԱՅՐԱՊԵՏԻ կոնդակը Սարդարապատի հերոսամարտում զոհվածների հիշատակը ամեն տարի մայիսի 22-ին նշելու մասին	8
ՎԵՀԱՓԱՌԻ ՀԱՅՐԱՊԵՏԻ կոնդակը Մադրասի հայոց ս. Աստվածածին եկեղեցու կառուցման 200-ամյակի առիթով	6
ՎԵՀԱՓԱՌԻ ՀԱՅՐԱՊԵՏԻ կոնդակը տ. Գևորգ վրդ. Սերայդարյանին՝ վրահայոց թեմի առաջնորդական տեղապահ նշանակելու առիթով	8
Հայոց Հայրապետի շնորհավորական գիրը Եկեղեցիների համաշխարհային խորհրդի նորընտիր ընդհանուր քարտուղար դոկտ. Ֆիլիպ Փոթըրին	10
Հեռագրերի փոխանակում Քենտրբերիի նախկին արքեպիսկոպոս Ջեոֆֆրի Ֆիշերի մահվան առիթով	11
Նուրբ գրական ընթերցումներ	12
ԲԱԲԳԵՆ ԿԱԹՈՂՈՒԿՈՍ—Դարձյալ խաչ	14
ՄԱՅՐ ԱԹՈՌՈՒՄ	17
Հոգևոր ճեմարանի վերաբացումը	19
Տ. Արսեն վարդապետ Բերբերյանի՝ Լոնդոնի Կինգս կոլեջում պաշտպանած ավարտաճառի մասին հաղորդում	21
ՊԱՐԳԵՎ ՇԱՀԱԶՋՅԱՆ—Եկեղեցիների համաշխարհային խորհրդի կենտրոնական կոմիտեի և միջազգային գործերի հանձնաժողովի Գործադիր կոմիտեի ժողովները Ութբեխտում	28
ԱՐՏԱԿ ԵՊԻՍԿՈՊՈՍ ՍՄԲԱՏՅԱՆՑ—Սուրբ Էջմիածնի միաբանության գրական-կրթական գործունեությունը և Մայր Աթոռի տպարանը	29
Հ. Ս. ԱՆԱՅՅԱՆ—Հայ պատմա-դավանաբանական գրականության թանկարժեք հուշարձանը	45
ԱԱՏՈՒՐ ՄՆԱՑԱԿՎԱՆՅԱՆ—Ո՛րվ է Սկևռայի 1298 թ. մասնատուփի պատվիրատու Կոստանդին եպիսկոպոսը	57
Ս. Ս. ԵԳԱՆՅԱՆ—Լեհինգրադի պետական Էրմիտաժի հայերեն ձեռագրերի հավաքածուն	66
Հանգիստ արժանապատիվ տ. Թադեոս ավագ քահանա Ջմրուխտյանի	68

**Խ Մ Բ Ա Գ Ր Ո Ւ Թ Յ Ա Ն Հ Ա Ս Յ Ե Ն
Հ Ա Ց Կ Ա Կ Ա Ն Ս Ս Հ, Է Ջ Մ Ի Ա Ծ Ի Ն
«ԷՋՄԻԱԾԻՆ» ԱՄՄԱԳՐԻ ԽՄԲԱԳՐՈՒԹՅՈՒՆ**

Армянская ССР, Эчмиадзин, Редакция журнала «Эчмиадзин».
Rédaction de la revue «Etchmiadzine», Etchmiadzine, Arménie, URSS

Հանձնված է արտադրության 14/IX 1972 թ.: Ստորագրված է տպագրության 20/X 1972 թ.:

Տպագրական 4,25 մամուլ, թուղթ 60×84¹/₈, պատվեր 654

Մայր Աթոռ ս. Էջմիածնի տպարան, 1972 թ.